


خواجہ احمد یسوی

(پیر ترکستان)

دیوان حکمت

فقرنامہ



الحمد لله رب العالمين والعاقبة للمتقين والصلوة والسلام على رسوله
والله وصحبه اجمعين اما بيلكيل كيم بورساله قطب الاقطاب وپسر
مشايخ سلطان الاوليا وبرهان الاتقيا فرزند خوان حضرت سلطان
الاحمد ياصلي الله عليه وسلم حضرت سلطان خواجه احمد يسوي انداغ تيب
دورلار كيم بزوين سونكره اخر الزمان يقين بولغانده انداغ مشايخ لار
بولغاي كيم بيس عليه اللعنة الاردين سبق المغاي و همه خلق الارض
بولغاي و مریدلاريني باشقاره آماغاي لار اول شيخ لار كيم مریدلاريني
طمع قيلغاي و جانيني كفر ضلالتدين آبرمغاي و اهل بدعت ني يمشي
كوركاي و علم شريعت برله عمل قيلغاي و نامحرم لار غه كوز سالغاي لار
و بائليغ پيش قيليب الله تعالى نيك رحمتيدن اميد توقايلار و مشايخ
ايشلاريني خوار كور كاي لار مریدلاريني رد بولغاي اول لار مرید بولغاي لار
وينه خوار يبق زار ليق برله مریدلاريني نيك شكيده بوروكاي لار اول لار

بسم الله الرحمن الرحيم

بسم الله الرحمن الرحيم

الحمد لله رب العالمين والعاقبة للمتقين والصلوة والسلام على رسوله محمد وآله واصحابه اجمعين اما بيلكيل كيم بورساله قطب الاقطاب و سرور مشايخ سلطان الاوليا و برهان الاتقيا فرزند خوان حضرت سلطان الانبيا صلى الله عليه وسلم حضرت سلطان خواجه احمد يسوي انداغ ايتيب دورلار كيم بيز دين سونكره آخر الزمان يقين بولغانده انداغ مشايخ لار پيدا بولغاي كيم ابليس عليه اللعنة الاردين سبق المغاي و همه خلق الارغه محب بولغاي و مریدلاريني باشقاره المغاي لار اول شيخ لار كيم مریدلاريني دين طمع قيلغاي و جانيني كفر و ضلالتدين آرمغاي و اهل بدعت ني يمشي كوركاي و اهل سنت ني يمان كوركاي و علم شريعت برلان عمل قيلماغاي و نامحرم لار كوز سالغاي لار و يمان ليغ پيشه قيليب الله تعالى نيك رحمتيدن اميد توقاي و مشايخ لار ايشيني خار كوركاي مریدلاريني رد بولغاي اول لار مرید بولغاي و ينه خار ليق زار ليق برله مریدلاريني نيك اشكيده بوروكايلار اول حالده

مريدلاردين نياز آغابالار من بيزار من خدا بيزارديكايلا شيوخ اولدور كيم نياز آلسه مستحق لار غه غريب بيچاره غه بيركايلا اكر آليب اوزى بيبسه مردار ايت يمش ديك بولغاي اكر تون قيليپ كيسه اول تون تور غونچه حق تعالى نماز روزه سيني قبول قيلماغاي و اكر آغان نياز يدين نان قيليپ بيبسه حق تعالى آنى دوزخ ده تورلوك عذاب غه كرفتار قيلغاي و اكر آنداغ شيوخ غه هر كشي اعتقاد قيلسه كافر بولغاي آنداغ شيوخ لار ملعون تورور آنيك فتنه سى دجال دين بدتر تورور اى طالب اكر حق نى طلب قيليپ تباى ديسنك آنداغ بيركا قول بيركيل كيم شريعت ده عارف بالله بولسه طريقت ده واقف اسرار بولسه حقيقت ده كامل مكممل بولسه معوقت ده دريائى عمان بولسه آنداغ بيركا قول بيركيل كيم ايشينك سعادت بولغاي اكر مويد شريعت علمينى بيلمسه شريعت علمينى آنكا اوركاتكاي اكر طريقت ده واقع پيدا بولمسه طريقت علمى برلان يولغه سالغاي و حقيقت سر يدين مريدكا يول كورساتكاي و اكر معرفت ده جذبه حق پيدا قيلدور غاي شيوخ ذوالنون مصرى رحمة الله عليه آنداغ ايتيب دور لار كيم مريد قرق بيل خدمت قيلماغونچه شيوخ ليق و فقير ليق و درويش اورنى آنكا تعين بولمس و خرقة كيماكى آنكا روا ايرمس حضرت سلطان خواجه احمد يسوى آنداغ ايتب دور لار كيم هر كيم پيرليك و شيوخ ليق دعواسين قيلور بولسه قرق بيل تا پير نينك خدمتى ده يور مغونچه شيوخ اورنى آنكا روا ايرمس اكر مريد آلسه رد تورور هر كيم درويش ليك دعواسين قيلسه اول حق امرينه بويون سئوب شريعت امرى برله يولغه يوركاي و باطل ايشلاردين و بدعت ايشلاردين پر هيز قيلغاي كيچه قيام بولمغونچه كوندوز خدمت قيلماغونچه شيوخ ليق دعواسين قيلسه ايشى باطل تورور هر كيم شريعت امريدين چقسه مرتد تورور اكر توبه قيلماي دنيا دين بارسه حق تعالى تموغ ده تورلوك عذاب غه گرفتار قيلغاي اى درويش اكر زاهد بولسه رياءى عابد بولسه سوداي صوفى بولسه كداي درويش بولسه هر جاي صوفى ليق لارى مردار ايشلارى فساد مريدلارى مرتد صوفى ليق لارى خودروى ليك درويش ليك لارى طمع ليك نيت لارى فتنه ليك طريقه لارى اباحت سنت لارى بدعت فعل لارى قباحت نتيجه لارى شقاوت سرلارى خيانت و غسل لارى جنابت صوفى لارده رياضت يوق فقير لارده قناعت يوق غنى لارده سخاوت يوق درويش رلارده وهم قيامت يوق اى درويش احواليمز نچوك بولغاي اى درويش بيلكيل و اكاه بولغيل كيم اول كلمه شريعت ايكنچى كلمه طريقت اوچونجى كلمه معرفت تور توچى كلمه حقيقت نى بيلمك كيراك اكر صوفى بولوب بو كلمه لارنى بيلمسه صوفى ايمس كلمه شريعت بو تورور لا اله الا الله كلمه طريقت بو تورور لا اله الا الله صفا صفا محمد رسول الله كلمه معرفت بو تورور لا اله الا الله عظمته محمد رسول الله خلقته كلمه حقيقت بو تورور لا اله الا الله بقدرته محمد رسول الله رسالته اى درويش مشايخ ماتقدم نينك فقيرليغي نى قبول قيليپ سوزلاركا پى رولغ قيليپ احكام واركان لارنى بيليپ هوا و هوس نى ترك قيليپ نفس نى مجاهده يابي برلان سيندوروب اوزيكا مطيع قيليپ و قناعت نى پيشه قيليپ قضا سينه راضى بولوب بلاسيغه صبر قيليپ نعمتى كا شكر قيليپ ايتكان رساله غه عمل قيليپ خداى تعالى نينك امرينى بجاي كيلتورسه درويش ليك آتى آنكا مسلم بولور يوق ايرسه بولارنى بيلمى شيوخ ليق دعواسين قيلسه قيامت كونى قرا يوزلوك بولوب شرمنده بولغاي نعوذ بالله من ذلك فقير ليق مرتبه سى مقام اعلا تورور هر كيم كا ميسر بولماس

قدرت برلان حقدين سزكا فرمان بولدى
توبسيز تينكز ايچره يلغوز توشتوم دوستلار
اول تينكيز كا اوغان ايذيم فرمان قيلدى
بحمد الله صحت سلامت كچتيم دوستلار

ياشيم يتى، عمروم كيتى كوكتا اوچتوم
بغريم تاشتى، عقليم شاشتى، يركا توشتوم
نفس و شيطان خيلى برلان كوب اوروشتوم
صبر رضا مقامتين آشتوم دوستلار

توقوز ومده توكلال توز دوم توكونمادوم
اون ياشيمده اونك يانيمغه اوركولماديم
اون بريمده اوز نفسيم كا ضابط بولدم
فقر رضا مقامتين كچتيم دوستلار

اون ايكي مده برچه ارواح كلام قيلدى
حور لار قارشو كيليب منكا سلام قيلدى
سر شربتئين ساقى بولوب منكا سوندى
آنى آليب ادب برلان ايچتيم دوستلار

اون اوچومده غواص بولوب دريا چومدم
معرفت گوهرينى سردين تيرديم

شمعين كوروب پروانه دك اوزوم اوردوم
بيهوش بولوب عقليم كيتي شاشتيم دوستلار

اون تور تومده تفراق صفت خارليغ تار تيم
هو - هو تيو باشم برلان تون لار قاتيم
مينك آلتون ليغ قيمتي ني بركا ساتيم
آندين سونكرا قنات توتوم اوچتوم دوستلار

اون بيشمده دركاهينكا يانيب كيلديم
يازوق برلان هر اشي قيلديم خطا قيلديم
توبه قيليب حقه بويون سئوب كيلديم
توبه قيليب يازوق لاردين قاچديم دوستلار

جبرائيل واحي كيلتوردي حق رسول غه
آيت كيلدي ذكر ايتكين ديب جزء و كل غه
خضر بابام سالدی منی اوشبو يولغه
آندين صونكره دريا بولوب تاشتيم دوستلار

شريعته نينك يوستانیده جولان قيلديم
طريقت نينك كلزارينده سيران قيلديم
حقيقت دين قنات توتوب طيران قيلديم
معرفت نينك ايشيكيني آچتيم دوستلار

آلسنتُ خمرين پير مغان تويا بردی
ايچا برديم مقداريمچه قويا بردی
قل خواجه احمد ايچيم تاشيم كويا بردی
طالب لركا در و گوهر ساچتيم دوستلار

القصة بو مقام انبيالار و عارف لار و عاشق لارننك مقامی تورور خصوصاً حضرت رسول اكرم صلى الله عليه و سلم نينك مقامی تورور يعنى الفقر فخری دیدیلار و فقیرنی یخشی کورمك ایمان دین تورور و فقیرنی خار توتماق کفر تورور نجوك کیم حضرت نبینا صلى الله عليه و سلم ایديلار حُبُّ الْفَقْرِ مِنَ الْاِيْمَانِ وَبِغَضِ الْفُقَرَاءِ مِنَ الْكُفْرِ اما فقیرلیق مرتبه سی و حرمتی یتى قات آمساندین و یتى قات یردین اولوغ راغ تورور نجوك کیم حضرت رسول اكرم صلى الله عليه و سلم ایديلار حرمة الفقراء المؤمنین اعظم عند الله من سبع السموات و سبع الأرضین ديب ایديلار ای درویش هر کیم غنی لارنی اكرام قيلسه دنياسی اوچون ابد الابد خدای تعالی نينك لغتی غه کرفتار بولور و اكر فقیرنی حقیر کورسه و اهانت قيلسه خدای تعالی چندین عذاب غه کرفتار قيلغای بول فعل مؤمن لارده بولمس مکر منافق لارده بولغای حضرت علی رضی الله تعالی عنه روایت قيلور لار کیم درویش ليك مقامی قرق تورور اكر بيليب عمل قيلسه درویشليکی پاک تورور و اكر بيلمسه و اورکانمسه درویش ليك مقامی آنکا حرام تورور و جاهل تورور اول قرق مقام نينك اونى مقام شريعت ده تورور و اونى مقام طريقت ده تورور و اونى مقام معرفت ده تورور و اونى مقام حقيقت ده تورور اول اون مقام شريعت ده تورور (اول) ایمان كيلتورمك حق تعالی نينك بيرلكيكا و بارليقيغه و صفاتيغه و ذاتيغه (ايكنجی) نماز اوقومق تورور (اوچونجی) روزه توتماق تورور (تورتونجی) زکوة بيرمك تورور (بيشنجی) حج طواف قيلماق تورور (آلتنجی) ملازم سوزلامك تورور (يتنجی) علم اوگرانماق تورور (سكزنجی) حضرت رسول صلى الله عليه و سلم نی سنت لارینی بجای كيلتورمك تورور (توقوزنجی) امر معروف نی بجای كيلتورمك تورور (اونونجی) نهی منکر قيلماق تورور اون مقام طريقت ده تورور (اول) توبه تورور (ايكنجی) پيركا قول برمك تورور (اوچونجی) خوف تورور (تورتونجی) رجا تورور يعنى حق تعالی دین اميدوار بولماق تورور (بيشنجی) ورد اوقات نی بجای كيلتورمك تورور (بشنجی) لذات و شهوات نی ترك قيلماق تورور (آلتنجی) پيرنی خدمتیده بولماق تورور (يتنجی) پيرنی اجازتی برلان سوزلامك تورور (سكزنجی) نصيحت ايشيت مك تورور (توقوزنجی) تجريد بولماق تورور (اونونجی) تجريد بولماق تورور.

اون مقام معرفت ده تورور (اول) فنا بولماق تورور (ايكنجی) درویش ليق نی قبوان قيلماق تورور (اوچونجی) هر ايش كا تحمل قيلماق تورور (تورتونجی) حلال طيب طلب قيلماق تورور (بيشنجی) معرفت قيلماق تورور (آلتنجی) شريعت نی و طريقت نی برپای توتماق تورور (يتنجی) دنيانی ترك قيلماق تورور (سكزنجی) آخرتنی اختيار قيلماق تورور (توقوزنجی) وجود مقامینی بيلمك

(اونونچى) حقيقت نى اسرارىي بيلمك تورور.

اون مقام حقيقت ده تورور (اول) خاك راه بولماق تورور (ايكنچى) يخشى يمان نى تنيماق تورور و بورون لقمه كا قول سالمق بلكه فضلّه كا قناعت قيلماقدور اوزيني لقمه سيني سبيل راه قيلماق و كشيى آزار برمكاي و فقيرليق غه منكر بولماغاي و سير سلوك قيلماق هر كيم دين سرينى ساقلامق و شريعت و طريقت و حقيقت مقاميني بيلماك و عمل قيلماق شيخ حسن بصري رحمة الله عليه روايت قبولر لار حضرت رسول صلى الله عليه و سلم دين حضرت على رضى الله عنه غه ايديلار معراج كيچه سى حق تعالى فرمان برلان حضرت جبرائيل عليه السلام بوراق كيلتوردى يتي قات آسماندين آشوردى تنكري عز و جل قدرتى برلان عجايب لارنى كوردى حضرت زب العالمين سلام قيلدى حق تعالى حبيبي جواب سلام آدى خطاب رب الارباب دين ندا كيلدى يا سيد المرسلين يوقارى نظر قيل حضرت رسول اكرم صلى الله عليه و سلم نظر قيلدى ايرسه عجايب صورت لارنى كورور لاركه آنيك شرحى ير و كوك كا سيغمس آنده حيران بولديلار و بيهوش بولديلارينه هوشلار يكا كيلدیلر ايديلار يازب اول نه صوزت ايردى كه كوردوم عقل هوشوم دين كيتيم حضرت رب العزت دين ندا كيلديكه اول صورت فقيرليت صورتى تورور اى محمد اكرمنى تيلاسنك فتر بول تجريد و تفريد بولغيل و اكر ديدار تيلاسنك رياضت تارتغيل تا منينك جمالم غه مشرف بولغاي سن و هر كيم ديدار تيلاسه غير حق آنكا حرام تورور فقيرليق صورتيني كورديلار اما مشايخ لار اول صورت نى بيانده مختلف سوزلاب تورور لار حضرت على رضى الله عنه ايديلار حضرت محمد مصطفى صلى الله عليه و سلم اول كيچه معراج دين يانى كيلديلار مبارك يوزلازیده نوري كوردوم اون سكر مينك عالم اول نوردين منكا عيان بولدى آنده ايديم يا رسول الله بو كون يوزونكيزده نور كوردوم كونده كيددين زياده حضرت رسول صلى الله عليه و سلم ايديلار بول كيچه معراج ده رب العالمين حضرتيده فقيرليق صورتيني كوردوم عشق شرايدين بير جرعه نوش قيلديم ديديلار ديديلار حضرت على رضى الله عنه ايديلار بو حالده من هم آرزو قيلديم حضرت رسول صلى الله عليه و سلم عشق شرايدين بير جرعه منكا هم بيرديلار ايچتيم بيحال بولدوم و بيهوش بولدوم ينه هوشيم كا كيلديم هر نه حضرت كا معاينه و مشاهده ايردى منكا هم شونداغ معاينه و مشاهده بولدى حضرت رسول اكرم صلى الله عليه و سلم ايديلار يا على فقيرليق مقامينده اون مقام بار تورور و اون نور بار تورور و اون يول بار تورور و اون اورون بار تورور فرق مرتبه بار تورور (اول) اون مقام بار تورور كيم (اول) قناعت تورور چنانچه حضرت رسول اكرم صلى الله عليه و سلم ايديلار أَلْقَاعَهُ كَنْزٌ لَا يُفْنَى يعنى قناعت كنجيدور كيم هر كيز تاكانماس و مال نينك فايده سى يوقتور اولوم وقتيده منقطع بولور (ايكنچى) مقام فقر بلاغه تحمل قيلماقدور (اوچونچى) مقام فقر گرفتارليق تورور بنده ليكى كا (تورتونچى) مقام فقر عذاب تورور ايوب پيغمبر ديك بولميش تورور (بشنچى) مقام فقر حيرت تورور (آلتنچى) مقام فقر رياضت تورور (بنتنچى) مقام فقر آج ليق تورور (سكزنچى) مقام هلاكت تورور. (توقوزونچى) مقام دل خسته بولماق دور (اونونچى) مقام فقر حضرت رب العزت ليك تورور و اون نور فقر تورور (اول) نور صدق (ايكنچى) نور صبر حضر رسول صلى الله عليه و سلم ايديلار الصبر كَنْزٌ مِنْ كَنْوَزِ الْجَنَّةِ يعنى صبر بهشت نينك كنج لاريددين تورور (اوچونچى) نور شكر تورور (تورتونچى) نور فكر تورور (بيشنچى) نور ذكر تورور (آلتنچى) نور نماز تورور (بنتنچى) نور روزه تورور (سكزنچى) نور ايمان تورور (توقوزونچى) نور صدقه تورور (اونونچى) نور پاك جان تورور.

و اون يول فقر تورور (اول) توبه تورور (ايكنچى) يازوق لاردين قايتماق تورور (اوچونچى) پشيمان ليغ تورور (تورتونچى) حيرت تورور (بيشنچى) مقام خارليق و زارليق تورور (آلتنچى) حق تعالى دين يارى تيلاميك تورور (بنتنچى) يمان يول لاردين يانماق تورور (سكزنچى) خدای تعالى نينك ذكرى برلان بولماق تورور (توتونچى) تفكر تورور (اونونچى) فنا بولماق تورور. و اون اورون بار تورور فقر تورور حكمت تورور عدل تورور عقل تورور حلم تورور حيا تورور عزت تورور احسان تورور ستارليغ تورور امانت تورور تسليم تورور شيخ شهاب الدين قدس الله سره ايديلار درويش ليك كا بول قرق شرايط نى بيلمك كيراك آنداغ كشيى صوفى ديكايلار سلطان احمد كبرا ايديلار يتمش اوچ بيل عمر كوردوم قرق بيل مسافرليق برله بولدوم يتى بيل حج قيلديم مينك مرتبه ختم قرآن قيلديم يتمش مرتبه حضرت رسول صلى الله عليه و سلم نى توشومده كوردوم مبارك يوزلارى كا قراب بول قرق مقام نى منكا ايديلار من عمل قيلماديم حضرت واجب تعالى غه يتيشماديم حضرت شيخ شهاب الدين رحمة الله عليه ايديلار كيم بول قرق مقام نينك اونی شريعت ده تورور و اون مقام طريقت ده تورور و اونی مقام حقيقت ده تورور و اونی مقام معرفت ده تورور هر صوفى هر درويش هر فقير كيم بول قرق مقام نى بيلمسه و عمل قيلمسه صوفى ليق شيخ ليق و فقيرليق دعواسين قيلسه يلغان تورور و اكر صوفى غه بو دنيا نينك نعمتى تمام برسه لار كافر لاركا اشارت قيلسه كيراك و اكر عقبى نعمتى نى و جنت نى تمام برسه لار مؤمن لاركا اشارت قيلسه كيراك محنت و رنج بلانى اوزيكا كورسه كيراك صوفى اكر خلوت ده بولسه حق تعالى نينك ذكرى برلان بولسه كيراك و اكر خلق آراسيده بولسه شريعت دركاهيكا صبر قيلسه كيراك و هر وقتى كه درمانده بولسه آنيك دركاهيكا صبر قيلسه كيراك صوفى حلال يمك دين توبه قيلسه كيراك الا بقدر ضرورت تا شبهه كا توشمكاي و اكر صوفى دنيا نعمتى نى تيلاسه صوفى ايمس و اكر دعا و زارى بلان بلا و محنت قيلسه صوفى تورور و شيخ ليق مقام مجاهده تورور و اهل دنيا بلاندى تيلار و اهل عقبى پست لك نى تيلار خار زارليق نى تيلار و اكر صوفىكا بلا كيلسه آه و آه ديمس و صبر قيلور و اكر صوفى نين

نفسى نعمت آرزو قىلسه نفس نى آرزوسىنى بىرمكاي و اكر صوفى آچ بولسه و برهنه بولسه خوشنود بولغاي و صبردين اوزكاني
 اختيار قيلماعاي خوش تواضع ليق بولغاي بول اون مقام شريعت ده تورور و اون مقام طريقت ده تورور تسليم تورور يعنى اكر بلا
 و محنت باشيغه كيلسه اوزىنى تسليم كا جان و دل برلان سالغاي ينه ايچمك دين و يمك دين كيمك دين خلق دين تيلامسون و كلیم پاره
 سىنى اطلس دين زياده كورسون كوندور روزه كيچه نمازده بولسون و تلاوة قرآن برله بولسون اوقوب قرآن تلاوة قيلمغیل ترك نظم
 ديسنك آخرده بولسون و اهل محبت دين اوزكاني ذكر قيلماسون و ينه اخلاص برله بولسون صوفى هر كيچه نماز تهجدنى ترك
 قيلماسون خوف و رجا ايچيده بولسون و اكر صوفى طاعتىنى خلق غه ظاهر قىلسه ربا اوچون ايليك بيل ليق طاعتى نى ذرهء طعام
 كا ساتقاي تنكرى عز و جل كا شايسته بولماعاي ينه صوفى يولغه راست ليق برلان قدم قويسه كيراك و راست سوز لاسه كيراك
 زير اكه كونك تيل كا خبر بيورينه صوفى نفسىنى كويدوروب فنا قىلسه كيراك دنيادين سوز لاسه كيراك حق تعالى نينك يادى برلان
 خوش وقت بولسه كيراك و ينه صوفى پست لقاي بولسه حق تعالى نى تابقاي اكر اوتقه باقسه حق نى كوركاي و اكر سوغه باقسه حق
 نى كوركاي و اكر يوقارى باقسه حق نى كوركاي و اكر قوبى باقسه حق نى كوركاي و اكر ايلكارى باقسه حق نى كوركاي و اكر
 اولتورسه حق نى كوركاي مشاهده كوزى برلان و ينه صوفى علم اليقين و عين اليقين مقامىنى تابقاي و اكر سر كوزى برلان يوقرى
 باقسه عرش نى كوركاي (و اكر) قوبى باقسه ينى طبقهء زمين نى تا تحت الثرا پشت كا و ماهىنى كوراي و هيچ حجاب بولماعاي و
 اكر حق اليقين كوزى برلان باقسه مخلوقات و مصنوعات دين كچيب بى چون و بى چگونه حق نى كوركاي و معرفت ده برچه
 كونين عالمىنى كوركاي تانيق تورور بى شك و بى شبهه ينه صوفى دنيا و آخرت ده آنينك همتى كا سيغمس برچه بهشت نينك نعمت
 لارى كوزيكا كورونمس ينه صوفى ديكان خدانينك شوقيده سوك بولوب ايريب آقسه كيراك كونك نى حق نى رضاسيغه برسه
 كيراك فرزندىكا و ماليغا برمسه كيراك ينه صوفى ديكان نى كورنده تابمغاي لار و پل صراط ده هم تابمغاي لار و جنت ده هم
 تابمغاي لار حضرت واجب تعالى نينك قربده تابقاي لار اكر صوفى ايتسه. اى بار خدايا برچه عاصى لارنى منكا باغيشلاغيل ديسه
 آنينك سوزىنى حق تعالى رد قيلماعاي و ينه صوفى تا حضرت حق تعالى دين ندا ايشيتمسه جانينى برمكاي منكر و نكيردين انديشه
 قيلماعاي قيامت نى انديشه قيلماعاي حور و قصوركا باقماعاي تا ملك غفارىنى كورمكونچه ينه صوفى اول بولور كيم برچه
 ايشلاردين كونكلى ساوق بولسه نفس و شهوات دين صاف بولسه باطينى آفات دين صاف بولسه يوروشى صاف بولسه باطينى پوخته
 بولسه كوزى ايكى دنيادين دوخته بولسه سرى فروخته بولسه بول ايتلكان سكسان مقام بولدى اى درويش هر بير مقام بير پيغمبرنك
 مقامى تورور اول حضرت آدم عليه السلام نينك و آخرى محمد مصطفى صلى الله عليه و سلم نينك تورور سلطان المشايخ حضرت
 خواجه احمد يسوى رحمة الله عليه ايدىلار كيم يتمش علم آداب نى بيلمكونچه يتمش مقام يولنى طى قيليپ كيزمكونچه هر كيم شيخ ليق
 مقامى دعواسين قىلسه اول همان بت بولغاي شيخ سرى سقطى رحمة الله عليه ايدىلار فقر بير تاغ ايرور برچه كان لار نينك مكاني
 تورور شيخ المشايخ قدس الله تعالى ارواحه ايدىلار فقر بر دريائى تورور اول دريائى پايانى يوق آنينك پايانىنى كشى كوركاني يوق
 بجز حضرت محمد مصطفى صلى الله عليه و آله و سلم سيد الطائفة حضرت جنيد بغدادى ايتور لار فقر بر پشته تورور احمد كبرا
 ايتور فقر نور خدا تورور هر كيم كه اول نور نينك ضياسى تيكسه آنينك ضياسيدين كمال عشق تاپار شيخ احمد ايتور فقر بر تاج
 دولت تورور هر كيم باشيغه كيدى ايكى جهانده سلطان ابدى بولدى شيخ شقيق بلخى رحمة الله عليه ايتور فقر بر اوت تورور هر كيم
 نينك كونكلىكا توشتى وجودى آلتون بولدى شيخ احمد جام ايتور فقر بر شراب تورور هر كشى جرعهء نوش قىلدى تا قيامت غاچه
 مست لقاي بولدى شيخ قطب الدين حيدر ايتور فقر جذبهء خداوند ايرور هر كيم كا تيكسه ايكى جهانده مرادى حاصل بولدى خواجه
 عبدالله حيدر ايتور فقر هدايت ربنا تورور هر كيم كه يول تابتى جاودانه سلطان ليغى نى تابتى شيخ منصور حلاج ايتور فقر ديدار حق
 تعالى تورور هر كيم كوردى كورمدى لقمان سرخسى ايتور فقر شه باز همت تورور هر كيم كا قوندى اول كشى عرش كا پرواز
 قىلدى تا لامكاني سير قىلدى و مشايخ لار قولى مونداغ ايرور فقر حق تعالى نينك باغ و صليدين درختى تورور اول درخت نينك
 بوناغى عقل تورور ريشه سى هدايت تورور ميوه سى خير و سخاوت تورور سايه سى قناعت تورور آنينك بويى شوق تورور آنينك
 بركى هر كيم كا تيكدى عمل صالح حاصل قىلدى هر كيم ميوه سيدين پدى حيات جاويدانه تابتى و اكر بوبى هر كيم كا تيكسه مست و
 حيران بولغاي و اكر سايه سيده اورون آلسه آفتاب حقيقت آنكا توشقاي اى درويش فقر نينك آلتى آدائى با تورور اول يخشى يمان
 سوزكا سكوت قيلماق و پير آديده خاموش بولماق و بى اجازت پير سوز لار ممك و كشى برلان آچيغ بولماق و خاص عام نينك خدمتى

نى قىلماق و نفسىنى اولتورمك و هوا و هوس نى ترك قىلماق فقردين پاكيژه نرسه بولمس فقر غربت تورور آچ بولماق تورور و اكر آچ بولسه آنينك طهارتى و ذكرى كونكل دين كىتمس و اكر توق بولسه فسادلار پيدا بولور فقر مقامى سكر تورور (اول) توبه تورور عبادت تورور مصبر تورور شكر تورور رضا تورور زهد تورور عارف لق تورور (اولى) حضرت آدم عليه السلام دين قالدى (عابدلىق) حضرت ادريس عليه السلام دين قالدى (شكر و محبت) حضرت ابراهيم عليه السلام دين قالدى (صابرلىق) حضرت ايوب عليه السلام دين قالدى (راضى لىق) حضرت موسى عليه السلام دين قالدى (زاهدلىق) حضرت عيسى عليه السلام دين قالدى (عارف لىق) حضرت محمد مصطفى صلى الله عليه و سلم دين قالدى فقر مرتبه سى يتى تورور جوانمردلىق تورور سپاهى لىق تورور خرقة تورور صبر تورور قناعت تورور شكر تورور توكل تورور جوان مردلىق حضرت على دين قالدى سپاهى لىق حضرت سليمان عليه السلام دين قالدى غربت لىق يحيى عليه السلام دين قالدى صبرلىق و رضاللىق حضرت ايوب عليه السلام دين قالدى قناعت لىق حضرت محمد مصطفى صلى الله عليه و سلم دين قالدى هر درويش كه بول يتى مقام درويش لىق نى بيلمسه يا بيليب عمل قيلمسه شيخ لىق و مرید الماق آنكا حرام تورور اى درويش بول فقرنامه ده هر وصيتى كه بتىلدى كلام ربانى و حديث نبوى دين و اجماع امت دين بتىلدى هر طالب كه بول وصيت لاركا عمل قىليب استقامت قىلسه دنيا و عقبى آنكا ميسر بولغاي و اكر علمه قيلمسه آخر دمیده حای نى كوروب پشیمان قىلغاي و شرمندهء آخرت بولغاي هر درويش بو قرق مقام نى بيلمسه و عمل قيلمسه آنينك شيخ ليغى شیطانى تورور اول مقام ملكوت ايكنچى مقام لاهوت اوچونچى مقام ناسوت تورونچى مقام جبروت. مقام جبروت شريعت تورور مقام ملكوت طريقت تورور مقام لاهوت معرفت تورور مقام ناسوت حقيقت تورور.

(۱)

حکمت

بسم الله ديب بيان ايلای حکمت ايتيب
طالب لارکا دُرّ و گوهر ساچتيم منا
رياضت نی قاتيع تارتيب قانلار يوتوب
مين دفتری ثانی سوزين آچتيم منا

سوزنی ايديم هر کيم بولسه دیدار طلب
جان نی جانغه پيوند قيليب رکنی اولاب
غريب، يتيم فقير لارنی کونکلين اولاب
کونکلی بوتون خلایقدين قاچتيم منا

قيده کورسنگ کونکلی سنوق مرهم بولغيل
انداغ مظلوم يولده بولسه همدم بولغيل
روز نحشر درکاهی کا محرم بولغيل
ما و من ليک خلایقدين قاچتيم منا

غريب فقير يتيم لارنی رسول سوردی
اوشال تونی معراج چيقيب دیدار کوردی
قاييتيب توشوب غريب، فقير حالين سوردی
غريب لارنی ايزين ايزلاب توشتم منا

امت بولسنگ غاريب لارغه تابع بولغيل
آيت حديث هرکيم ايتسه سامع بولغيل
رزق روزی هرنه بيرسه قانع بولغيل
قاتع بولوب شوق شرابين اچتيم منا

مدینه کا رسول باريب بوبدی غريب
غريب ليغ ده محبت تارتيب بولدی حبيب
جفا تارتيب یراتقانغه بولدی قریب
غريب بولوب عقبه لاردين آشتيم منا

عافل ايرسنگ غريب لاردين کونکلين اوله
مصطفی دين ايل کيزيب يتيم کاوله
دنیا پرست ناجنس لاردين بولوب تاوله
بولوب تاوولاب دریا بولوب تاشيم منا

عشق بابی نی موليم آچقاچ منکا تيکتی
تفرق قيليب حاضر بولديب بوينوم ايكدی
باران صفت ملامت نی اوقی تيکتی
پيکان آليب يوراک بغرم تيشتم منا

کونکلوم قاتيع، تيلم اچيع، اوزوم ظالم
قرآن اوقوب علم قيلمای يالغان عالم
غريب جانيم صرف ايلابين يوقتور ماليم
حقدين قورقوب اوتقه توشمای پشتيم منا

آلتميش اوچکا ياشيم يتی اوٹوم غافل
حق امرینی محکم توتمای اوزوم جاهل
روزه - نماز قضا قيليب بولدم کاهل
يمان ايزلاب يخشی لاردين کيچتيم منا

واه دريغا محبت نی جامين اچمای
اهل - عيال خانماندين توکال کيچمای
جرم و عصيان کره لارين مونده چيچمای
شیطان غالب جان برارده شاشتيم منا

ايمانما چتمال اوروب قيلدی غمناک
پير مغان حاضر بولديب ساچتی تریاک
شیطان لعين مندين قاچيب کیتی بی پان
بحمد الله نور ايمان آچتيم منا

پير مغان خدمتیده يوکوروب يوردوم
خدمت قيليب کوزوم يوممای حاضر توردوم
مدد قيلدی عزازيل نی قولاب سوردوم
آندين سونکره قنات قاقيب اوچتيم منا

غريب فقير يتيم لارنی قيلکيل شادمان
حلقه لار قيليب عزيز جانينک ايللا قربان
طعم تابسنگ جانينک بيله قيلکيل مهمان
جقدين ايشتيب بو سوز لارنی ايديم منا

غريب - فقير يتيم لارنی هر کم سورار
راضی بولور اول بنده دين پروردکار
ای بی خبر سن بير سبب اوزی اسرار
حق مصطفی پندين ايشيب ايديم منا

يتی ياشده ارسلان بابغه قيلديم سلام
حق مصطفی امانتين قيلينک انعام
اوشال وقتده مينک بير ذکرين قيلديم تمام
نفسيم اولوب لامکانغه آشتيم منا

خرما بيريب باشيم سلاب نظر قيلدی
بير فرصت ده عقبی سری سفر قيلدی
الوداع ديب بو عالمدين کذر قيلدی
مکتب باريب قيناب جوشوب تاشتم منا

انا فتحنای اوقوب معنی سوردوم
پرتو سالدی بيخود بولوب دیدار کوردوم
ملام اوروب "اسکت" دیدی باقيب توردوم
ياشيم ساچيب مضطر بولوب تورديم منا

ايا نادان معنی بولديب ایدی بيلديم
آنديد سونکره چول لار کزيب حقنی سوردوم

روزی قیلدی عزازیلنی توتوب مندین
لنکر توکوب بیلین باسیب یانچتیم منا

ذکرین تمام قیلیب اوتوم دیوانه کا
حقدین اوزکا هیچ سوزلامای بیکانه کا
شمعین ایزلاب شاکرد کیردیم پروانه کا
اخکر بولوب کویوب یانین اوچتیم منا

نام – نشان هیچ قالمدی لالا بولدوم
الله یادین آیته – آیته الا بولدوم
خالص بولوب مخلص بولوب لله بولدوم
"فنا فی الله" مقامی غه آشتیم منا

سنت ایرمیش کافر بولسه بیرمه آزار
کونکلی فاتح دل آزاردین خدا بیزار
الله حقی آنداغ قل غه سچین طیار
دانالاردین ایشتیم بو سوز ایدیم منا

سنت لارین محکم توتوب امت بولدوم
یر آستیغه یالغوز کریب نور غه تولدوم
حق پرست لار مقامی غه محرم بولدوم
تیغ باطن برله نفس نی یانچتیم منا

نفسیم منیم یولدین اوروب خوار ایلادی
تیلیمور توروب خلائق غه زار ایلادی
ذکر ایثورمای شیطان برله یار ایلادی
حاضر سن دیب نفس باشنی سانچتیم منا

قل خواجه احمد غفلت بیله عمر ونک اوتی
وا حسرتا کوزدین تیزدین قوت کیتی
وا ویلتا ندامت نی وقتی یتنی
عمل قیلمای کاروان بولوب کوچتیم منا

(۲)
حکمت

آیا دوستلار قولاق سالینگ ایدوغومغا
نه سببیدین آلتیمیش اوچده کیردیم بیرگا
معراج اوزره حق مصطفی روحوم کوردی
اول سببیدین آلتیمیش اوچده کیردیم بیرگا

حق مصطفی جبرئیلدین قیلدی سؤال
بو نچوک روح تن غه کیرمای تابتی کمال
کوزی یاشلیغ، حلقه باشلیغ قدی هلال
اول سببیدین آلتیمیش اوچده کیردیم بیرگا

جبریل ایدی امت ایشی سزکا بر حق
کوککا چیقیب ملایک دین آلور سبق

نالشی کا ناله قیلور هفتم طبق
اول سببیدین آلتیمیش اوچده کیردیم بیرگا

فرزندیم دیب حق مصطفی قیلدی کلام
آندین سونکره برچه ارواح قیلدی سلام
رحمت دریا تولوب تاش دیب یتنی پیام
اول سببیدین آلتیمیش اوچده کیردیم بیرگا

رحم ایچره پیدا بولدوم ندا کیلدی
ذکر ایت دیدی بدنلاریم جنبش قیلدی
فرزندیم دیب حق مصطفی اولوش بردی
اول سببیدین آلتیمیش اوچده کیردیم بیرگا

تورت یوز یلدین کین چیقیب امت بولغای
نیچه بیل لار یوروب خلقه یول کورکوزکای
اون تورت مینک مجتهدلار خدمت قیلغای
اول سببیدین آلتیمیش اوچده کیردیم بیرگا

توقوز آی توقوز کونده بیرگا توشتم
توقوز ساعت تور آلمدیم کوککا اوچتوم
عرش-کورسی پایه سینی باریب فوجتوم
اول سببیدین آلتیمیش اوچده کیردیم بیرگا

عرش اوستیده نماز اوقوب تیزیم بولدوم
رازیم آیتیب حقه باقیب یاشیم توکتوم
یالغان عاشق، یالغان صوفی کوردوم سوکتوم
اول سببیدین آلتیمیش اوچده کیردیم بیرگا

جاندین کیچمای هو-هو دیکان باری یالغان
بو قلناقدین سورمنک سؤال یولده قالغان
حققی تابقان اوزی پنهان، سوزی پنهان
اول سببیدین آلتیمیش اوچده کیردیم بیرگا

بیر یاشیمده ارواح منکا اولوش بیردی
ایکی یاشیده پیغمبر لار کیلیب کوردی
اوچ یاشیمده چلتن کیلیب حالیم سوردی
اول سببیدین آلتیمیش اوچده کیردیم بیرگا

تورت یاشیمده حق مصطفی بیردی خرما
یول کورساتیم یولغه کیردی نیچه گمراه
قیده بارسم خضر بابام منکا همراه
اول سببیدین آلتیمیش اوچده کیردیم بیرگا

بیش یاشیمده بیلیم باغلاب طاعت قیلدیم
تطوع روزه توتوب عادت قیلدیم
کیچه – کوندز ذکرین ایتیب عادت قیلدیم
اول سببیدین آلتیمیش اوچده کیردیم بیرگا

Алти ياشده تورماي قاچديم خلايقدين
كوككا چيقيب درس اوركانديم ملايك دين
دامين كيسيب همه اهل علايق دين
اول سببدين آلتيمش اوچده كيرديم بيركا

يتي ياشده آرسلان بابام ايزلاب تابتي
هر سر كوروب پرده برله بوكوب يابتي
بحمد الله كوردوم ديدى ايزيم اوبتي
اول سببدين آلتيمش اوچده كيرديم بيركا

قابطض كيليب آرسلان بابام جانين آلدی
حور لار كيليب حرير توندين كفن قيلدى
يتمش منك فرشته لار يغيليب كيلدى
اول سببدين آلتيمش اوچده كيرديم بيركا

جنازه سين اوقوب بيردن کوتارديلار
بير فرصته اوچماخ ايچره بيتكورديلار
روحين آلوب عليين كا كيركوزديلار
اول سببدين آلتيمش اوچده كيرديم بيركا

الله بير آستيده وطن قيلدى
منكر-نكير «مَنْ رَبِّكَ» ديب سوروخ سوردى
آرسلان بابام اسلامى دين بيان قيلدى
اول سببدين آلتيمش اوچده كيرديم بيركا

عاقل ايرسنگ ايرانلاركا خدمت قيلغيل
امر معروف قيلغانلارنى عزت قيلغيل
نهى منكر قيلغانلارنى حرمت قيلغيل
اول سببدين آلتيمش اوچده كيرديم بيركا

سيكز مده سيكز ياندين يول آچيلدى
حكمت ايت ديب باشلاريمغه نور ساچيلدى
بحمد الله پير مغان مى ايچوردى
اول سببدين آلتيمش اوچده كيرديم بيركا

پير مغان حق مصطفى بيشك بيلينك
قیده بارسنگ وصفين ايتيب تعظيم قيلنك
درود ايتيب مصطفى غه امت بولنك
اول سببدين آلتيمش اوچده كيرديم بيركا

توقوزوم ده تولغانماديم توغرى يولغه
تبرك ديب آيب يوردى قولدين قولغه
قوانماديم بو سوزلاركا قاچتيم چول غه
اول سببدين آلتيمش اوچده كيرديم بيركا

اون ياشينكده او غلان بولدونك قول خواجه احمد
خواجه ليك كا بنا قويوب قيلماي طاعت
خواجه منديب يولده قالسنگ واى نه حسرت

اول سببدين آلتيمش اوچده كيرديم بيركا

(۳)
حكمت

هر صبحدم ندا كيلدى قولاقيم غه
ذکر ايت ديدى ذكرين ايتيب يوردوم منا
عشق سزلارنى كوردوم ايرسه يولده قالدی
اول سببدين عشق دوكانين قوردوم منا

اون بيريمده رحمت دريا تولوب تاشتى
الله ديديم شيطان مندین يراق قاچتى
هاى وهوش، ما ومن ليك تورماي كوچتى
اون ايكي مده بو سزلارنى كوردوم منا

اون اوچومده نفس هوانى قولغه آلدیم
نفس باشيغره بوز مينك بلا قارمابسالديم
تكبرنى آياغ آستيده باسيب آلدیم
اون تور تومده تفراق صفت بولديم منا

اون بيشيمده حور و غلمان قرشو كيلدى
باشين اوروب قول قاوشوروب تعظيم قيلدى
فردوس آتليغ جنتى دين محضر كيلدى
ديدار اوچون برچه سيني قويديم منا

اون آلتيمده برچه ارواح اولوش بيردى
"هى - هى" سزكا مبارك ديب آدم كيلدى
فرزنديم ديب بويونوم قوچوب كونكولم آلدی
اون يتيمده تركستانده تورديم منا

اون سيكزده چلتن بيله شراب ايچتيم
ذکرين ايتيب حاضر توروب كوكسون تيشتيم
روزى قيلدى جنت كزيب حورلار قوچتيم
حق مصطفى جمال لارين كوردوم منا

اون توقوزده بيتيمش مقام ظاهر بولدى
ذکرين ايتيب ايچ و تاشيم طاهر بولدى
قايده بارسام خضر بابام حاضر بولدى
غوٹ الغياث مى ايچوردى تويديم منا

ياشيم بيتى يكرمى كا اوتديم مقام
بحمد الله پير خدمتين قيلديم تمام
دنياده كى قورت قوشلار قيلدى سلام
اول سبب دين حقه ياقوق بولديم منا

مؤمن ايرمس حكمت ايشتیب يغلامای دور
ايرانلارنى ايتغان سوزين تينكلامای دور
آيت حديث كويا قرآن آنكلامای دور

Бол روایت عرش اوستیده کوردیم منا

رویت نی کوروب حقہ سوزلاشتیم من
یوز مینک تورلوك ملايك كا یوزلاشتیم من
اول سبب دین حقنی سوزلاب ایزلاشتیم من
جان ودلیم انکا فدا قیلدیم منا

قول خواجه احمد یاشینک بییتی یکر می بر
نه قیلغای سین کنه لارینک تاغ دین آغر
قیامت کون غضب قیلسه ربم قادر
ایا دوستلار نجوگ جواب ایغوم منا

(۴)

حکمت

خوش غایب دین قولاغیمغه الهام کیلدی
اول سبب دین حقہ سیغنیب کیلدیم منا
جمله بزرک یغیلیب منکا انعام بیردی
اول سبب دین حقہ سیغنیب کیلدیم منا

من یکر مه ایکی یاشده فنا بولدوم
مرهم بولوب چین در دلیک کا دوا بولدوم
یالغان عاشق چین عاشق غه کواه بولدوم
اول سبب دین حقہ سیغنیب کیلدیم منا

ایا دوستلار یاشیم بییتی ایکر مه اوج
یالغان دعوی طاعت لاریم برچه سی پوج
قیامت کون نه قیلغایمن برهنه لوج
اول سبب دین حقہ سیغنیب کیلدیم منا

من یکر می تورته کیردیم حق دین یراق
آخرته بارور بولسم بارمو یراق
اولکانیمده یغیلیب اورونک یوز مینک تیاق
اول سبب دین حقہ سیغنیب کیلدیم منا

جنازم نی آرقاسیدین تاشلار آتینک
ایاقیمدین توتوب سودراب کورکا ایلتنیک
حقه قوللوق قیلمدینک دیب یانجیب تیغینک
اول سبب دین حقہ سیغنیب کیلدیم منا

یازوق بیلان یاشیم بییتی ایکر مه بیش
سبحان ای کام ذکر اورکاتیب کوسوم نی تیش
کوسومده کی کره لاریم سین اوزونک یش
اول سبب دین حقہ سیغنیب کیلدیم منا

من ایکر می آلتی یاشده سودا قیلدیم
منصور صفت دیدار اوچون غوغا قیلدیم
پیرسیز یوروب درد و حالت پیدا قیلدیم

اول سبب دین حقہ سیغنیب کیلدیم منا

من ایکر می بییتی یاشده پیرنی تاپتیم
هر سر کوردوم پرده برله بوکوب یافتیم
آستانه سین یاستانان ایزین اوبتیم
اول سبب دین حقہ سیغنیب کیلدیم منا

من ایکر می سکیز یاشده عاشق بولدوم
کیچه یاتمای محبت تارتیب صادق بولدوم
آندین سونکره درکاهی کا لایق بولدوم
اول سبب دین حقہ سیغنیب کیلدیم منا

بر کم اوتوز یاشقه کیردیم حالیم خراب
عشق اوتیده بولالمدیم مثل تراب
حالیم خراب بغریم کباب کوزوم پر آب
اول سبب دین حقہ سیغنیب کیلدیم منا

اوتوز یاشده اوتون قیلیب کویدور دیلار
جمله بزرک یغیلیب دنیا قویدور دیلار
اوروب سوکوب دنیا عقین قویدور دیلار
اول سبب دین حقہ سیغنیب کیلدیم منا

قول خواجه احمد دنیا قویسنک ایشینک بتار
کوکسونداکی چیقان آهینک عرشقه یتار
جان برارده حق مصطفی قولونک توتار
اول سبب دین حقہ سیغنیب کیلدیم منا

(۵)

حکمت

یا الهیم حمدینک برله حکمت ایتم
ذاتی اولوغ خواجه سیغنیب کیلدیم سنکا
توبه قیلیب گناهیمدین قورقوب قایتیم
ذاتی اولوغ خواجه سیغنیب کیلدیم سنکا

قرق بیریمده اخلاص قیلدیم یول تاپای دیب
ایرانلاردین هر سر کورسم من یاپای دیب
پیر مغان ایزین آلیب من اوپای دیب
ذاتی اولوغ خواجه سیغنیب کیلدیم سنکا

قرق ایکیمه طالب بولوب یولغه کیردیم
اخلاص قیلیب یالغوز حقه کونکل بیردیم
عرشی-کرسی لوح دین اوتوب قلم کیزدیم
ذاتی اولوغ خواجه سیغنیب کیلدیم سنکا

قرق تور تیمده محبت نی بازارینده
یقام توتوب یغلاب یوردوم کلزارینده
منصور صفت یاشیم بیریب عشق دارینده

ذاتی اولوغ خواجه سيغينيبي كیلدیم سنكا

قرق بیشیمده سندن حاجت تیلاب کیلدیم
توبه قیلدیم هر اشی قیلدیم خطا قیلدیم
یا الهیم رحمتینکنی اولوغ بیلدیم
ذاتی اولوغ خواجه سيغينيبي كیلدیم سنكا

قرق آلتیمده ذوق وشوقیم تولوب تاشتی
رحمتینکدین قطره تامدی شیطان قاچتی
حقدین الهام رفیق بولوب بابین آچتی
ذاتی اولوغ خواجه سيغينيبي كیلدیم سنكا

قرق یتیمده یتی یاقدین الهام یتی
ساقی بولوب جام شراب خواجه توتی
شیطن کیلیب نفس هوانی اوزی یوئی
ذاتی اولوغ خواجه سيغينيبي كیلدیم سنكا

قرق سکرده عزیز جاندین بیزار بولدوم
کنه دردی کسل قیلدی بیمار بولدوم
اول سبیدین حقدین قورقوب بیدار بولدوم
ذاتی اولوغ خواجه سيغينيبي كیلدیم سنكا

قرق توقزده عشقینک توشدی کویوب یاندیم
مجنون صفت خیل خویشدین قاجیب تاندیم
تورلوک - تورلوک جفا تیکدی بویون سوندوم
ذاتی اولوغ خواجه سيغينيبي كیلدیم سنكا

ایلکیمده ایرمن دیدیم فعلیم ضعیف
قان توکمادیم کوز لاریمدین بغریم ایزیب
نفسیم اوچون یورار ایردیم ایتدک کزیب
ذاتی اولوغ خواجه سيغينيبي كیلدیم سنكا

قول خواجه احمد ایر بولمسنک اولکان یخشی
قریل یوزونک قرا بیرده شولغان یخشی
توفراق صفت بیر آستیده بولغان یخشی
ذاتی اولوغ خواجه سيغينيبي كیلدیم سنكا

(۶)
حکمت

صبح صادق دوشنبه کون بیرکا کیردیم
مصطفی کا ماتم توتوب کیردیم منا
آلتیش اوجده سنت دیدی ایشتیب بیلدیم
مصطفی غه ماتم توتوب کیردیم منا

بیر اوستیده یارانلاریم ماتم توتی
عالم همه سلطانیم دیب نعره تارتی
حقنی تابقان چین صوفی لار قانلاری یوتی

مصطفی غه ماتم توتوب کیردیم منا

الوداع دیب بیر آستیغه قدم قویدوم
یاروق دنیا حرام قیلیب حقنی سویدوم
ذکرین ایتیب یالغوز اولوب یالغوز کویدوم
مصطفی غه ماتم توتوب کیردیم منا

طه اوقوب تون کیچه لار قایم بولدوم
کیچه نماز، کوندوز لاری صایم بولدوم
بو حال برله بیر آستیده دایم بولدوم
مصطفی غه ماتم توتوب کیردیم منا

آلتیمش کیچه، آلتیمش کوندوز بیر یول طعام
تانک آتقونچه نماز اوقوب بیر یول سلام
آلتیمش اوجده بولدی عمریم آخر تمام
مصطفی غه ماتم توتوب کیردیم منا

حق مصطفی روحی کیلیب بولدی امام
جمله ملک بیر آستیده بولدی غلام
کوب یغلادیم حق مصطفی بیردی انعام
مصطفی غه ماتم توتوب کیردیم منا

معراج تونی نور دیدم فرزند دیدی
قولوم توتوب امتیم سین امید دیدی
سنتیم نی محکم توتقیل دلبند دیدی
مصطفی غه ماتم توتوب کیردیم منا

قیامت ده یول آداسنک یولغه سالای
محمد دیب تشنه بولسنک قولونک آلی
فرزندیم ایلکینک توتوب جنت کرای
مصطفی غه ماتم توتوب کیردیم منا

ای یارانلار بو سوز ایشتیب شوقیم آرتدی
امت دیدی ایچ و تاشیم نورکا باتدی
پرتو سالیب دیدارینی حق کورساتدی
مصطفی غه ماتم توتوب کیردیم منا

دیدار کوروب روحرم اوجوب عرشقه قوندی
موسی صفت وجودلاریم کویوب یاندی
مجنون صفت خیل خویش دین قاجیب تاندی
مصطفی غه ماتم توتوب کیردیم منا

بیر آستیده خوارلیغ تارتیم کوب مشقت
توشک - یاستوق تاشدین قیلیب چیکتیم محنت
ای یارانلار بو ذنیاده یوق فراغت
مصطفی غه ماتم توتوب کیردیم منا
تا مشقت تارتماغونچه وصلی قیدا

خدمت قيلمای درد حالت بولمس پيدا
جان و دل نی تا قيلمسنك حقه شيذا
مصطفی غه ماتم توتوب كيرديم منا

بیر آستیغه کیردیم ایرسه بیخود بولدوم
کوزوم آجیب مصطفی نی حاضر کوردوم
عاصی، جافی امت لارنی حالین سوردوم
مصطفی غه ماتم توتوب کیردیم منا

ایا فرزند مندین سورسنك قنی امت
امت دیدی کوسوم توله داغ حسرت
امت اوچن کوب تارته من حقدین کلفت
مصطفی غه ماتم توتوب کیردیم منا

امت لاریم یازوقلارین هر جمعه کیچ
آلیب کیلکای یا محمد سن مونی جیچ
تا کی یغلاب سجده ایلائی تنکریغه کیچ
مصطفی غه ماتم توتوب کیردیم منا

هر جمعه کیچ امت لارنی کناهی نی
آلیب کیلکای یا محمد کورکیل مونی
امت لارینک نیلار قیلور احمد سنی
مصطفی غه ماتم توتوب کیردیم منا

من ملك دین شرم آلور من ای امتیم
یراتقاندین قورقمس موسین پست همتمیم
کیچه یاتمای طاعت قیلسنك خوش دولتیم
مصطفی غه ماتم توتوب کیردیم منا

بیر آستیغه کیردیم دوستلار بی اختیار
امین دینکلار آل اصحاب هم چهار یار
امت لارنی جرمین کیچکیل پروردگار
مصطفی غه ماتم توتوب کیردیم منا

قول خواجه احمد من دفتری ثانی ایتمیم
ایکی عالم عشرتلازین می کا ساتیم
اولماس بورون جان اجیغین زهرین تاتیم
مصطفی غه ماتم توتوب کیردیم منا

(۷)
حکمت

اول قادریم قدرت بر لان نظر قیلدی
خرم بولوب بیر آستیغه کیردیم منا
غریب بنده نك بو دنیا دین سفر قیلدی
محرم بولوب بیر آستیغه کیردیم منا

ذاکر بولوب، شاکر بولوب حاقتی تاپتیم

دنیا عقبی حرام قلیب ینجیب تیغتیم
شیدا بولوب، رسوا بولوب جان دین اوتیم
بی غم بولوب بیر آستیغه کیردیم منا

شوملو غوم دین تاغ-تاشلار سوکنی منی
فصیح تیله سوکوب ایدی تحفک قانی
عاشق بولسنك اول باریب حقنی تانی
مرهم بولوب بیر آستیغه کیردیم منا

سیزنی، بیزنی حق یراتی طاعت اوچون
ای بوالعجب ایچمک-ایمک راحت اوچون
قالوا بلی دیدی روحوم محنت اوچون
مرهم بولوب بیر آستیغه کیردیم منا

نفسیم منی کوب یوکورتی حقه باقمای
کیچه-کوندوز بی غم یوردوم یاشیم اقمای
هوا-هوس ما و من نی اونقه یاقمای
پرغم بولوب بیر آستیغه کیردیم منا

قولدی کورسم قولی بولوب خدمت قلسام
تفریق صفت یول اوستده یولی بولسام
عاشقلارنی کوروب اوچکان کولی بولسام
همدم بولوب بیر آستیغه کیردیم منا

جان دین کیچیب محنت تارتیم بندم دیدی
قانلار بوتوب الله دیدیم رحم ایلادی
دوزخ ایچره قالمسون دیب غمیم یدی
خرم بولوب بیر آستیغه کیردیم منا

یاشیم یتی آلتیمیش اوچکا بر کونچه یوق
او دریغا حقنی تابمای کونکلوم سنوق
بیر اوستیده سلطان من دیب بوبدوم اولوق
شاگر بولوب بیر آستیغه کیردیم منا

شیخ من دیبان دعوی قیلیب یولده قالدیم
قش دستار پوجک پل غه ساتیب کیلدیم
نفسیم منی هوا قیلدی یولده قالدیم
بیدم بولوب بیر آستیغه کیردیم منا

باشیم تفریق، اوزوم تفریق، جسمیم تفریق
حق وصلی کایتار من دیب روحوم مشتاق
کودیم، یاندیم، بولالمادیم هرکز آفاق
شبنم شاگر بولوب بیر آستیغه کیردیم منا

بیر مغان نظر قیلدی شراب ایچتیم
شبلی ینکلیغ سماع اوروب جان دین کیچتیم
سر مست بولوب ایل خلقدین تانیب قاجتیم
زمزم بولوب بیر آستیغه کیردیم منا

قول خواجه احمد ناصح بولسنگك اوزونك كا بول
عاشق بولسنگك جاندين كيچيب بر يولى اول
نادانلاركا ايتسنگك سوزونك قيلمس قبول
محكم بولوب بيرر آستيغه كيرديم منا

(۸)
حكمت

بيشك بيلنگك بو دنيا پرچه خلقدين اوتارا
اينانمكيل مالمينكا بر كون قولدين كيتارا
آنا-آنا قرينداس قيان كيتي فكر قيل
تورت آياغليغ چوبين اط [آت] بر كون شنكا يتارا
دنيا اوچون غم يمه حقدين ديمه
كشي مالى ني ييمه صراط اوزره توتارا
اهل-عيال، قرينداس هيچكيم بولمايدور يولداس
مردانه بول غريب باش عمرينك يلدنك اوتارا
قول خواجه احمد طاعت قيل عمرين بيلمم نچه ييل
اصينك بيلسنگك آب - كل [گل] ينه كل كا كيتارا

(۹)
حكمت

ايا دوستلار پاك عشقنى قولغه آلديم
بو دنيا ني دشمن توتوب يوردوم منا
يقام توتوب حضر تيغه سغنيب كيلديم
عشق بابي ده منصور صفت بولدوم منا
عشق يولیده عاشق بولوب منصور اوتى
بيلين باغلاب حق عشقى ني محكم توتى
ملامت لار، اهانت لار كوب ايشتى
اي مؤمنلار من هم منصور بولدوم منا
عاشق منصور انا الحق ني تيل كا آلدی
جبريل كيليب انا الحق ني بيركا ایدی
جبريل كيليب باشينك بير ديب يولغه شالدى
داركا آسيليپ دیدارینی كوردوم منا
منصور كيلكاچ دار ايكيليپ اوزی آلدی
باطن كوزی آجوقلاری حيران قالدی
پرتو سالیب الله اوزی نظر قیلدی
اوشوقا ديب دیدارینی كوردوم منا
ندا كیلدی اوشل دار غه كوب بوغماغیل
محكم تورغیل، هر یان باقیب سن اغماغیل
تاشقه ایدی امریم توتوب سین تیکما کیل
لوح المحفوظ تخته سینه كوردوم منا

اوچ يوز ملا يغيليب بتي كوب روايت
شريعته دور من هم بتای بير روايت
طريقت ده، حقيقت ده حق حمايت
باشيم بيريب حق سريني بيلديم منا

انا الحق ني معنى سنى بيلماس نادان
دنا كيراك بو يوللارده پاك مردان
عافل قوللار حق ياديني ایدی جانان
جاندين كيچيب جانه نانی سویدوم منا

ايمما قيلدیم دانا بولسه معنى آلسون
قال علميدین بتیب ایدیم نشان قالسون
دُرّ و کوهر شوز لایمنی ایچکا سالسون
حالدين ايتيب عاشقلار غه بيرديم منا

ايسيز منصور خوارليق برله بولدى ادا
بر سوز برله يارانلاردين بولدى جدا
حال دلين هيچكيم بيلمس تنكريم كواه
قانلار يوتوب من هم كواه بولدوم منا

شاه منصورنى انا الحق ني بيجا ايمس
بول ني تابقان بيزكا اوخشاش كمراه ايمس
هر نا جنس لار بو سوزلاردين اكاه ايمس
آكاه بولوب بوى خدا آلدیم منا

بير تون سحر غريب منصور كوب يغلادی
پرتو سالیب الله اوزی رحم ایلادی
آندین سونکره چلتن باقب شراب بیردی
دانالار غه بو سوزلارنى ایدیم منا

نادان لاركا ايسيز سوزوم حيق حكمت
آدم من ديب بيلين باغلار قانی همت
دنيا اوچون بر - بريغه قيلماس شفقت
ظالم لاركا اسيز بولوب اولدیم منا

ظالم لارده حدنه بولغای بیزده كناه
درویش لارنى حلقى مردام اوتمس دعا
اول سيب دين پادشاه قبلور بيزكا جفا
آیت - حدیث معنى سيدین ایدیم منا

ظالم اكر جفا قيلسه الله ديكييل
ايلکينك آچيب دعا ايلاب بويون سونکيل
حق دادينك كا يتمس بولسه كله قيلکيل
حقدین ايشيتيب بو شوزلارنى ایدیم منا

ظالم اكر ظالم ايلاسا منكا يغلا
ياشينك ساجيب منكا سغنيب بيلينك باغلا
حرام شبهه ترك ايتيبان يورك داغلا

بو سرلارنى جانانه دين توينيم منا

ظالم لاركا يوز مينك بلا بيرديم منا

طريقت نى بوللارنى عقيبه سى كوب
پاك عشقى نى قولغه آلمادى بولماس يوروب
ديدارنى كورسه بولماس - تون كون اوتوب
هيچ اوخلاماى ديدارنى كوردوم منا

ظالم لارنى قىرى نيدور من يراتقان
يراتقان نى منظور قيلمى سن اونوتقان
مندين كيچيب ظالم لارنى ايلكين توتقان
ظالم لاركا اوزوم رواج بيرديم منا

طريقت نى يولى قاتىغ طرفه شاشتيم
باشيم قاتى پير مغان سرى قاجتيم
پير ايتاكين توتوب باطن كوزين آجتيم
رسوا بولوب يول لار كزيب يوردوم منا

سناك جزا يراتقانه يالبار مادينك
الله ديبان تونلار توروب اينكرانمادينك
حقيقت دين سوز لار ايتيم ايشتمادينك
ظالم لارنى ايلكيلن اوزون قيلديم منا

طريقت نى يول لاريدور قاتىغ عذاب
بو يوللارده نيچه عاشق بولدى تراب
عشق بولغه هر كيم كيرسه حالى خراب
ايرانلاردين يول نى سوراب يوردوم منا

اى بى خبر حقه كونكل يوكورتمادينك
دنيا حرام آندين كونكل ساووتمادينك
نفس دين كيچيب الله سرى تولغانمادينك
بو نفس اوچون زار حيران بولديم منا

طريقت نى يول لاريدور طرفه اولوغ
روزي قىلكان بنده سيغه بولغاى ياوغ
اوچقونى غه طالب قيلمى يتى تموغ
اى يارانلار عزيز جاندين تويديم منا

ظالم لارنى شكوه قيلمه ظالم اوزونك
خويونك رىا تاثير قيلمى خلقه سوزونك
دنيا مالين تولا بيرديم تويمس كوزونك
حريص لارنى سجين ايچره سالدوم منا

حقيقت نى معنى سى كا يتكان كشى
بيخود بولوب كويوب يانار ايچى - تاشى
قانلار آقار كوز لاريدين آقار ياشى
كوز ياشيم نى تحفه قىليب باردوم منا

لعل لى جنبش قىليب ايدى سنى
جان دلیم امت لاريم كوز روشنى
حقه قوللوق منكا امت بولغان قنى
چين امت نى سینه سینه قويديم منا

شريعت دور عاشق لارنى افسانه سى
عارف عاشق طريقت نى دردانه سى
قيده بارسه جانانه سى همخانه سى
بو سرلارنى عرش اوستيده كوردوم منا

قول خواجه احمد حق سوزينى سوزلاب اونى
عين اليقين طريقت ده بوزلاب اوتى
علم اليقين شريعت نى سوزلاب اوتى
حق اليقين حقيقت دين ايديم منا

(۱۰)
حکمت

محبت نى باغين كيزماى عاشق بولمس
خوارلىق - زارلىق تارتماكونجه نفسينك اولمس
ببر قطره غه قانغ بولماى اول در بولمس
قانغ بولوب خاص كوهرين آلدوم منا

تعالى الله عاشق لاركا بيردى عشقين
شاكر بولوب اورتاب يانيب كويدوم منا
ايكى عالم كوز لاريمغه خشخاش دانه
كورونمدى يالغوز حفى سويدوم منا

عشق اوتىغه كويكان عاشق رنگى اوجار
عقبى سرى جدل قىليب موندن كوجار
مونده بولغان كره لارنى آنده آچار
رسول دتيا جيفه ديدى قويدوم منا

جاندين كيچيب يالغوز حفى جانغه قوشتوم
اندين سونكره دريا بولوب تولوب تاشتيم
لامكان نى سير ايتيبان مقام آشتيم
دنيا عقبين يوز مينك طلاق قويدوم منا

حقيقت ليك عاشق لارنى رنگى سينوق
آيينه غه نظر قيلمى آندين تانوق
اوزى حيران، كونكلى ويران، كوزى ياشلوق
قدرتيغه حيران بولوب قالدوم منا

حق آلدیده عقل كامل دم اورالماس
عشق شدتى طغيان قيلمى بير دم تورماس
پروانه ديك اخكر بولور اوزين بيلماس

الله ايدى كوب يغلانسك كوركونك منى

زارى قىلسنك بىندم دىبان ايغوم سنى
جاندين كيچيب منى استار عاشق قنى
الهام كيلدى چين قولاقه آدى منا

چين كونكل ده كويكانلاركا ديدار عطا
يلغان عاشق يولغه كيرسه همه خطا
چين عاشق نى كوزى ياشليغ قدى دوتا
دوتا بولوب بير استيغه كيرديم منا

حقيقت ليغ چين عاشقغه تحفه بيركوم
روز محشر نجوك سن ديب حالين سوركوم
شفيغ بولوب شفاعت نى اوزوم قىلغوم
رحمتينكدين اميد توتوب كيلديم منا

قول خواجه احمد حق يادىنى ايغيل مدام
حقدين قورقوب تينماي يغلا على الدوام
نماز اوقوب روزه توتوب هر صبح وشام
موناغ قىليب مراديمغه يتيم منا

(۱۱)
حکمت

رحيم موليم رحمى برله ياد ايلاسه
نه يوز برله حضرتى غه بار غوم منا
توبه قىليب ايكري يولدين راست غه قايتيب
نه يوز برله حضرتى غه بار غوم منا

حق بنده سين نامه لارين قولغه برسه
حق الهيم رحمى برله رحمت قىلسه
بير مغان هادى بولوب يولغه سالسه
نه يوز برله حضرتى غه بار غوم منا

بر كون بولوب اجل وقتى ياوق يتسه
سنىكا - منكا اصل وطن حكمن ايلسه
اولماي توروب جان اچيغين زهرين تاتسه
نه يوز برلان حضرتى غه بار غوم منا

سرداش بولغان همراه لارينك شاشيب كيتى
جدل قىليب عقبه لارينك اشيب كيتى
جار ضرب اوروب دريالارينك تاشيب كيتى
نه يوز برلان حضرتى غه بار غوم منا

او ويلتا كيچه كوندوز قىلماي طاعت
حق رسول امت اوچون يماي نعمت
ايچميش بيميش نعمت لارى قىغو محبت
نه يوز برلان حضرتى غه بار غوم منا

حق رسول دريا اوچون قىغورمدى

امت تىلاب اوزكا سوزكا دم اورمادى
دنيا ايچره لحظه آرام اول كورمادى
نه يوز برلان حضرتى غه بار غوم منا

وا دريغه محشر كوني ظاهر بولسه
تنكرى اوزى قاضى بولوب ناظر بولسه
يمان ايشيم قىلميشلاريم حاضر بولسه
نه يوز برلان حضرتى غه بار غوم منا

كيچه كوندوز تينماي يغلا قول خواجه احمد
درود ايتيب حق رسول غه بولغىل امت
هادى بولوب امت ديسه خوش سعادت
نه يوز برلان حضرتى غه بار غوم منا

(۱۲)
حکمت

خداوندا منى سالغىل اوز يولونك كا
نفس ايلكیده هارب ادا بولديم منا
فسق، فجور تولوب توشيب حندين آشتى
غرقاب بولوب عصايان ايچره قالدیم منا

دنيا نجس طالب بولوب ايتديك بورديم
استاب آنى ارقاسيدين تون - كون قوديم
امرين تونماي حق يولغيه كوزم يومديم
قايدہ باراي ايا دوستلار نيتكوم منا

نفس شيطان اسير قىلدى آدم اوغلىن
شترلايين باغلاب آدى ايكي قولين
نه مشكل دور اونك وسول نى بيلماي بولين
وا دريغا حسرت بيلان بار غوم منا

يوق منينديك شوم بلا عالم ارا
هيچ بولمدى منديد رضا خلق خدا
ايمدى بولدى آخر منى يوزوم قرا
وا ويلتا اول ينكا بولديم منا

عطا قىلغان عز يز جان نى بيلماديم من
ظاهر، باطن، حاضر سن ديب تورمديم مز
قرا يوزوم دركاهينك كا سورمديم من
يا ربنا هر نه قىلسانك كيلديم منا

طاقتم يوق اگر باقسم گناهم كا
قىلا توبه قاجيب كيلديم پناهنگ كا
رحمت برلان نظر قىلغىل خواجه احمدكا
هر نه قىلسانك من بينوا كيلديم منا

(۱۳)

حکمت

ايا دوست لار نادان برلان الفت بولوب
بغريم كويوب جاندين تويوب اولدوم منا
توغرى ايتسام ايكرى بولغە بوينين تولغار
قاتلار يوتوب غم زهر يغه تويدوم منا

نادان برله اوتكان عمرينك نار سقر
ناذان بارسه دوزخ اندين قيلغاي حذر
ناذان برله دوزخ سارى قيلمنك سفر
ناذان ايچره خزان ينكليغ سولدوم منا

دعا قيلنك نادانلارى يوزين كورماي
حق تعالى رفيق بولسه بر دم تورمار
بيمار بولسه نادان لارنى حالين سورمار
نادانلار دين يوز مينك جفا كوردوم منا

بير آستيغه قاجيب كيرديم نادانلار دين
ايلكيم آجيب دعا تيلاب مردانلار دين
غريب جانيم يوز تصدق دانالار دين
دانا تابماي بير آستيغه كيرديم منا

نادانلارنى مندين سورمه كوكسوم جقه
حقدين قورقوب ماتم قورسم كولار تهفه
آغزى آچوق نفسى اولوق مثل لقه
نادانلار دين قورقوب سنكا كيلديم منا

طمع قيلمه نادانلار دين قدرينك بيلمس
ظلمت ايچره يول اداشسنگ بولغە سالمس
بوينونك قشيب زارى قيلسنگ قولونك آلمس
نادانلارنى شكوه ايلاب كيلدم منا

اول آخر خوبلار كيتى قالدیم يالغوز
نادانلار دين ايشتمادیم بير يخشى سوز
دانا كيتى نادان قالدی يديم افسوس
بولين تابماي حيران بولوب قالدیم منا

داغ هجران ايزدى بغريم قاتى دردمند
دانا تفرق نادانلارنى كوكس بلند
آيت حديث بيان قيلسام قيلمس پشند
كوكسوم تيشينك درد و غم كا تولديم منا

درد و حالت طغيان قيلدى بار مو طيب
عرض حاليم منكا ايتاي يالغوز حبيب
برچه طالب اولوش ر آلدی من بی نصيب
اولوش و استاب دوتا بولوب كيلديم منا

خانمانينك ترك ايلابان اولوش آلکيل

اي بي خبر دنيا ايشين آرقه سالكيل
الله سخى لطفين كوروب حيران قالكيل
كورار من ديب فنا بولوب كيلديم منا

من دفترى ثانى ايديم سزكا يادكار
ارواحيمن دين مدد تيلاب اوقونك زينهار
دعا قيلاي واصل قيلسون پروار دگار
رحمن ايكام عرض اينكالى كيلديم منا

حكمتيم ددن بهره آلغان كوزكا سورسون
اخلاص برلان كوزكا سورتوب ديدار كورسون
شرطى اولدور رياضت غه بو يون سونسون
جانلار چيقيب جانانه نى كورديم منا

ديدار اوچون كدا بولديم امين دينك لار
اي طالب لار حاليم كوروب غميم ينك لار
يولده قالغان قول احمدكا يول برينك لار
يولنى ايزلاب كدا بولوب كيلديم منا

قرل خواجه احمد كدا بولسنگ حقه بولكيل
باشينك برله ايرانلاركا خدمت قيلكيل
نظر تابسنگ حلقه قوروب صحبت قيلكيل
حلقه ايچره آگاه بولوب توردم منا

(۱۴)

حکمت

كونكل كوزى ياروتماين طاعت قيلسه
دمگاهى كا مقبون ايمس بيلديم منا
حقيقت ده بو سوز لارنى پاك اوركانب
لامكانده حق دين سبق آلدیم منا

بير و باريم سبق بيردى پرده آجيب
بير و كوكدە تورالمادى شيطان قاجيب
عشرت قيليب و حُدت مى دين تويآ ايچيب
لامكانده حق دين سبق آلدیم منا

مونده جغا چيكانلار غه ديدارى تخت
روز محشر عطا قيلكاي هم تخت بخت
ير اتقانده قيلكان اوزى عاشقه عهد
لامكانده حق دين سبق آلدیم منا

كو ز لاريمدين قاتلار توكوب ياد ايتديم
يوز مينك تورلوك محنت سالدينك داد ايتديم
سندين قورقوب خسته كونكولم شادايتديم
لامكانده حق دين سبق آلدیم منا

الله دردى ساتقون ارمس ساتيب آلسنگ

پير مغان خدمتيده خاك بولمسنك
حق يوليغه كي ريب بولمس پاك بولمسنك
لامكانده حق دين سبق آلدیم منا

عشق پادشاه عاشق فقير دم اورالمس
حق دين رخصت بولمكونجه سوز لايالمس
حق ننديني آغان دنيا ايز لا يالمس
لامكانده حق دين سبق آلدیم منا

قول خواجه احمد بيتي ياشده سبق آلدیم
سيكزيمده دنيا عقبين طلاق قويدیم
توقوزومده خدایم ني حاضر بيلدیم
لامكانده حق دين سبق آلدیم منا

(۱۵)
حکمت

رحمتينكدين نوميد قيلمه من غريب ني
آرام آلمای بيغلاب دعا قيلای سنکا
کيچه لار بيدار بولوب تانك آتقونچه
يوممای کورني بيغلاب دعا قيلای سنکا

درگاهنك كا ايمدی كيليب بيليم باغلاب
جان كويدوروب يورك بغيريم توتوب داغلاب
يقام توتوب اوتكان ايشكا چندان بيغلاب
اخلاص بيلان بيغلاب دعا قيلای سنکا

كونكل باغی سيز ايكانده بيلمای يوردوم
عمریم کلی خزان بولدی ايمدی تويدوم
دنیا تاشلاب دين يوليغه قدم قويدوم
هزار داستان بيغلاب دعا قيلای سنکا

بو يول لارده جان ني اسراب بولمس ايرمش
جان اسراغان بو يول لاركا كيرمس ايرمش
سود و زيان بولغان ني بيلمس ايرمش
بو حال برلان بيغلاب دعا قيلای سنکا

قول خواجه احمد نفس تاغی دين چيقيب آشتی
فنا فی الله مقامی غه ياقلاشتی
يورك بغيريم جوش اورويان قيناب ناشتی
بو حال برلان بيغلاب دعا قيلای سنکا

(۱۶)
حکمت

فاذکر الله کثيراً ديب آيت کيلدی
ذکرين ايتيب زاری قيليب يوردوم منا
ديداريني ماشق لارکا وعده قیدی

عشق يولیده جانيم بيريب يوردوم منا

چين عاشق ني الله سويوب بندم دیدی
ارا يولده قالمسون ديب غميم بيدي
يالغانچی لار دیداريمنی کورمس دیدی
عشق بابیده محکم بولوب توردم منا

عائل ايرسنك كورستان دين خبر آغیل
من هم شونداغ بولورمن ديب عبرت آغیل
موتوا قبل ان تموتوا كا عمل قيلغیل
بو حديث ني فكر ايلابان اولدیم منا

خبر بيرور فليضحكوا قليلاً ديب
ينه ايتور وليكوا كثيراً ديب
بو آيت ني معنى سی كا عمل قيل ديب
بو دنياده هيچ كولمايين يوردوم منا

عمل سيز لار قهقهه كولور، خرم يورور
فرمانی عه بويون سونغان پرغم يورور
کيچه - کوندوز دیده لاری پرنم يورور
کوز ياشيم ني دریا قيليب يوردوم منا

نفس دين كيچوب چين عاشقنر الله دیدی
سحر تروب چهار ضرب اوروب کوزين اويدی
رحم ايلابان الله اوزی نظر سالدی
آندین سونکره دریا بولوب تاشتیم منا

ظالم نفسيم هيچ قويمابين اوتقه سالدی
وجودلاريم اوز اوزيدین کويوب ياندی
مشرقلارني ايمانيني شيطان آلدی
اعوذ بالله، بسم الله ديب يوردیم منا

منافق لار دوزخ ايچره کويوب يانغای
ايمان ايلتكان خالص بولوب يانيب چيقای
ايمان سيز لار اول آخر کويوب يانغای
اوغانيمدين ايمان تيلاب يوردیم منا

نفسيم منی هوا قيلدی طرفه شاشتیم
باشيم آليب پر مغان سری [ساری] قاجتیم
قرل خواجه احمد عقبه لاردین يليب آشتیم
اوچقان قوشديك لامكانغه آشتیم منا

(۱۷)
حکمت

وا دريغا نتوك قيلغوم غريب ليغ ده
غريب ليغ ده غريت ايچره قالدیم منا
خراسان و شام و عراق نيت قيلوب

شفقت بولمسه سندن نه قيلغايمن خدايا

جان بيمك ايشى ديشوار آسان قيلغيل يا جبار
سندن اوزكا يوق غمخوان نه قيلغايمن خدايا
جانيم جدا بولغانده تنيم مونده قالغانده
تخته اوزره آغانده نه قيلغايمن خدايا

عاجز بولوب ياتقانده فرشته لان كيركانده
من ربك ديب سوركانده نه قيلغايمن خدايا
ايلتيب كوركا قويغانده يتي قدم يانغانده
سور غوچي كيركانده نه قيلغايمن خدايا

من ربك ديب تورغانده قرا كوندور اوشنده
ربينك كمدور ديكانده نه قيلغايمن خدايا
قول خواجه احمد سن بنده نفسين ايلكیده شرمنده
محشر كوني بولغانده نه قيلغايمن خدايا

(۱۹)

حکمت

الهي قادرا پروردكارا
رحم قيل بندنكا اي كردكارا
سيغينديم حضرتيگ كا اي الهي!
يراتقان جمله عالم ني پناهي

اجابت سندن و مندين مناجات
اي ذوالجلال جمله حاجات
الهي حاجتيم ني سن روا قيل
كريم سن لطف انله درديم دوا قيل

كرم بيرله كيچوركيل اي اريغ ذات
عذاب آخرت دين قيلغيل آزاد
الهي شر شيطاندين سن اسره
قموغ يازوقلاريم دين هم سن اسره

قموغ يازوقلاريم دين توبه قيلديم
كه مست ايرديم كه من آندين آييلديم
ديمايدور من بني جاندين آييرمه
ولي آخرده ايماندين آييرمه

الهي برجه ني فرياديغه يئت
قموغ بيچاره لارني دادايغه يئت
قولون عاصي ني سن هر حاجتتين بئر
بو درد بي دوام كا سن دوا بئر

الهي سن كيچوركيل طاقتيم يوق
سني آدينكده لايق طاعتيم يوق
الهي ذات پاكينك حرمتيدين
آييركيل بيزني شيطان زحمتيدين

غريب ليغ ني كوب قدريني بيلديم منا

وا دريغا نتوك قيلغوم غريب ليغ ده
غريب ليغ ده غريت ايچره قالدويم منا
خراسان و شام و عراق نيت قيلوب
غريب ليغ ني كوب قدريني بيلديم منا

نه كيلسه كورمك كيراك اول خدادين
يوسف ني ايرديلار اول كنعاندين
توغغان بيريم اول مبارك تركستاندين
بغريمغه تاش ني اوروب كيلديم منا

غريت تيكدي مصطفى ديك ايرانلار غه
اوتوز اوچ مينك صحابه هم يارانلار غه
ابوبكر، عمر، عثمان، مرتضى غه
غريبتيكدي آلكا ايغوم منا

غريب تيكسه پخته قيلوب كوب خام لارني
دانا قيلور هم خاص قيلور كوب عام لارني
كبار كيرتون تابسه بيور طعام لارني
آنينك اوچون تركستانغه كيلديم منا

غريب ليغده يوز بيل تورسه ايرور مهمان
تخت و بخت بوستانلاري ايرور زندان
غريب ليغده قول بولدي اول محمود سلطان
اي يارانلار شريب ايچره كويديم منا

غريب ليغ ده آرسلان بابام ايزلاب تابتي
هر سر كوروب پرده برله بوكوب يابتي
بحمد الله كوردوم ديدر ايزيم اوبتي
اوشبو سرنى كوروب حيران قالدويم منا

آرزوليق من قرينداشليغ ولايت غه
اولوغ بابام روضه سي اق تربت غه
بابام ني روهي سالدى بو عربت غه
هيچ بيلماسمن نچوك تقصير قيلديم منا

قول خواجه احمد سوزلاكاني حق ني يادي
ايشيتماكان دوستلاريغه قالسرن پندي
غريب لانيب اوز شهرهغه قيته ياندي
تركستانده مزار بولوب قالدويم منا

(۱۸)

حکمت

عمریم آخر بولغانده نه قيلغايمن خدايا
جان آلوچي كيلكانده نه قيلغايمن خدايا
جان بيمك ني وهمدين عزازيل ني زخمى دين

الهی برجه نی قوللوقغه خاص ائت
من مندین آلیب بیر یول خلاص ائت
منکا توفیق سوییدین سن ایچورکیل
کرم بیرله گناهیم نی کیچورکیل

که بیلماس ده گناه بسیار قیلدیم
کونکل لارنی بوزوب آزار قیلدیم
که هر عاصی ایرور رحمت کا لایق
کیل ای احد دعاغه بول موافق

(۲۰)

حکمت

تینمای عاشق هو دیرلار خدایی غه یالباریب
یورور آنی تمشقیده کیچه - کوندوز سار غاییب
زار بیغلانیب عاشق نی عشق ایلکیده خدایم
عشق یولیده ملامت آنکا کورور مناسب

منصور بیر کون بیغلادی ایرانلار رحم ایلادی
چلتن شربت ایچوردی منصورغه مهرین سالیب
منصور ایتور اناللق ایرانلار ایشی بر حق
ملالار ایتور ناحق کونکلی کا یمان آلیب

ایتماکیل انا الحق دیب کافر بولدونک منمور دیب
قرآن ایچره بولدور دیب اولدوردیلار کوبلاشیب
بیلمادیلار ملالار انا الحق نی معنی سین
قال احلی کا حال علمین حق کورمدی مناسب

روایت لار بیتیلدی حالین آنی بیلمادی
منصور دیک اولیانی قویدیلار دارغه آسیب
افسانه دور شریعت فرزانه دور حقیقت
دردانه دور طریقت، تماشق لارغه مناسب

خلق عالم بیغیلدی منصور دیب فریاد قیلدی
منصورنی یارانلاری قالدی آنده بیغلاشیب
توبه قیلغیل خراج احمد بولغای حقدین عنایت
یوز مینک ولی لار اوتی سرنی سرکا اولاشیب

(۲۱)

حکمت

باشیمغه توشوب نعره سردای محمد
من آنی اوچون کویده شیدای محمد
کیم امتی دور حمد و ثنا تینماین ایتور
پاکا، صمدا، قیل منی رسوای محمد

کونکلوم کا سالیب عشق محبت نی الهیم

قیلغیل منی سین عاشق یکتای محمد
ماننده مجنون کیچوروب ایکی جهاندین
دیوانه قیلیب قیل منی رسوای محمد

اولتورکیل، کویدورکیل، هر محنتی سالغیل
اول روز جزا قیل منی شیدای محمد
دایم غم امت یندی و ینمادی نعمت
کرامتی دور سن قانی غم های محمد

امت دیبان کیچه - کوندوز یندی حسرت
کوکسیدین چقارور پر خونی دلهای محمد
امت گناهینی تیلاب او شاهی شاهنشاهی
اول روزی جزا بولار اول دادخواهی محمد

کیچکیل همه دین ایزله محمدنی رضاسین
والله بولاسن لحظه ده کویای محمد
سندین تیلاهی کیم بولدورور ای خالق بیچون
سالغیل قولاغیمغه منی غوغای محمد

من اورگولایین خوش کرمینکدین سنی الله
بیر قطره قاتور غیل منکا دریای محمد
یول بیرگوچی رحمن، رحیم، غافر، ستار
قیلمه منی شرمنده گمراهی محمد

بیر قطره می اول جام الست دین منکاانعام
قیلغیل بولایین حمدینکا دانای محمد
روی سیغک سور قدمی پیر مغان غه
لطف ایتسه بئورور دیده بینای محمد

مقصودیمه تیکور منی ای خالق بیچون
من در طلب زلف سمن سالی محمد
یوزدین کوتاریب پردهنی احمد سری باقغیل
من بنده اول موی سیه پای محمد
مسکین یسوی آرزوی روضه حضرت
بولغایمو میسریم خاک کف پای محمد

(۲۲)

حکمت

الکذاب لا امتی دندی بیلینک محمد
یالغانچی لار قومی نی امت دیمس محمد
توغری یورکان قولینی حقنی ایزلاب یولی نی
راست یورکان قولینی امت دیکای محمد

هرکیم امت من دیسه، رسول ایشین قویمسه
شفاعت کونی بولسه محروم قویمس محمد
تنکری تعالی سوزین رمول الله سنتین
اینانماکان امتین امت دیمس محمد

امت من ديب يورورسن، بوپروغيني قيلمس سن
نچوك امد توتارسن آنده سورمس محمد؟
مشكل دور عاصي بنده امت ديمسه آنده
رسوا بولور محشرده امت ديمس محمد

امت ديكاي محمد چين سوز لاسه قول احمد
تانكلا بولسه قيامت محروم قويمس محمد

(۲۳)
حکمت

اون سيكيز مينك عالمغه سرور بولغان محمد
اوتوز اوچ مينك اصحاب غه رهبر بولغان محمد
يلانكاج آچيلغه قناعت ليغ محمد
عاصي، جافي امت غه شفاعت ليغ محمد

تونلار ياتيپ ايومس تلاوت ليغ محمد
غريب بيرله يتيم غه مروت ليغ محمد
يولدين آرغان گمراه غه هدايت ليغ محمد
مهم توشسه هر كيمكا كفايت ليغ محمد

ابو جهل بولهب غه سياست ليغ محمد
ملامت ني صابوني سلامت ليغ محمد
نماز - روزه قيلغوچي عبادت ليغ محمد
تينماي تسبيح ايتكوچي رياضت ليغ محمد

ملعون لعين شيطانغه سياست ليغ محمد
شريعت ني يوليغه عنایت ليغ محمد
طريقت غه رهنما ارادت ليغ محمد
حقيقت كا مقتدا اجازت ليغ محمد

دعالاري مستجاب اجابت ليغ محمد
يمانليغ غه يخشيليق كرامت ليغ محمد
توفيق بيركان ظالم كا جلالت ليغ محمد
سجده قيلغان ايگيليب اطاعت ليغ محمد

بيش وقت نماز بولغانده امامت ليغ محمد
معراج آشيب بارغانده شهادت ليغ محمد
عرش - كرسي بازاری عنایت ليغ محمد
سيكيز بهشت ايكاسي ولايت ليغ محمد

مسكين احمد قوليغه كتابت ليغ محمد
يتيم، فقير، غريب غه سخاوت ليغ محمد

(۲۴)
حکمت

بيزدين درود بيار يا مصطفى محمد!
تحيات بي شمار يا مصطفى محمد!
يا سيد المرسلين يا خاتم النبيين
يا هادي المضلين يا مصطفى محمد!

يا ايها المدثر حق ايدى فم فأنذر
وربك فكبر يا مصطفى محمد!
حضرته سين معظم، قربنده سين مكرم
انبياغه مقدم يا مصطفى محمد!

سين سين حبيب خالق حق درگاهي غه لايق
خلاصهء خاليوق يا مصطفى محمد!
اصل وجود آدم مرسل نبی خاتم
زاز نهان غه مهرم يا مصطفى محمد!

طوبى قاب قوسين قرماي باغ كونين
برچه غه قره عينين يا مصطفى محمد!
عرشى كرسيدين اشقان، حضرتيكا اولاشقان
توقسان مينك راز ايتوشكان يا مصطفى محمد!

بیر-گوك اپرور مأمورينك صحابه لار منظورينك
جمله امت مغفورينك يا مصطفى محمد!
هر كيم سنكا سيغينور تموغدين اول قوتولور
اوچماخ سري اولانور يا مصطفى محمد!

جانيم فداسي قيلسام، خوشنودلوقيني آسام
ارمان يوق ايردى اولسام يا مصطفى محمد!
كرچه كوبتور گناهيم، كيچوركاي سين الهيم
سين سين مني پناهيم يا مصطفى محمد!

يارب نچوك قيلغايمن شفاعتين قولكاي من
امتي دين بولغامن يا مصطفى محمد!
امتيددين بولغانلار شفاعتين قولغانلار
اهل بهشت بولغانلار يا مصطفى محمد!

احمد مرادی سين سين! ذكری ویدای سین سین!
ایشلار کشادی سین سین يا مصطفى محمد!

(۲۵)
حکمت

حق تعالی فضلی برلان فرمان قیلدی
ایشتیب اوقوب بیرکا کیردی قول خواجه احمد
آلتمیش اوچده سنت لارین محکم توتوب
ایشتیب اوقوب بیرکا کیردی قول خواجه احمد

بیر اوستیده اولمس بورون تریک اولدوم
آلتمیش اوچده سنت دیدی ایشتیب بیلدیم

بیر آستیده جانیم بیلہ قوللوق قیلدیم
ایشتیب اوقوب بیرکا کیردی قول خواجه احمد

ایرانلاردین فیض و فتوح آلامادیم
یوز یکر مه بیش کا کیردیم بیلامادیم
حق تعالی طاعت لارین قیلامادیم
ایشتیب اوقوب بیرکا کیردی قول خواجه احمد

بولغای من مو محمدنی خاص امتی
امت دیسه عاصی لارین خوش دولتی
بالدین تالئیغ ایرور منکا بو محنتی
ایشتیب اوقوب بیرکا کیردی قول خواجه احمد

بیز لار اوچون جانلار چیکتی اول محمد
امت بولسنگ غم بیمس سین یالغان امت
کیچه-کندوز حاصل لارینک عیش عشرت
ایشتیب اوقوب بیرکا کیردی قول خواجه احمد

ایلنک یاشده ندا کیلدی اولمک آسان
شرطی اولور سنده بولسه نور ایمان
تانکلا بارسنگ دیداریغه قیلور مهمان
ایشتیب اوقوب بیرکا کیردی قول خواجه احمد

ای مؤمن لار بو دنیانی پایانی یوق
چین اولور سین هرکز مونی یالغانی یوق
کیم بیللمسه والله آنی ایمانی یوق
ایشتیب اوقوب بیرکا کیردی قول خواجه احمد

اصلیم تفریق (توپراق)، نسلیم تفریق، برجه دین خوار
باسیب اوتسنگ مردار جسمیم قیلغوسی عار
کیم عار ایتسه شیطان قومی هواسی بار
ایشتیب اوقوب بیرکا کیردی قول خواجه احمد
چین ذاکر غه خدا اوزی قیلدی رحمت
تانکلا یارسة جنت ایچره بیرور خلعت
روز محشر دیدار کوروب سورکای دولت
ایشتیب اوقوب بیرکا کیردی قول خواجه احمد

بنده بولسنگ محنت تارتغیل غافل آدم
عافل ایرسنگ غنیمت دور سنکا شول دم
امانت دور عزیز جانینک یورمه بی غم
ایشتیب اوقوب بیرکا کیردی قول خواجه احمد

آلتمیش اوچده سنت بولدی بیرکا کیرمک
رسول اوچون ایکی عالم بر باد بیرمک
عاشق لارنی سنتی دور تریک اولمک
ایشتیب اوقوب بیرکا کیردی قول خواجه احمد

امت بولسنگ اشتیب جانینک بیرمس موسن

مصطفی غه جانینک قربان قیلمس موسن
جان نه بولغای ایمانیکنی بیرمس موسن
ایشتیب اوقوب بیرکا کیردی قول خواجه احمد

قول خواجه احمد آلمیش اوچده غایب بولدی
ادب ساقلاب مصطفی غه نایب بولدی
سلطان بولدی، محنت تارتیب تایب بولدی
ایشتیب اوقوب بیرکا کیردی قول خواجه احمد

(۲۶)

حکمت

قهار آتلیغ قهرینکدین قورقوب بیغلار خواجه احمد
رحمن آتلیغ رحمینکدین امید توتار خواجه احمد
گناهیم کوب الهم! کیچورکای سن گناهیم
برجه قول لار ایچیده عاصی قول دور خواجه احمد

منافق لار یورار لار، فسق و فجور قیلور لار
حرام، شبهه بیور لار قورقوب بیغلاب خواجه احمد
طریقت نی بیلامادیم، حقیقت غه کیرمادیم
بیر بویروغین توتدیم عذری کوبتور خواجه احمد

آخر زمان بولغاندور، پادشاه ظالم بولغاندور
حرام، شبهه تولغاندور حیران بولور خواجه احمد
شرمنده عاصی قول من، عشق یولیده بلبل من
آرسالر باباکا قول من قولونک بولور خواجه احمد

قول خواجه احمد طاعت قیل، بیغلامقنی عادت قیل،
بلا کیلسه طاعت قیل! حقدین بولور خواجه احمد

(۲۷)

حکمت

توبه قیلیب حقه یانغان تاشق لارغا
اوچماخ ایچره تورت اریغ ده شربت یار
توبه قیلمای حقه یانماکان غافل لارغه
تار لحدده قاتیغ عذاب حسرتی بار

اوچماخ ملکین اومان قول لار توبه قیلسون
توبه قیلیب حضرتی غه یاقوق بولسون
حور، قصور، غلمان، ولدان، خادم بولسون
الوان - الوان کیار تشریف خلعتی بار

توبه قیلغان عاشق لارغه نوری ایرور
تونی، کونی صایم بولسه کونکلی یارور
قچان اولوب کورکا کیرسه کوری کینکروور
اوغان ایذیم رحیم، رحمن رحمتی بار

توبه سیز لار بو دنیادین کیچماس بیلور

اولوب بارسه گور عذابين كورمس بيلور
قيامت كون تانك عرصات آتمس بيلور
هيهات هيهات نوحه فرياد كونلاري بار

نماز، روزه توبه اوزره بارغان لارغه
حە ق يوليغه كيريب قدم قويغان لارغه
اوشبو توبه برله آنده بارغان لارغه
يارلقاميش قول لار برلان صحبتي بار

نماز برله روزه لاري اوتن الار
عالم خلقي سويونوب اني حقدين تيلار
قيامت كون كوروب اني آلار تينكلار
نه قول ايرميش بو سعادت نصرتي بار

اول اريغ لر كيمكا تورور بيلكيل اني
توبه قيلغان عاشق لارغه ايچورور اني
توبه سيزلار اول اريغ دين ايچمس ولي
انكا ايچورور زهر - زقوم شربتني بار

قيامت ني بيركوني ايليك مينك بيلچه بولور
بو دنياني سانچه بيل نيچه بولور
قيامت كون بيتميش مينك بيل اوتده قالور
توبه قيلكان قول لار كويمس مهلتني بار

هر كيم حقتي قولي بولسه حقه يانسون
حقه يانمس اوزين ديكان ناري بارسون
قرل خواجه احمد نچوك مونده اورون تابسون
كيچه كوندوز قورقه تورور هييتي بار

(۲۸)
حکمت

بهشت دوزخ تلاشور تاياشمقده بيان بار
دوزخ ايتور من آرتوق منده فرعون، هامان بار
بهشت ايتور نه ديرسين؟ سؤزني بيلمای ايتورسين
سينده فرعون بولسه منده يوسف كنعان بار

دوزخ ايتور من آرتوق بخيل قول لار منده بار
بخيل لارني بويني ده اوتلوغ زنجير كشان بار
بهشت ايتور من آرتوق پيغمبر لار منده بار
پيغمبر لار آلدیده كوثر، حور و غلمان بار

دوزخ ايتور من آرتوق ترسا، جهود منده بار
جهود، ترسا آلدیده تورلوك عذاب سوزان بار
بهشت ايتور من آرتوق مؤمن قول لار منده بار
مؤمن لارني آلدیده تولورك نعمت الوان بار

دوزخ ايتور من آرتوق ظالم قول لار منده بار

ظالم لاركا بيوروكا زهر - زقوم چندان بار
بهشت ايتور من آرتوق عالم قول لار منده بار
عالم لارني كونكلي ده آيت حديث قرآن بار

دوزخ ايتور من آرتوق منافقار منده بار
منافق لار بويني ده اوتدين اشكل كشان بار
بهشت ايتور من آرتوق ذاكر قول لار منده بار
ذاكر لارني تونكلي ده ذكر اللهی سبحان بار

دوزخ ايتور من آرتوق بي نماز لار منده بار
بي نماز لار بويني ده بيلان بيلان چيان بار
بهشت ايتور من آرتوق ديدار كورمك منده بار
ديداريني كورساتور غه رحيم آتليغ رحمن بار

دوزخ انده تيك توردي بهشت عذريني ایدی
قول خواجه احمد نه بيلدی بيلدور كوچي يزدان بار

(۲۹)

حکمت

ديداريني طلب قيلسنك اي ذاكر لار
جاندين كيچيب خلقه ايچره كوزونك ديدار
شوقينك بيله الله ايتيب رامت كا قايتيب
تون اويقوسمين حرام ايلاب بولكيل ديدار

بیدار لاركا حق رحمتي بولور ياوق
بیدار لارني كونكلي سينوق، كوزي باشليق
من من ليك ني جزاسيني بيركاي تموق
تكبرني دوزخ ايچره حالي دشوار

سنديز بورون يارانلارينك قيان كيتي
بو دنياغه ميل قيلماي بيغلاب اوتي
عمرينك آخر بولدي نوبت سنكا يتي
كناهنك كا توبه قيلكيل اي بد كردار!

نفسينك سني باقيب تورسنك نيلارديمس
زاري قيلسنك الله سري بيون سونمس
قولغه آلسنك بيان قوشديك قولغه قونمس
قولغه آليب تون اويقوسمين قيلكيل بیدار

نفس يوليغه كيركان كشي رسوا بولور
بولدين آريب تايب توزوب گمراه بولور
ياتسه قوبسه شيطان بيله همراه بولور
نفسني تبكيل نفسني تبكيل اي بد كردار

نفسينك سني آخر دمده گدا قيلكاي
دين اويي ني غارت قيليب ادا قيلكاي
اولار وقتده ايمانينكدين جدا قيلكاي
عاقل ايرسنك نفس بددين بولكيل بيزار

فرعون، قارون، شیطان سوزین محکم توتدی
بول سبیدین یئر یاریلدی آنی یوتدی
مومی کلیم ناصح بولوب سوزلار ایندی
قولاق توتمای اول ایکی سی اولدی مردار

گناهنگ کا توبه قیلیب بیغلاب یور غیل
کیتار من دیب یول باشیغه باریب تور غیل
کیتکانلارنی کوروب سین هم عبرت الغیل
عبرت آلسنگ یاتمیش بیرینک بولور گلزار

مؤمن قول لار درد حالت پیدا قیلدی
حق بولیده جان و دل نی شیدا قیلدی
دنیا تاشلاب آخرت نی سودا قیلدی
سودا قیلسنگ حور و غلمان باری طیار

قول خواجه احمد نفس ایلکیدین قیلورمن داد
بیر مغان بولغای موکین انکا جلاذ
بیخبرلار ایشیتماسلار داد و فریاد
قان بیغلاغیل ایشیتسون اول پروردگار

(۳۰)
حکمت

عشق بولیده فنا بولای حق بیر و بار
هر نه قیلسنگ عاشق قیلغیل پروردگار
ایلکیم آجیب دعا قیلای ایزیم جبار
هر نه قیلسنگ عاشق قیلغیل پروردگار

عشقی تیکسه کوپدور کوسی جان و تن نی
عشقی تیکسه ویران قیلور ما و من نی
عشق بولمسه تانیب بولمس مولیم (مولام) سنی
هر نه قیلسنگ عاشق قیلغیل پروردگار

عشق دفتری سغماس دوستلار درکاهی کا
جمله عاشق بیغلیب بارکای بارکاهی کا
یتی دوزخ طاقت قیلمس بیر آهی کا
هر نه قیلسنگ عاشق قیلغیل پروردگار

خاص عشقینکنی کورسات منکا شاکر بولای
اره قویسه زکریادیک ذاکر بولای
ایوب صفت بلاسیغه صابر بولای
هر نه قیلسنگ عاشق قیلغیل پروردگار

عشق دردینی طلب قیلدیم درمانی یوق
عشق بولیده جان بیرکان نی ارمانی یوق
بو یول لارده جان بیرمه امکانی یوق
هر نه قیلسنگ عاشق قیلغیل پروردگار

قایدین تاپای عشقینک توستی قراریم یوق
عشق تناسین تونی کونی قویاریم یوق
درکاهنگدین اوزکا بیرکا باراریم یوق
هر نه قیلسنگ عاشق قیلغیل پروردگار

عشق بازاری، اولوغ بازار سودا حرام
عاشق لارکا سندین اوزکا غوغا حرام
عشق یولیغه کیرکانلارکا دنیا حرام
هر نه قیلسنگ عاشق قیلغیل پروردگار

عاشق لیق نی دعوی قیلیب یورالمدم
نفسدین کیچیب من امری نی قیلامادیم
نادان لیفته حق امرینی بیلامادیم
هر نه قیلسنگ عاشق قیلغیل پروردگار

قول خواجه احمد عشق دین قاتیغ بلا بولماس
مرهم سورمه عشق دریغه دوا بولماس
کوز یاشیدین اوزکا هیچ کیم گواه بولماس
هر نه قیلسنگ عاشق قیلغیل پروردگار

(۳۱)
حکمت

هر کشی کورسه جمالنگ دنیا ایشیب بر باد ایتار
کیچه کوندوز تنه بیلماس خداینی یاد ایتار
کیم آنک کوپنده بولسه حق آنک کونکلنده دور
هر ساری بارسه اوشال یاری بیلان پرواز ایتار

کاشکی من دایم سنک یادنگ بیلان بولغای ایدیم
باقشنگ یوز مینک منکداک بنده نی آزاد ایتار
معرفت میدانی ایچره بو کونکلنی شاد ایتیب
دنیا سین ترک ایلکانلار حق بیلان سودا ایتا

عارف اول دور بولسه عاشق حلقه ده جولان ایتیب
استعانتی تیلاب اول پیرنی قالقان ایتار
خوش عجایب و غرایب بو خدانینگ ایشلاری
بیرسین گویا قیلوبن بیرسین ترکان ایتار

کورکل اوشبو دنیا ایچون کوب جفالار ایلسانک
آخری هیچ اوشبو دنیا بیربیلان یکسان ایتار
کیچه - کوندوز آرزو قیلسانک آنک دیدارینی
صاف قیلغیل بو کونکلنی بیر کونی دربار ایتار

ای قول احمد سین پرروب غمکین کونکلنی اولاغیل
اهل دل بولغان کشی غمکین کونکلنی شاد ایتار

(۳۲)
حکمت

طاعت ليك لار حق قاشيده خوش سعادت
قيزيل يوزوم طاعت قيلماي سولدي دوستلار

ناگهان توروريمده قموغ بزرک
حق عشقي ني کونکلوم ايچره سالدي دوستلار
خضر بابام حاضر توروب لطف ايلابان
مدد قيليب ايلکيم توتوب آلدی دوستلار

ساج و سقان خوب آقاردی کونکلوم قرا
روز محشر رحم ايتماسنک حاليم تياه
سنکا عيان عمل سيز من کوبتور گناه
جمله ملك يازوقلاريم بيلدي دوستلار

اوتوز بيرده خضر بابام می ايچوردی
وجوديمدين عزازيل ني حق قاچوردی
سودا قيلديم، يازوقلاريم حق کيچوردی
آندين سونکره حق يوليغه صالدي دوستلار

بير نغان جرعه سيدين قطره تاتيم
يول تاپايديب باشيم برله تونلار قاتيم
بحمد الله لطف ايلادي نورکا باتيم
کونکل قوشی لامکانغه يتي دوستلار

اوتوز ايکي ياشده يتي حقدین فرمان
بنده ليک کا قبول قيلديم قيلمه ارمان
جان بيرورده بيرکوم سنکا نور ايمان
غريب جانيم شادمان بولوب کولدي دوستلار

قيامت ني شدتی دين عقليم حيران
کونکلوم قورقغان، جانيم هورکان، خانه ويران
صراط آتليغ کوفروکی دين دلیم لرزان
عقليم کيتيب بيهوش بولوب قالدیم دوستلار

خالقيم دين خبر يتي شاکر بولدوم
هر کيم سوکتی بلکه تيبتي صابر بولدوم
بو عالمده هيچ اوخلاماي حاضر بولدوم
های - هوس، ما و من ليک کيتي دوستلار

قول خواجه احمد قيرغه کيردينک نفسينکی قيرق
مونده بيغلاب آخرتده بولکيل اريق
پوست ايمان شريعت دور مغزی طريق
طريق کيرکان حقدین اولوش آلدی دوستلار

اوتوز اوچده ساقی بولوب می اولاشتيم
جام شراب قولغه آليب تویا ايچتيم
لشکر توزاب شيطان برله مين اوروشتيم
بحمد الله ايکي نفسيم اولدي دوستلار

(۳۳)
حکمت

اوتوز تورترده عالم بولوب دانا بولدوم
حکمت ايت ديب سبحان ايدي گویا بولدوم
چلتن برلان شراب ايچتيم همراه بولدوم
ايچ و تاشيم حق نوريغه تولدي دوستلار

ناگهان توروريمده قموغ بزرک
حق عشقي ني کونکلوم ايچره سالدي دوستلار
خضر بابام حاضر توروب لطف ايلابان
مدد قيليب ايلکيم توتوب آلدی دوستلار

اوتوز بيشده مسجد کيريب دوران سوردم
طالب لارکا عشق دوکانين تولا قوردوم
ايکري يولغه هرکيم کيردي سوکتوم اوردم
عاشق لارکا حق دين مزده يتي دوستلار

اوتوز بيرده خضر بابام می ايچوردی
وجوديمدين عزازيل ني حق قاچوردی
سودا قيلديم، يازوقلاريم حق کيچوردی
آندين سونکره حق يوليغه صالدي دوستلار

اوتوز ييتي ياشقه کيرديم اويغانماديم
انصاف قيليب الله سری تولغانماديم
سحر وقت ده زاری قيليب اينکرانماديم
توبه قيلديم خواجه قبول قيلدي دوستلار

اوتوز ايکي ياشده يتي حقدین فرمان
بنده ليک کا قبول قيلديم قيلمه ارمان
جان بيرورده بيرکوم سنکا نور ايمان
غريب جانيم شادمان بولوب کولدي دوستلار

اوتوز سيکز ياشقه کيرديم عمروم اوتي
بيغلاميمو اولار وقتيم ياقوق يتي
اجل کيليب پيمانه سين منکا توتي
بيلمای قالدوم عمروم آخر بولدي دوستلار

خالقيم دين خبر يتي شاکر بولدوم
هر کيم سوکتی بلکه تيبتي صابر بولدوم
بو عالمده هيچ اوخلاماي حاضر بولدوم
های - هوس، ما و من ليک کيتي دوستلار

اوتوز توقوز ياشقه کيرديم قيلديم حسرت
وا دريغا اوتي عمروم قانی طانت

اوتوز اوچده ساقی بولوب می اولاشتيم
جام شراب قولغه آليب تویا ايچتيم

لشكر توزاب شيطان برله مين اوروشتم
بحمد الله ايكي نفسيم اولدى دوستلار

اوتوز تورته عالم بولوب دانا بولدوم
حكمت ايت ديب سبحان ايدى گويا بولدوم
چلتن برلان شراب ايچتيم همراه بولدوم
ايچ و تاشيم حق نوريغه تولدى دوستلار

اوتوز بيشده مسجد كيريب دوران سوردوم
طالب لاركا عشق دوكانين تولا قوردوم
ايكرى يولغه هركيم كيردى سوكتوم اوردوم
عاشق لاركا حق دين مزده يتي دوستلار

اوتوز بيتى ياشقه كيرديم اويغانماديم
انصاف قيليب الله سرى تولغانماديم
سحر وقت ده زارى قيليب اينكر انماديم
توبه قيلديم خواجه قبول قيلدى دوستلار

اوتوز سيكز ياشقه كيرديم عمروم اوتى
بيغلاميمو اولار وقتيم ياق يتي
اجل كيليب پيمانه سين منكا توتى
بيلماي قالدوم عمروم آخر بولدى دوستلار

اوتوز توقوز ياشقه كيرديم قيلديم حسرت
وا دريغا اوتى عمروم قانى طاتت
طاعت ليك لار حق قاشيده خوش سعادت
قيزيل يوزوم طاعت قيلماي سولدى دوستلار

ساچ و سقان خوب آقاردى كونكولم قرا
روز محشر رحم ايتماسنك حاليم تياه
سنكا عيان عمل سيز من كوبتور گناه
جمله ملك يازوقلاريم بيلدى دوستلار

پير نغان جرعه سيدين قطره تاتيم
يول تاپايديب باشيم برله تونلار قاتيم
بحمد الله لطف ايلادى نوركا باتيم
كونكل قوشى لامكانغه يتي دوستلار

قيامت نى شدتى دين عقليم حيران
كونكولم قورقغان، جانيم هوركان، خانه ويران
صراط اتليغ كوفروكى دين دليم لرزان
عقليم كيتيب بيهوش بولوب قالدوم دوستلار

قول خواجه احمد قيرغه كيردينك نفسينكى قيرق
مونده بيغلاب آخرته بولكيل اريق
پوست ايمان شريعت دور مغزى طريق
طريق كيركان حقدن اولوش آلدى دوستلار

اوليالار ايتكان وعده كيلدى بولغاي
قيامت نى كوني ياق بولدى دوستلار
عاقل قول لار بولغاني نى بيلدى بولغاي
خلق ايل دين مهر شفقت كيتى دوستلار

اولوغ كيچيك يارانلاردين ادب كيتى
قين و ضعيف جوانلاردين حيا كيتى
الحياء من الايمان ديب رسول ايتى
حياسين قوم عجائب لار بولدى دوستلار

مسلمان مسلمان نى قيلدى قاتل
ناحق توتوب حق ايشلارين قيلدى باطل
مريد پيرغه قيلماديلار يوزى خاطر
عجب شوملوغ زمانه لار بولدى دوستلار

اهل دنيا خلقميزده سخاوت يوق
پادشاه لارده وزيرلارده عدالت يوق
درويشلارنى دعاسيده اجابت يوق
تورلوك بلا خلق اوستيغه ياغدى دوستلار

آخر زمان عالم لارى ظالم بولدى
خوش آمد ايتكوچى لار عالم بولدى
حقنى ايتكان درويش لاركا غنيم بولدى
عجب شوملوغ زمانه لار بولدى دوستلار

قيامت كون ياق بيتى قالغاني يوق
قول احمدنى ايتكان سوزين يالغاني يوق
اوز اوزيغه بير نصيحت قيلغاني يوق
نصيحتين خلقه ايتيب كيتى دوستلار

(۳۴)

حكمت

محبت نى جامين ايچكان ديوانه لار
قيامت كون اوت آغزيدن ساچار دوستلار
قدرت برله براتيلكان بيتى تموغ
عاشق لارنى نعره سيدين قاچار دوستلار

دوزخ بيغلاب داد ايلكاي خدائي كا
طاقتيم يوق عاشق لارنى بير آهي كا
قاچيب باركاي حق تعالى پناهي كا
عاشق لارنى ياشى برلان اوچار دوستلار

عاشت لارى عشق دوكانين بارسه قوروب
انشاء الله دوزخ قاچقاق آندين قورقوب
ياشين ساجيب كوكسين اجيب يوزين سوروب
بيتي آسمان طاقت قيلماي كوچار دوستلار

رحمن ايکام ساقى بولوب مى ايچورسه
اهل عيال خانماندين پاك كيچورسه
وجوديمدين عزازيل نى حق قاچورسه
جرم عصيان كوره لارين آچار دوستلار

عشق بابى نى حق يوزيغه وا ايلاسه
خاص عشقى نى كونكل ايچره جا ايلاسه
لطف ايلاسه ايكى عالم شاه ايلاسه
عاشق لارى حق ساريغه اوچار دوستلار

سبحان ايکام بير قطره مى قيلسه انعام
ذکر سرنى ايتيه ايتيه قيلسام تمام
حور وغللمان جمله ملك انکا غلام
اوچماخ ايچره حرير تونلار بچار دوستلار

الله دييان گوردين قوپسه عالم كويار
خاص بندم ديب رحمان ايکام يالغوز سويار
ياش اورنى غه قانين توكوب يوزنى بويار
حمدين ايتسه شيطان لعين قاچار دوستلار

مين ايتماديم الله اوزى وعده قيلدى
يولسيز ايديم لطف ايلابان يولغه سالدى
غريب بولوب ناله قيلديم، قولوم آلدى
انداغ عاشق شوق شرايين ايچار دوستلار

قول خواجه احمد عشق سيزلارنى ايشى دشوار
تانكلار بارسه حق كورساتمس انکا ديدار
عرش كرسى لوح قلم همه بيزار
عشق سيزلاركا دوزخ بابين آچار دوستلار

(۳۵)
حکمت

كوزوم نملك دليم غملك جان الم ليك
نيچوك علاج ايتاريمنى بيلمم دوستلار
بو حسرتده ندامت ده ياشيم آقيب
قايو طرف كيتاريمنى بيلمم دوستلار

تورلوك تورلوك علامت لار بولدى پيدا
يوراكيمده جاحت لار بولدى پيدا
بو دنياده لحظه فارغ بولماغ پيدا
نيچوك علاج ايتاريمنى بيلمم دوستلار

الله اوچون فرزندلايم يتيم قيلسام
جاندين كيچيب مالدين كيچيب غريب يولسام
بيابانده يالغوز قاز ديك ناله قيلسام
نيچوك علاج ايتاريمنى بيلمم دوستلار

خاص قول لار ديك كيچه لارى قايم بولسام
مردانلار ديك كوندوز لارى صايم بولسام
كيچه لارى آرام آلماي ريمم ديسام
نيچوك علاج ايتاريمنى بيلمم دوستلار

تخم عصيان بيحد ساچتيم طاعتيم آز
اوتى عمروم غفلت بيلان هم قيش و ياز
ياقين ترور جانم قوشى قيلسه پرواز
نيچوك علاج ايتاريمنى بيلمم دوستلار

قول خواجه احمد خدمتيده جان بيرمه
دهقان ايرمس كيتمان چاييب نان بيرمه
وا بولمغاي كل غنجه سى نم بولمه
نيچوك علاج ايتاريمنى بيلمم دوستلار

(۳۶)
حکمت

عشق سرنى بيان قيلسام عاشقلاركا
طاقت قيلماي باشين آليب كيتار دوستلار
تاغ [قه] تاشقه باشين اوروب بيخود بولوب
اهل عياليم خانماندين اوتار دوستلار

عشق شدتى باشقه توشسه عاشق تيلار
بيكانه لار تاشلار آتيب انکا كولار
ديوانه ديب باشين ياريب قانغه بولار
شاكر بولوب حمد ثنا ايتار دوستلار

عشق سيزلارنى هم جاني يوق هم ايماني
رسول الله سوزين ايديم معنى كاني
نيچه ايتسام ايشيتكوچى بيلكان قاني
بيخبركا ايتسام كونكلي قاتار دوستلار

عشق گوهرى توبسيز دريا ايچره پنهان
جاندين كيچيب گوهر آغان بولدى جانان
بو لهوس لار عاشق مين ديب يولده قالغان
دين لاريني پوجك پل غه ساتار دوستلار

اوتقه كويدوم، جاندين تويدوم، حيران بولدوم
بو نچوك اوت؟ كويماي، يانماي، بر يان بولدوم
محبت نى آتين ايشيتيب كريان بولدوم
كوزى كريان مراديهه ينار دوستلار

زار بيغلابان زار اينكراكيل رحمى كيلسون
يول اداشسنك رحمى كيليب يولغه سالسون
امين دينكلار بير مغان قولونك آلسون
خدمت قيلغان مراديهه يتار دوستلار

Змане Ахр болди خوبонк кити
Рисол Алле وعدе لاری ياقوق بيتي
خاص قول لارنى يخشى سوزكا قولاق توتى
يمان قول لار كوندين كونكا بتر دوستلار

كل يوم بتر ديدى حق مصطفى
امت بولسنىك قولاق سالغيل اهل وفا
يخشى لارنى اجرين بيرور بدكا جزا
قيامت كون جزالارين تارتار دوستلار

فاسق، فاجر هوا قيليب بيرنى باسماس
روزه، نماز قضا قيليب مسواك آسماس
رسول الله سنت لارين كوزكا آلماس
گناه لاری كوندین كونكا آرتار دوستلار

دنیادارلار مالین کوروب هوا قیلور
من - من لیک دین اول دعوی خدا قیلور
اولار وقتده ایمانیدین جدا قیلور
جان برارده حسرت برلان کیتار دوستلار

قموغ دنیا یقانلارنى والله کوردوم
اولار وقتده قلاى سین ديب حالین سوردم
شیطان ایدی ایمانی غه چنکال اوردم
جان چیغارده بیغلاى بیغلاى کیتار دوستلار

قول خواجه احمد عاشق بولسنىك جانينك كويسون
صدقينك برلان الله ديكيلى تنكري بيلسون
دعا قيلغيل مؤمن قول لار دنيا قويسون
دنیا قویغان آخرتقه یتار دوستلار

(۳۷)
حکمت

محبت نى شرابى دين ايجورمه
جان، دلیم حسرت بیلان کیتار دوستلار
الله یادین ورد ایلامای اولوب کیتسام
ایسز عمروم ارمان برله اوتار دوستلار

الله ديكان چين عاشق لار براق مندى
معشوقيدن محنت يتسه بويون سوندى
طريقت نى بازارينده جولان قيلدى
حقيقت نى درياسيدين اوتار دوستلار

حقیقت نى دریاسیدین آلمان کشی
اوزی مونکلوغ، کونکلی سینوق، کوزده یاشی
خوارلیق، زارلیق، مشقت دور دایم ایشی
دیدارینی طلب قیلیب تاپار دوستلار

حقیقت لیغ عاشق لارنى نفسى اولوك
اوچ یوز آلتیمیش، تورت یوز قرق تورت همه سلوک
سوزی شرین خلق خوشی یوز مینک تورلوك
بو دنیانی پوچک پل غه ساتار دوستلار

غارف، عاشق بولای دیسنىك الم تارتغیل
حق وصلی غه یتای دیسنىك تونلار قاتغیل
بو دنیانی عشرتی نی تاشلاب آتغیل
تاشلاب آتسنىك ما و من لیک کیتار دوستلار

قيامت نى شدتى نى بيلماكانلار
قاتیغ عذاب تار لحددین قورقماغانلار
حق قهریدین قورقوب یاشین توکماکانیار
دوزخ ایچره یوز مینک عذاب تارتار دوستلار

وا دریغا اوتی عمرم بیلالمادیم
جاندین کیچیب حضرت سری بارالمادیم
نفسدین کیچیب حق امرینی قیلالمادوم
اولوب بارسام حسرت منکا یتار دوستلار

اوتی عمروم شریعت کا یتالمادیم
شریعت سیز طریقت کا اوتالمادیم
حقیقت سیز معرفت کا باتالمادیم
قاتیغ بولدور پیرسیر نیچوک اوتار دوستلار

قول خواجه احمد نفسیم سالدی اوشبو بولغه
آنینک اوچون قاچتیم دوستلار چولدین چول غه
الله دیب هیچ باقمادیم اونک سولغه
الله دیکان شوق شرابین ایچار دوستلار

(۳۸)
حکمت

بیراتقان بیر و باریم بولین ایزلاب
شیطان لعین یول لاری دین قایتینک دوستلار
اخلاص برلان محبت نى جامین ایچیب
جان و دلده حی ذکرینی ایتینک دوستلار

حی ذکرین ایتیب ایچکان جام شراب
یول اوستیده عزیز باشی مثل تراب
الله اوچون حالی خراب، بغری کباب
جان و دلده حی ذکرینی ایتینک دوستلار

آستانه غه باشیم قویوب زاری قیلسام
حلقه قوروب کیم ذکر ایتسه یاری بیرسام
ذکرین ایتیب اول صحبتده درلار تیرسام
جان و دلده حی ذکرینی ایتینک دوستلار

عمل قیلمان عالم علمین باسیب یورکای
اولوب بارسة تار لحدده جانی کویکای
الله رسول دینینک کیمدیپ هیبت قیلکای
جان و دلده حی ذکرینی ایتینک دوستلار

منکر - نکیر «من ربک دیب سوال قیلغای
قال علمیدین بیر نکته سی کار قیلماغای
وا حسرتا عمل سیزلار نیچوک قیلغای
جان و دلده حی ذکرینی ایتینک دوستلار

الله دیکان قند و عسل پیدا قیلدی
آخرتده الله برله سودا قیلدی
عمل قیلغان چین عالم نی دانا قیلدی
جان و دلده حی ذکرینی ایتینک دوستلار

قالینک چراغ، حالینک پلته، یاغی یاشینک
نچه ایتسام بهره آلم کونکلی تاشینک
یول اوستیده تفریق بولسون عزیز باشینک
جان و دلده حی ذکرینی ایتینک دوستلار

ایسز عالم عمل قیلما یولده قالور
اوقوب - اوقمای دنیا مالین قولغه آلور
من - من لیکیدین ایسز عمرین ضایع قیلور
جان و دلده حی ذکرینی ایتینک دوستلار

ظاهر بوزوب باطن توزه عالم بولسنک
روز محشر قولونک توتقای تانکلار بارسنک
وا ویلتا ندامت دیب یولده قالسنک
جان و دلده حی ذکرینی ایتینک دوستلار

عالم اولدور، نماز اوقوب طاعت قیلسه
حقیدین قورقوب آخرت نی غمین بیسه
قرآن اوقوب حقیدین قورقوب زار اینکراسه
جان و دلده حی ذکرینی ایتینک دوستلار

آنداغ عالم ایکی گوزی گریان بولور
سحرلاری ایرته قوپوب نالان بولور
حق یولیده کویوب یانیب بریان بولور
جان و دلده حی ذکرینی ایتینک دوستلار

خرارلیق تار ثقیل کافر نفسینک باشی قاتسون
دایم مدام بو دنیا دین بیغلاب اوتسون
تفریق بولغیل عالم سنی باسیب اوتسون
جان و دلده حی ذکرینی ایتینک دوستلار

خوارلیق تار تیب حق مصطفی امت دیدی
عاصی جافی امت لارین غمین بییدی
آننک اوچون امت لاری قوت آلدی

جان و دلده حی ذکرینی ایتینک دوستلار

امت اوچون بغریده یوق ذره بوتون
امت دیسه دماغی دین چقایی توتون
حق تعالی قیلغایمو دیب بیزنی اوتون
جان و دلده حی ذکرینی ایتینک دوستلار

قول خواجه احمد آلائی دیسنک حقیدین اولوش
بایزیددیک نفسینک بیله تون کون اوروش
ای بیخبر امت ایرسنک بولدور روش
جان و دلده حی ذکرینی ایتینک دوستلار

(۳۹)

حکمت

دیدار اوچون جان نی قربان قیلماکونچه
اسماعیل دیک دیدار آرزو قیلمنک دوستلار
جان دین کیچیب طریقت کیرماکونچه
عاشق مندیپ یالغان دعوی قیلمنک دوستلار

عاشق لیق اولوغ دعوی قیلسنک مونی
محنت برله سنار ایرمیش مولیم سینی
رنج محنت برله بولسنک تونی - کونی
معشوقینکدین کونکل اوزکا قیلمنک دوستلار

من لیک برله طریقت کا کیرمادی لار
جان دین کیچمای یولغه قدم قویمادی لار
نفس اولتورمای تسلیم فنا بولمادی لار
خام طمع لیغ برله یولغه کیرمنک دوستلار

اوشبو عشق نی یولی تیلیم بولمق ترور
مونده یغلاب آخرتده کولماق ترور
کل رنگ لاری زعفران دیک سولماق ترور
مرنداغ بولمای عاشق مندیپ ایتمانک دوستلار

مرشدلارنی خدمتی نی قیل اختیار
اوزلوکوم دین یولغه کیردیم دیمه زنهان
یخشی بیلسنک طریقت نی خطری بار
قلاوزسیز اوشبو یولغه کیرمنک دوستلار

مرشدلار کا خدمت قیلسنک نفس کا آفت
تیکمه نادان بو یول لارده قیلمس طاقت
صادق قول لار بو یول لار نی بیلور راحت
تریک اولمای دیدار آرزو قیلمنک دوستلار

الکذاب لا امتی دیدی سیزکا
اول محمد حق رسولی دیدی بیزکا
یالغانچی غه جنت یوقتور والله آنکا

يالغان سوزلاب ايمانسيزين كيتمنك دوستلار

خانمانين ترك ايتمايين كورمس ديدار
ديدار كوراي ديكان عاشق بولور بيدار
انداغ عاشق آخر كوركاي آنده ديدار
ديدار كورماي سر دين خبر توبنمك دوستلار

سردين معني تويمكانلار بيكانه دور
اول عاشق ني مكان لاري ويرانه دور
عشق يولیده جان بيركانلار جانانه دور
جاندين كيچماي جاندين خبر بيلمك دوستلار

قول خواجه احمد اوزدين كيچماي دعوي قيلمه
خلق ايچيده عاشق من ديب تيلكا آلمه
عاشق ليغ اولوغ ايشدور غافل بولمه
غافل بولوب حق ديدارين كورمنك دوستلار

(۴۰)
حكمت

محبت ني جامين ايچيب رقص ايلكان
ديوانه ليغ مقامي غه كيردي دوستلار
آج و توقلوق سود و زيان هيچ بيلمكان
سر مست بولوب رقص سماع اوردی دوستلار

رقص سماع اوركانلاركا دنيا حرام
اهل عيال خاناندين كيچتي تمام
سحر و قتده حقه سيغنيب بيغلار مدام
آندين سونكره رقص سماع اوردی دوستلار

رقص سماع اوركان عاشق اوزين بيلماس
بيهوش بورار دنيا مالين قولغه الماس
يوز مينك آدم تقصير ديسه مغرور بولماس
دنيا تيغيب رقص سماع اوردی دوستلار

دنيا تيغماي رقص سماع اوركان جاهل
حق ياديني بر دم ايتماي يورور غافل
درويش من دير دنيا سري كونكلي مایل
دنيا اوچون رقص سماع اوردی دوستلار

اوزدين كيتماي رقص سماع اورمق خطا
سبحان ايكان انكا قيلمس ايمان عطا
طاعت قيلسه دل لاريني قيلمس صفا
ريا قيليب رقص سماع اوردی دوستلار

واي اوشنداغ نادانلاردين اميد قيلمانك
فيض فتوح آلور من ديب يوكروب يلمنك
نفسی اولوغ شرعی بوزوغ ولی بيلمك

شيطان لعين نوخته اورماي مندی دوستلار

اوزدين كيتماي رقص ايلاسه الله يزار
سماعيدين بير تبرانيب تارتقاي آزار
دعا قيلاي كورساتمسون انكا ديدار
دين دين كيچيب رقص سماع اوردی دوستلار

ديوانه ليغ غالب كيلماي سماع اورار
حق مصطفي چهار يار دين بيزار يورار
باشدين اياغ كناه لاري حاضر تورار
كناه تيلاب رقص سماع اوردی دوستلار

شبلې عاشق سماع اوردی پرتو كوروب
مصطفي ني حاضر كوروب سوال سوروب
دنيا عقبين آرقه تاشلاب كوزين يوموب
انداغ قول لار رقص سماع اوردی دوستلار

شبلې عاشق بيغلاب ایدی ايا رسول
بيطاقت من سماع اورسام هم من ملول
رسول ایدی انشاء الله قيلكاي قبول
رخصت تيلاب رقص سماع اوردی دوستلار

قول خواجه احمد رقص سماع هركيمكا بوق
تقليد برله اورسه كيركاي تموق
بو روايت پنهان ايردي ايتسام قموق
حق ني تاپيب رقص سماع اوردی دوستلار

(۴۱)
حكمت

شريعت ني شمرايطين بيلكان عاشق
طريقت ني مقامي ني بيلور دوستلار
طريقت ني اشلاريني ادا قيليب
حقيقت ني درياسيغه باتار دوستلار

ديداريني كوروب بولمس تون - كون اويوب
پاك عشقي ني قولغه آلماي بولمس يوروب
حقيقت ني درياسي ني خطري كوب
هيچ اوخلاماي ديداريني كوردوم دوستلار

ايا عاشق بو دنياده محنت تارتقيل
تارتقان جور و جفالارني راحت بيلكيل
هو صعبتين قورغان بيركا اوزونك اورغيل
اوركان عاشق مرادبغه يتار دوستلار

بو يول لارني غذاسي دور قيغو محنت
محنت تاريب جفا چيكان كورار راحت
سحرلارده زاري قيلغان خوش سعادت

هو - هو تيو بو دنيادين اوتار دوستلار

چين دل برله يغلاغانلار كوركار لقا
سبحان ايكام ديداريني قيلغاي عطا
قلاوزسيز يولغه كيرمنك عين خطا
يولغه كيركان منزل لاردين اوزار دوستلار

وا دريغا اوتى عمروم بيلمى قىلديم
بو دنيا امبابى نى قولغه آلديم
دنيا ايزلاب دين ايشيني آرتقه سالديم
بيلامس مين حاليم نيچوك بولور دوستلار

محبت نى شرابى دين تاتماغانلار
بايزيد ديك هر گون اوزين ساتماغانلار
بو دنيانى عزتى دين اوتماكانلار
حيوان ايرور بلكه آندين بتر دوستلار

عاشق بولسنىك عسق يوليغه قويغىل قدم
دنيا عقبين طلاق قويغىل مثل ادهم
عافل ايرسنىك دنيا اوچون بيماكيل غم
قيامت گون جزالارين بيرار دوستلار

سر شرابين ايچكان عاشق اوزين بيلمس
بو دنيانى عزت لارين كوزكا ايلمس
يوز مينك دانا ناصح بولسه پندين آلمس
وا شوقا ديب اوزين بيلمى يورار دوستلار

روز الست خدا اوزى ندا قيلغان
قالوا بلى ديبان روح لار جواب بيركان
حضرت تبا روح لار اوچوب قارشو كيلكان
آنداغ عاشق حق جمالين كورار دوستلار

قول خواجه احمد عاشق بولسنىك دنيا قويغىل
آخرت نى عذابى دين قابغو بيكيلى
ايرانلارنى قيلغانلارين سين هم قيلغىل
خدمت قيلغان آخر مراد تاپار دوستلار

(۴۲)

حكمت

حقه يانيب مؤمن بولسنىك طاعت قيلغىل
طاعت قيلغان حق ديدارين كورار دوستلار
يرز مينك بلا باشقه توشسه اينكر انمكىل
اندين سونكره عسق سريني بيلان دوستلار

عاشق لارى زار ايكرابان يولغه كيردى
هر نه جفا تيكسه انى حق دين بيلدى
راضى بولوب بير آستېغه حاضر بولدى

زار ييغلابان سحرلارده قوپار دوستلار

ايا دوستلار هيچ بيلديم من بولوم نى
سعادتقه باغلامديم من بيليم نى
غيبت سوزدين هيچ بيغماديم من تيليم نى
نادانليقيم منى رسوا قىلدى دوستلار

كيچه - كوندوز بى غم يوردوم ذكرين ايتماى
جهد ايلابان تونى - كونى فكرين ايتماى
محبت نى بازارينده اوزنى ساتماى
نفسيم منى يوز مينك طعام تيلار دوستلار

نفسينكى سن اوز رايى كا قويمه زينهار
بيماى، ايچماى، طاعت برله بولغىل بيدار
آخر بير كون كورساتكوسى سنكا ديدار
بيدار بولغان انده ديدار كورار دوستلار

ايا غافل حق ذكريني تيلدين قويمه
دنيايقدين بير ذره سين قولغه آلمه
ايرانلارنى آرقاسيدين هر كز قالمه
يولغه كيركان آخر مراد تاپار دوستلار

وا دريغا ارمان بيله عمرم كىچتى
نفسيم منى طغيان قىلدى حددين آشتى
جانيم قوشى پرواز قىلسه روحوم قاجتى
غافل يوركان عمرين بيل كا ساتار دوستلار

ديدار كوراي ديكان قول لار بيدار بولور
يورسه، قوبسه، ياتسه، تورسه، ذكرين ايتور
ايچى تاشى انداغ قولنى نوركا تولور
الله نورين انداغ قول غه ساچار دوستلار

عارف عاشق اوز جانيني اوتقه ياقمس
بى دردلاركا عشق چيىماقن ياقيب چيىسون
دنا كيليب جلوه قلسه قيا باقمس
عشق سيز كشى بها يمدن بتر دوستلار

قول خواجه احمد بنده بولسنىك ييغلاب يوركىل

محبت نى مجلسى غا اوزونك اور غيل
قيامت نى شدتيدن ماتم قور غيل
ماتم قورغان سردين خبر آلور دوستلار

(۴۳)

حكمت

روح قوشيني تترار بولسه بال پرى
پرواز قيليب عرشدين عرشقه قونار دوستلار

قول مین دیکان دایم تینمای ذکرین ایتار
عشق اوتی غه بغری کویوب فریاد ایتار
بیخیرلار عمرین بیلمای ییل کا ساتار
غفلت برلان جهنم کا کیتار دوستلار

آخر زمان شیخی توزار صورتلارین
زهد تقوی قیلمای بوزار سیرتارین
کرامت دیر خواب غفلت رؤیت لارین
ریا برله خلقه اوزین ساتار دوستلار

ایا مثافل عمرینک سنی اوتار ییل دیک
کوز یاشینکنی آقوزدایم آب سیل دیک
سینی سویار درجاهیده مثل قول دیک
خواجه سویسه سینی آزاد ایتار دوستلار

غفلت برله عمرینک سنی اوتار بیلکیل
جانینک برله پیر خدمتین توروب قیلکیل
اندین سونکره درکاهی کا لایق بولکیل
خدمت قیلکان مرادیغه ینار دوستلار

قول خواجه احمد حکمت ایتیب بیغلا سحر
ایرانلارنی الفاظی دین آلیب خبر
سوز اصلی نی بیلکانلارکا اصل گوهر
ظاهریغه باقغان قوروغ قالار دوستلار

(۴۴)
حکمت

کیلینک دوستلار الله یادین دایم ایتینک
الله یادی کونکل ملکین آچار دوستلار
استغفر استغفارنی تینمای ایتینک
شیطان لعین تن ملکى دین قاجار دوستلار

شیطان لعین سینرکا دشمن حاضر بولونک
کیچه الله، کوندوز الله، ایتیب کویونک
تار لحدکا کرار وقتده نورکا تولونک
ملایک لار الله نورین ساجار دوستلار

الله نوری قبر ایچی نی روشن قیلکای
ملایک لار تیکراسیده روزن قویکای
مؤمن بنده کوروب انی حیران قالکای
بو عالم نی روشنیدین کیچار دوستلار

بارچه ارواح یغیلیب کیلکای مبارک کا
خلایق لار مشغول بولکای تبارک کا
دعا قیلیب یانغاندین سونک قالوریکا
جمله ارواح سویونوب بربر قوچار دوستلار

بیٹی قدم قویغاندین سونک منکر نکیر
هیبت برلان کیریب کیلکای قیلیب قهیر
ایکی کوزی اوتدیک یانیب اوقراب توریر.
نورین کوروب تعظیم قیلیب قاجار دوستلار

منکر نکیر سورمای چیقیب ناله قیلغای
کوز یاشین آقوزوبان ژاله قیلغای
حق یادینی ایتیب اوزین واله قیلغای
پرواز قیلیب هوا سری اوچار دوستلار

ندا کیلکای الهیم دین نه بیغلادینک
خاص قولوم دین قبر ایچنده نه تینکلادینک
ای بی ادب قولاق سالیب نه آنکلادینک
منکر نکیر اونک سونکی کا قاجار دوستلار

یورسه، تورمه، یاتسه، قوبسه مینی یادیم
خط برات قولغه آغان اول آزادیم
انداغ قول نی صیدی دور من، اول صیادیم
قیلمیش، ایتیمیش کنه لارین کیچار دوستلار

کنه لارین حق باغیشلاب نظر قیلغای
اونکده، سونکده یاتقانلاری شاکر بولغای
اندن سونکره بارچه ارواح حاضر بولغای
قبرستانغه حق رحمتین ساچار دوستلار

بحمد الله بخشی کیلدی بیز قوتولدوک
قبر ایچنده د عذابین فارغ بولدوک
نیچه بیل لار مرده ایردوک باز ترلدوک
دعا قیلیب حقه ایلکین آچار دوستلار

منکر نکیر بیغلاب ایتورسین بیلورسین
ذاتینک اولوغ هر نه قبلسنک سین قیلور سین
لطف ایلاسنگ یول سزلارکا یول بیورورسین
سجده ایلاب شاکر تیلین آچار دوستلار

لا إله إلا الله غه شیدا بولغان
دیدار اوچون بو عالمده رسوا بولغان
دنیا قویوب آخرت نی سودا قیلغان
حوض کوثر شرابی دین ایچار دوستلار

روز ازل تقدیر قیلسه حق جمالی
یوز مینک شیطان قصد ایلاسه یوقزوالی
کوندین کونکا زیاد بولغای قال و حالی
دانا بولوب حق یول لارین آچار دوستلار

محبت نی میدانیده جولان قیلغان
حقیقت نی دریاسیدین کوهر آغان
معرفت نی مناعی نی ایچکا سالغان

يورسه، تورسه، دُرّ و گوهر ساچار دوستلار

عاشق اولدور حقه جانين قربان قيلسه
ذکرين اينتيب چهار ضرب اوروب سحر تورسه
ايرانلاردين فيض فتوح توله آلسه
سلطان بولوب دُرّ و گوهر ساچار دوستلار

حق تعالی بويين آلمان مونده تورمس
دعوی قلیب ایشانلیق نی لافین اورمس
قایدہ بارسه فقیر مسکین دوکان قورمس
غریب بولوب ویرانه غه کوجار دوستلار

قول خواجه احمد نفس دین اولوغ بلا بولمس
بیر وکودین طعمه بیرسنگ هرکیز توبمس
تغراق اولوب بیوده یاتسنگ کافر اولمس
نفسی اولکان حور غلمان قوجار دوستلار

(۴۶)
حکمت

حکایتده بیلینگ موناغ کیلتور دیلار
بابا ماچین اول سلطان نی بیتکور دیلار
خراسانده تور ت یوز یاشنی یاشادیلار
یکرمه تور تیغچ هرکون اوچار دوستلار

ایشتی بابا ماچین اول زمانده
احمد آتلیغ بیر شیخ چیقمش ترکستانده
صحبت قیلیمش قیز و جوان برلان انده
منع ایتکالی ترکستانغه کیلدی دوستلار

کیلدی ایرسه کوردیلار اول مشایخ نی
سین شیخ موسین از غور عوچی خلیق نی
اوشل ایغان کمراه دور من بیلکیل مونی
تیو حضرت آنکا جواب بیردی دوستلار

امر ایتی لار حکیم خواجه سلیمان غه
اوشل صوف محمدی دانشمندغه
باغلاب اورونک بیش یوز قمچی اون نادانغه
بر ستونغه محکم باغلاب قویدی دوستلار

یوز کشی کیلسه توتا بیلمس ایدی
ایکی کشی توتوب آنی هم باغلادی
اوشل دمده بیش یوز قمچی سیناب اوردی
نه آه دیدی، نه واه دیدی، بیلینگ دوستلار

یلانکاج قلیب آنی باغلاب قویدی
بیش یوزدین بیر قمچی نی آرتوق اوردی
بیر قمچی ده زار بیغلابان فریاد قیلدی

انا احمد بیشتوروبان قویدی دوستلار

اوشل دمده مریدلاری قیلدی سؤال
بیش یوز قمچی اورغانده یوق هیچ قیل و قال
بیر قمچی نی اوردی ایرسه بولدی بیحال
سر نیدور دیب اصحاب انده سوردی دوستلار

اتا ایدی آرقاسیده دیو پری
اورناب ایردی بیش یوز قمچی آنکا تیکدی
دیو پری آرقاسیدین در حال کوجتی
بیر قمچی سی آنکا تیکدی بیلینگ دوستلار

بابا ماچین اولدوم ایدی و احمدا
کیلسم رسرا بولوب خلق لار آرا
اولا ایردیم اوشبو حالت برلان منا
زار بیغلابان عرض حالین ایتی دوستلار

اتانینگ ایرلیکی نی انده بیلدی
ریاضت تارتقوزوبان یول کورساتی
اتا برله اوچ مرتبه خلوت کیردی
مراد مقصد پیردین ایرمیش بیلینگ دوستلار

مرشد بولمای هرکز مراد تابمادیلار
حذمت قیلمای حقه واصل بولمادیلار
زار بیغلابان کیچه بیدار بولمادیلار
زار بیغلامای حق دیدارین کورمس دوستلار

یاد ایتالوک قول خواجه احمد اولیانی
مریدلاری بابا ماچین اول سلطان نی
قوللانغایمو عاصی یوسف بیضاوی نی
نظم ایلادیم بو حکایت بیلینگ دوستلار

(۴۶)
حکمت

خضر بابام سالدی مینی اوشبو یولغه
آندین سونکره دریا بولوب تاشتیم دوستلار

شریعت نینگ بازارینی سیران قیلدیم
معرفت نینگ بوستانیدد جولان قیلدیم
طریقت نینگ پیشکاهند، طیران قیلدیم
حقیقت نینگ ایشکینی آچتیم دوستلار

الست خمرین پیر مغان توپا بیردی
ایچار بیردیم مقداریم چه قویا بیردی
قول خواجه احمد ایچ و تاشیم کویا بیردی
طالب لارکا دُرّ و گوهر ساجتیم دوستلار

(۴۷)
حکمت

Қаю مخلوق خالقиге مطيع بولسه
عالم خلقى اوشل قول نی سویار دوستلار
یادین ایتیب بغری پیشیب ایچی کویسه
دم اورسه سانسیز اوچقون اوچار دوستلار

تیلی کونکلی سری برلان ذاکر بولوب
اوج یوز آلتیش تمورلاری قانغه تولوب
یازی قیشین بلبل لارین واله بولوب
سیرایو شاخدین شاخقه قونار دوستلار

بو کونکل بوستانیدور عجب بوستان
ایچنده سیراشورلار هزار دستان
کورونور هر شاخ اوزره تورلوک الوان
نعمت لارنی بیشکانینی کورار دوستلار

ظاهر نعمت شکرینی غافل بیلماس
باطن داغین قیاس برله کورسه بولماس
ظاهر کوزی غفلت برله باقیب کورماس
ظاهر کوزی آچلسه اول کورار دوستلار

باطن کوزی آچلسه جمله پرده
آجلور کیتار، قالماس حجاب سرده
جان نینک کوزی حیران بولور اوشل بیرده
باقیب ایمان نوری برله کورار دوستلار

قول خواجه احمد یسوی نینک اوشبو سوزی
عجب ایرمسباقیب کورسه سردین کوزی
فنالیق مقامینده اوزنینک اوزی
فنالیق ایچره باقیب کورار دوستلار

(۴۸)
حکمت

خوش غایب دین بیتوشتی بر جماعه درویشلار
باطیده هو - دیلار سری پنهان درویشلار
تینمای روان یورارلار تنسه تکبیر ایتورلار
تابسه صحبت قورارلار خوش صحبت لیغ درویشلار

جنده لاری پر صلاح تب تصبیح لاری الّا الله
خدمت قیلور هر صباح بلا خوردور درویشلار
ژنده لاری کیرجغان کونکلیده یوز مینک ارمان
اوشبو دنیا بی پایان کوزکا ایلمس درویشلار

ژنده لاری ایکنیده، عصالاری ایلکیده
ایزد یادی کونکلیده الله دیور درویشلار

اصلی فقیر بیلسه لار وجود شهرین کیزسه لار
ظاهر - باطن تورسه لار سعادلیمغ درویشلار

مشمایخ لار سراسرار خدمتیده بول زنهان
پیغمیردین یادکار قالغان ترور درویشلار
قول خواجه احمدمسکین بول، مسکینلاردین معنی سور
درویشلیکنی بیل خضور هو قوشیدور درویشلار

(۴۹)
حکمت

یول استیده اولتوروب یول نی سورکان درویشلار
عقبیدین خبر ایشتیب یولغه کیرکان درویشلار
عصالاری ایلکینده همت قوری بیلینده
ایذیم یادی تیلینده الله دیکان درویشلار

خرقه لاری کیرچغان کونکلیده یوز مینک عیان
بیلینکز ایکی جهان کوزکا ایلمس درویشلار
درویش حق ننگ منظوری ذکر تورور کلزاری
حق نی یادی اسراری خوب ادبلیغ درویشلار

یازوقرم کوب یولاتماس اسباب دارومسین تابماس
کوزده یاشین قوروتمس یاشی افقان درویشلار
سری برلان سوزلار لار تیل کا حکمت توزار لار
عشق برلان جان کزار لار رنگی سریغ درویشلار

ایت نفسینی اولدورور قیزیل یوزین سولدورور
خواجه احمد قول بوتورور ساتیب یسون درویشلار

(۵۰)
حکمت

اون سیکز مینک عالمده حیران بولغان عاشقلار
تابمای معشوق چراغین سرسان بولغان عاشقلار
هردم باشی اورگوبوب کوزی حلقة تیلوروب
هو - هو تیو جور کولوب کریان بولغان عاشقلار

کویوب، یانوب، کل بولغان، عشقیده بلبل بولغان
کیمنی کورسه قول بولغان، مردان بولغان عاشقلار
یول اوستیده خاک بولغان سینه لاری چاک بولغان
ذکرین ایتیب پاک برلغان نالان بولغان عاشقلار

همت قورین باغلاغان یورک بغرین داغلاغان
فریاد اوروب بیغلاغان کریان بولغان عاشقلار
گاهی یوزی سار غایب گاهی یولیده غریب
تسبیح لاری یا حبیب جولان بولغان عاشقلار

احمد سین هم عاشق بول صدقینک برله صادق بول

درکاهی کا لایق بول جانان بولغان عاشقلار

(۵۱)

حکمت

غریب لیغ ده غریب بولکان غریب لار
غریب لار حالی نی بیلکان غریب لار
سبب برله یراق بیرکا باریبان
قرینداز قدرینی بیلکان غریب لار

سوساکانده سوکا محتاج بولغان
تریکده زار اولوب اولکان غریب لار
کشی بیلمس غریب لار حالی نیدور
مکر بیلکای غریب بولغان غریب لار

غریب لیغ قاتیغ ایشدور ای عزیزیم
کیم اول بی قدر اولار مسکین غریب لار
کیل ایمدی احمدا اوزونکا باقغیل
غریب سین سین غریب مسکین غریب لار

(۵۲)

حکمت

حق قول لاری درویشر لار حقیقت نی بیلمیش لار
حقه عاشق بولغانلار حق یولیغه کیرمیشلار
حق یولیغه کرکانلار الله تیو یورکانلار
ایرانلار ایزین ایزلاب مملکتدن دین کیچمیشلار

عالم فخری مصطفی انداغ ایدی مرحبا
معراج تونی ایتی فخر فقیر بولی نی المیشلار
کونکل بیرمای دنیاغه شروع قیلمای حرام غه
حقنی سویکان عاشقلار حلابقدین کیچمیشلار

دنیا منینک دیکانلار جهان مالین آغانلار
کرکس قوشدیک بولوبان اول حرامغه باتمیشلار
ملا، مفتی بولغانلار ناحق دعوی قیلغانلار
آق نی قرا قیلغانلار اول تموغغه کیرمیشلار

قاضی، امام بولغانلار نا حق دعوی قیلغانلار
اول حماردیک بولوبان یوک آستیده قالمیشلار
حرام یکان حاکم لار رشوت آلیب یکانلار
اوز بارماقین تیشلابان قورقوب توروب قالمیشلار

تاتلیغ - تالمیغ یکانلار تورلوک - تورلوک کیکانلار
آلتون تخت اولتورکانلار تفریق آستین قالمیشلار
مؤمن قول لار صادق لار صدقی برله تورکانلار
دنیا لغین صرف اییتیپ اوچماخ حورین قوچمیشلار

قول خواجه احمدبیلیمیش سین حق یولیغه کیرمیش سین
حق یولیغه کیرکانلار حق دیدارین کورمیشلار

(۵۳)

حکمت

هر حلقه سی قورولدی ای درویشلار کیلینک لار
حق مفره سی یاپلیدی آندین اولوش آلینک لار
قال علمنی اوقوبان حال علمی کا بیتیبان
یوقلوق ایچره یاتیبان بارلیق لار دین آلینک لار

بیرتیب شفقت پرده سین تیلاب دیدار و عدهسین
آچیب کونکل دیده سین مشاهده قیلینک لار
هو ارّه سین آیبان نفس باشیغه سالیبان
تونی - کونی طالب لار جان نی قربان قیلینک لار

حلقه ایچره هو دینکیز عشق اوتیغه یانینکیز
تن جان برلان طالب لار تکبیر باشلاب ایتنک لار
هو - هو تیو زار اینکراب هو دیمکده معنی بار
دیدارین امید وار رحمتیدین آلینک لار

قول خواجه احمد قول بولغان یول اوستیده کل بولغان
طالب لارغه مل بولغان اندین عبرت آلینک لار

(۵۴)

حکمت

قد علمنا انت فی کل امور
انت کافی، انت عافی، یا غفور
کافی فی الغیب هو من فی الحضور
انت کافی، انت عافی، یا غفور

مصطفی در حالت نزع ایردی لار
بیر گروه نی عاصی دیب قابغوردیلار
امتیم وای، امتیم دیب ایدی لار
انت کافی، انت عافی، یا غفور

بیزنی سویدی اوز کانلارنی سویمدی
هم اتا انی سی هم سویمدی
یرلقادیم دیما گونچه قویمدی
انت کافی، انت عافی، یا غفور

حق تعالی دین ندا کیلیدی آنکا
امتینک اشین حواله قیل منکا
جمله سین باغشلابین انده سنکا
انت کافی، انت عافی، یا غفور

ایدر مندین سونکره امت بولغوسی فی

فرض و سنت نی قویوب فسق ایتکومی
اکثر امت دین ایمان کیتکوسی
انت کافی، انت عافی، یا غفور

امتیم امت لار ایچره صافی دور
نیلابین کوبراکی عاصی، جافی دور
قادیریم اوز وعده سیغه وافی دور
انت کافی، انت عافی، یا غفور

مسکین احمد سین بو یازوق زهریدین
قوتولونک ایچسنک شراب مهریدین
کرچه کوب قور قوم الهیم قهریدین
انت کافی، انت عافی، یا غفور

(۵۵)

حکمت

محمدنی بیلینک ذاتی عرب دور
طریقت نی یولی کل ادب دور
حقیقت بیلیمکان آدم ایمس دور
بیلینکز هیچ نیمه کا اوخشاماش دور

بیلینک نیچون ایرور هم بی چکونه
و بی شبهه ایرور هم بی نمونه
قهر لانسه قیلور بیر برله یکسان
بولادور زلزله بیر برله آسمان

رحمت قیلسه بیلینکیز رحمتی بار
بیرور بولسه توکائمس نعمتی بار
محمدنی صغت قیلسم کمینه
آناسینی آتی بیلکیل امینه

اتاسی آتی عبدالله ایکان دور
آنادین توغمایین اولکان ایکاندور
محمدنی باباسی ساقلاندور
یلانکچ آچ لارنی یوقلاکاندور

باباسینی بیلسنکیز عبدالمطلب
کونکده ساقلاکای سیز یخشی بیلیم
باباسینی اتاسی ایردی هاشیم
ایشیتکانه آقادر کوزده یاشیم

بیلینک تورتونچی سی دور عبد المناف
الارنی بیلسه هر کیم کونکلی دور صاف
رسرل نی بیلسه هر کیم تورت پشترین
قیامتده کزار سیکز بهشتین

باباسی ییتی یاشیده اولوب دور

رمول نی عمی سی کا بیریب دور
ابوطالب علی نی آته سی دور
قاموغ اعرابی لارنی کاته سی دور

ابو طالب بولادوز ایش باشیده
محمد اولتورور دایم قاشیده
محمدنی یاشی اون بیٹی بولدی
که اول وقتده خدیجه آنی کوردی

محمدنی بیلینک کیم مثل شونقار
خدیجه آنی کوروب بولادور زار
خدیجه کونکلیده آنی سویادور
محمد عشقیده ایچی کویادور

کیچه - کوندوز تیلار آنی خدادین
بیلینکیز عاقبت تابتی مرادین
کورونکیز لار خدانی شیوه سینی
محمد باقغان ایکان تیوه سی نی

خدیجه غه رسول چاکر بولوبتور
بو باعث برله بیل آنی آیب دور
خدیجه نی خدا بختین آجیب دور
رسول نی باشیغه دُرلار ساجیب دور

رسول نی یاشلاری فرقه یتیب دور
که اندین سونک خدادین وحی اینیب دور
که آندین سونک محمد بولدی پادشاه
رسول نی کونکلیده یار بولدی الله

محمدنی ایشین الله بیتوردی
خلاق بارجه سی ایمان کیتوردی
رسول نی باشیده بولدی عمامه
کمال تابتی اوتوز اوچ مینک صحابه

رسول غه بارجه سی خدمت قیلادور
ادب برلان یوروب عزت قیلادور
رسول آدیغه بیر یتیم کیلیب دور
غریب و مبتلا مین دیب ایتیب دور

رحم قیلدی رسول آنی حالیه
تیلکانین آنی بیردی قولیه
رسول ایدی ایکامین هم یتیم مین
یتیم لیکده، غریب لیغ ده یتیم مین

محمد ایدیلار هر کیم یتیم دور
بیلینک لار اول مینی امتیم دور
یتیم نی کورسنکیز آعریتمنکیز لار
غریب نی کورسنکیز داغ ایتمنکیز لار

عارف ليكده بيل صادق ابابكر صديق دور

يتيم لار بو جهانده خوار ايكاندور
غريب لارنى ايشى دشوار ايكاندور
غريب لارنى ايشى دايم سلوك دور
تريك ايرمس غريب مثل اولوك دور

(۵۷)

حكمت

ايكنچى سى يار بولغان عدالت ليغ عمر دور
مؤمن ليغ ده يار بولغان عدالت ليغ عمر دور
باللغه اذان ايتوركان شريعت نى بيلدوركان
دين سوزينى اوقتوركان عدالت ليغ عمر دور

خدائى غه غريب لار بيلكولوك دور
غريب نى ايرته اخشام سوركولوك دور
صفت قيلسام على شير خدادور
كه شمشير برله كافر نى قرادور

كعبه ايشيكن اچدركان بارجه بت نى سندوركان
رسول كونكلين تيندوركان عدالت ليغ عمر دور
شريعت نى باش توتقان طريقت نى راست توتقان
حقيقت نى خوب بيلكان عدالت ليغ عمر دور

كافرلارنى قيلور ايمانغه دعوت
برادور هر زمان اسلام كا قوت
كه مؤمن بولغانين آليب كيلادور
قبول قيلماغانين چاپيب كيلادور

او غلين جرلاب كيلتوركان دره اوروب اوت اولتوركان
عدل قيليب يول سوركان عدالت ليغ عمر دور
چراغ بولوب اوجماكان دين يوليدين يانماكان
ناحق ايشنى ايتماكان عدالت ليغ عمر دور

كه شمشير قولغه آليب مينسه دلدل
توشادور قوم كافر لار غه غلغل
قوليده كى يراغى ذوالفقارى
چاپوشقانده اوز الور قرق قارى

مسكين احمد قيلغيل ياد قيلكيل عجزينكى بنياد
شايد روحى شاد قيلكاي عدالت ليغ عمر دور

على نى بار ايدى اون سيكز اوغلى
انى هر قايسى سى دور كاته توغلى
على اسلام اوچون قانلار يوتادور
كه اسلام توغى نى محكم توتادور

(۵۸)

حكمت

خواجه احمد بيل غريب ليك كا توشوب دور
رسول اولادينه سوزلار قاتيب دور

اوچونجى دوستى يار بولغان عثمان با حيا دور
هر نفس ده يار بولغان عثمان با حيا دور
حق رسول نى دامادى دينمىزنى آبادى
بنده لارنى آزادى عثمان با حيا دور

(۵۶)

حكمت

كوركان زمان اينانكان ابابكر صديق دور
اوستون يولوب تيانكان ابابكر صديق دور
مونكلاشقانده بيغلاكان قوللوقغه بيل باغلان
ايچ بغرى نى داغلان ابابكر صديق دور

اوقوغانى شاطبي آيت حديث كاتبي
منبر اوزره خطيبي عثمان با حيا دور
مناجاتى كوه طور آغانلارى ايكي نور
ايتكانلارى بارچه در عثمان با حيا دور

بير قوليدين قيتماكان سرين هر كز ايتماكان
غافل بولوب ياتماكان ابابكر صديق دور
جان جانانغه قاوشوركان قزين قولدين تابشوركان
قول قاوشوروب يالباركان ابابكر صديق دور

كوبلار كيليب پياده قويماديلار شهزاده
شهيد قيلدیلار انده عثمان با حيا دور
توصيف قيلدينك عثمان نى خواجه احمد سين انى
يوقتور شك و كمانى عثمان با حيا دور

(۵۹)

حكمت

اينكان سوزيكا بيتكان نفس هوادين كيتكان
حق رسول نى بر كيتكان ابابكر صديق دور
محمدكا قين انا قيلكان ايمس هيچ خطا
بوينىغه سالغان پوطا ابابكر صديق دور

تورتونچى سى يار بولغان شير خدا على دور
هم معراجده يار بولغان شير خدا على دور
ايتكان سوزى رحمانى كورسنگ يوزى نورانى
كافرلارنى قرانى شير خدا على دور

قول خواجه احمد قيل تصديق يار غارين قيل تفریق

ҳمت қорӣ билиде мولىم ىادى تىليده
ذوالفقارى ايلكیده شیر خدا على دور
منیب جیفسه دلدلغه بیرکا توشار زلزله
کافر لارغه غلغله شیر خدا على دور

دشمن لارکا مقابل بولدى کافرغه قاتل
زایل قیلکان باطل نی شیر خدا على دور
رحمت قیلکای بیر وبارهرنه قیلسه ایرکی بار
خواجه احمدکا مددکار شیر خدا على دور

(۶۰)

حکمت

حکمت برلان اول عدم دین بار ایلادی
اون سکیز مینک قاموغ عالم حیران ایرور
قالوا بلی دیکان قول لار اولوش آلدی
سکوت ایتکان قول لار دینی ویران ایرور

حق تعالی ایمان عطا قیلدی بیزکا
اول مصطفی رسولی ایدی بیزکا
درود ایتسک قوت برور دینمیزکا
یوق ایرسه قیلغانلاریم یالغان ایرور

اول اَلْسُنْتُ بَرَبِّکُمْ دیدی خدا
قالوا بلی دبیان روح لار قیلدی صدا
یغلاب کیلدوک ایشکینک کا جمله کدا
لطف ایلاسنگ یوز مینک عاصی خندان ایرور

توبه قیلسام کیچارمو کین قادر اله
یوق ایرسه نیتکوم انده مین رو سیاه
تانکلا بارسام ایلیک آیاغ بارچه کواه
حق قاشیده بارچه ایشلار آسان ایرور

بیغلایممو اوتی عمروم ایا شاهیم
قبساب کیلدی قرانغولوق چیقیل ماهیم
سندین اوزکا یوق پناهیم، تکیه گاهیم
کیچه - کوندوز تیلکانیم ایمان ایرور

امت اوچون رسولن دایم قایغو بیدی
تیلاب امت کنهای نی حقدین آلدی
کیچه - کوندوز قایم توردی تنکریم بیلدی
تیلده امت مین دیر دلده یالغان ایرور

امت بولسنگ مصطفی غه پی و بولغیل
ایغانلارین جان ردلله سین هم قیلغیل
کیچه قایم کوندوز لاری صایم بولغیل
چین امت نی رنکی منل سامان ایرور

سنت لارین محکم توتوب امت بولغیل
کیچه کوندوز درود ایتیب الفت بولغیل
نفس نی تیغیب محنت بیتسه راحت بیلکیل
انداغ عاشق ایکی کوزی کریان ایرور

قول خواجه احمد نفس دین مدام سرا بولغیل
کویوب پشیب دردی برلان ادا بولغیل
کیچه - کوندوز تینمای بیغلاب کدا بولغیل
در دین تارتسنگ خواجه سیندین رضا ایرور

(۶۱)

حکمت

اوشبو سزنی بیلماکان جاهل کشی
درویشلارنی قدرینی قاچان بیلور
تیل اوچیده امت مین دیب دعوی قیلور
مصطفی نی قدرینی قاچان بیلور

طریقت نی لذتی دین تاتقان کشی
دنیا سنی دین بولیده ساتقان کشی
کیچه - کوندوز کوزده یاشی آققان کشی
بو دنیانی قدرینی قاچان بیلور

کیچه - کوندوز طاعت قیلسه اوشال عاشق
بو دنیاده کنهای دین بولور فارق
درویشلارنی غیبت قیلغان اول منافق
معرفت نی قدرینی قاچان بیلور

دنیا مالین بیغیب یول نی یتورکانلار
ایسز عمرین کفر ایچینده کیچورکانلار
قللورسیر بیاباندد بوروکانلار
معبت نی قدوینی قاچان بیلور

کوب کشیلار دعوی قیلور نفس کوز ایتیب
بیب ایچیب حیوان کبی تونلار یاتیب
روزه توتمس زکوة بیرمس هم اویاتیب
حق تعالی قدرینی قاچان بیلور

کل منقی آل مین دیب ایدی رسول
ای قل احمد بو حدیث نی قیلغیل قبول
سویری خلقی قبول قیلمای بولدی ملول
جاهل خلقی پیر قدرینی قاچان بیلور

(۶۲)

حکمت

عارف عاشق جان ملکیده الم تارتسه

اون سيكز مينك قاموغ عالم غلغل بولور
كونكل قوشى شوق قناتين توقوب اوچسه
جمله وجود يادين سيرار بلبل بولور

محبت نى ميدانى غه اوزين سالسه
معرفت نى ميدانى غه اوزين اورسه
سر شرايين ايچيب عاشق روحى قانسه
مودت نى كلزاريده خوش كل بولور

ايرانلار حق ياديدين غافل بولماس
رجال لا تلهيهم دير خالق الناس
ايران يولين توتقان هرگز يولده قالماس
اول حضرتده سر اسرارى مقبول بولور

الست خميرن كيمكا بيرسه اوشال ساقى
بلا مدام ايچيب اسرو منكو باقى
تنين، جانين كويدوروب شوق احراقى
ايچيدين كويار ياقيلور هم كل بولور

ظاهرين آتى برلان بزه كانلار
باطن لارين آتى برله توزه كانلار
شوق اوتى نى ايچ كونكل كا كيزاكانلار
ماسوى برلان قاچان مشغول بولور

طريقت دور بو يول آتين بيلسه درويش
معرفت نى متاعيدين آلسه درويش
اوزكا يول لار باد هوا سانسه درويش
حقيقت نى ميداننده اير اول بولور

قانتغ لانيب قول خواجه احمد يولغه كيركيل
قولنى كورسنگ قولى بولوب معنى سوركيل
يا الهيم روزى قيلسه معنى آلكيل
معنى سوراب معنى ألغان چين قول بولور

(۶۳)
حكمت

سبحان ايديم بنده سيغه لطف ايلاسه
ايچى ياروب ناشى كويوب بريان بولور
پير ايتاكين توتوب عاشق يولغه كيرسه
حقنى ايزلاب ايكى كوزى گريان بولور

جاندين كيچماى عشق سرينى بيلسه بولماس
مالدين كيچماى من - من ليكنى قويسه بولماس
سومى بولماى يالغوز اوزين سويسه بولماس
انداغ عاشق ايل كوزيدين پنهان بولور

جانينك قيناب ز قوم چيناب عاشق بولكيل

ياشينك توكوب كوزونك سولاب صادق بولكيل
اندين كين دركاهى غه لايق بولكيل
جانينك بيرسنگ رحم ايلاسه جانان بيلور

عشق يوليده كيچه - كوندوز بيغلاغانلار
جاندين كيچيب بيلين محكم باغلاغانلار
خدمت قيليب حق سرينى آنكلاغانلار
تون اويقونى حرام قيليب نالان بولور

وا دريغا عشق يوليده جانم بيرماى
غواص بولوب دريا ايچره كوهر تيرماى
حقدين اوزكا غغلت لارنى يراق سالمى
تانكلا بارسه ندامت لار چندان بولور

عاشق بولسنگ بايزيدديك اوزونك ساتقيل
والله، بالله دنيا حرام تاشلاب آتقيل
قانلار توكوب كوزلارينكدين تونلار قاتقيل
بير لحظه ده شيطان ملكى ويران بولور

تانك آتقونچه ذكريز ايتكيل جانينك برله
تاغ - چول نى بستان قيلكيل قانينك برله
تاشدين قاتغ تاشقه ياتقيل يانينك برله
يولدين آزغان يوزمينك غافل مردان بولور

تاشدين قاتغ ناشنى سوزكان بى خبرلار
عقبى ايشين آرقه تاشلاب دنيا ايزلار
آيت - حديث بيان قيلسام قاتغ سوزلار
ظاهر آدم باطن لارى شيطان بولور

ذكرين آيغيل قانلار آقسون كوزلارينكدين
حكمت آيغيل، درلار تامسون سوزلارينكدين
كل لار اونسون هر بر باسقان ايزلارينكدين
كل كا باقسنگ كل آچيليب بوستان بولور

سحرلارده ايرته توروب قانلار يوتكيل
پير مغان ايتاكي نى محكم توتكيل
حقه عاشق بولغان بولسنگ جاندين اوتكيل
جاندين كيچكان چين عاشق لار عريان بولور

بو دنياده فقيرليق نى عادت قيلكان
خوارليق تارتيب مشقت نى راحت بيلكان
قول خواجه احمد يخشى لاركا خدمت قيلكان
قيامت كون انداغ كشى سلطان بولور

(۶۴)
حكمت

تجلى نى مقامى دور عجب مقام

اول مقامه عاشق قول لار جولان قیلور
قی کونکل کا تجلی سین پرتو سالیسه
بیخود بولوب اوزین بیلمای افغان قیلور

اول مقام نی یول لارینی رهزنی بار
قلاوزسیر یولغه کیرسه یولدین آزار
وسواس ایلاب شیطان لعین دینین بوزار
اون یولیغه سالیب آنی حیران قیلور

اول مقام بیلدورکالی رهبر کراک
طریقت نی بیشه سیده صفدر کراک
اوشبو یول نی ضبط ایلاکان سرور کراک
انداغ مرشد اوجماق ملکین طیران قیلور

اول مقام غه بینکان عاشق شراب ایچار
خانمانین برباد بیریب جاندین کیچار
شوق قناتین حضرت نبا توقوب اوچار
عرش، کرسی، لوح، قلم طیران قیلور

دیدار تیلاب ترک ایلاسنگ ماسوانی
اولماس بورون وجودینکنی ایلا فانی
وَأَنْهَارٍ مِنْ عَسَلٍ مُصَفَّاءٍ
اوجماخنی خاص قولی غه احسان قیلور

اول مقام نی توحید ألمیغ درختی بار
سایه سیده عاشق قول لار براق سوار
هر بر شاخی مینک بیل چیلیق یول نی توتار
هر قایسی سی اوز اوزیکا عنوان قیلور

اول درخت نی میوه سیدین تاتقان قول لار
دنیا سینی آخرت قه ساتقان قول لار
کور ایچنده آسایش ده یاتقان قول لار
سحرلارده کوز یاشینی عمان قیلور

همت قورین قول خواجه احمد بیل کا باغلا
محبت نی اوتی برله یورک داغلا
یقام توتوب تانک آنقونچه تینمای یغلا
شاید منکا رحم ایلابان جانان قیلور

(۶۵)
حکمت

محبت سیز خلیقیدین هر کیم قاجسه
عارفلارنی صحبتیدین جولان قیلور
اورتاب کویوب عشق یولیده یاشین ساچسه
سبحان ایکام عرش اوستیده مهمان قیلور

بندم دیکای کویکان لارنی سویوب الله

حق کورسانکای دیدارینی والله، بالله
قایده بارسه تسبیح لاری شیناً لله
هر نه تابسه حق یولیده احمان قیلور

ذاکر بولوب ذکرین ایتسه کیلکان ندا
شیطان لعین بیتمیش فرسنگ بولغای جدا
دردی بولسه حق دردیغه بیرکای دوا
انداغ قولنی اوزی ایزلاب جانان قیلور

تون سحر لار حق اویغاتیب قان بیغلانار
بیدار قیلیب اوز عشقی غه بیل باغلانار
دواسی یوق دردنی بیریب زار اینکراتار
مونده بیغلاب انده بارسه سلطان قیلور

حقه عاشق بولغان قول لار دایم بیدار
رضوان ایماس مقصودلاری ایرور دیدار
اهل عیال خانماندین بولور بیزار
اسماعیل دیک عزیز جانین قربان قیلور

دیوانه ژولیده مو حقنی تاپقان
شمشیر حق قولغه آلیب نفسنی چابقان
قایده بارسه کوزنی یوموب سرنی تاپقان
انداغ سرنی تاپقان کشی مردان بولور

شیخ مین تیو باش کوتارکان حقه رقیب
من لیک قیلیب سبحانی غه بولماس حبیب
بیدار بولوب دردسیر لارکا بولغان طیب
بو دنیانی مؤمن لار کا زندان قیلور

ای مؤمن لار طاعت قیلیب طایانمنک لار
امانت دور عزیز جانغه اینانمنک لار
حرام حریش بیغمیش مالغه اینانمنک لار
مال لارینکنی قریش آتلیغ بیلان قیلور

بو دنیاغه بنا قویغان قارون قانی
دعوی قیلکان فرعون بیلله هامان قانی
وامق، عدرا، فرهاد، شیرین، مجنون قانی
قهر ایلاسه بیر لحظه ده یکسان قیلور

هیچ بیلدینکمو آدم اولمای قالغنی نی
بو دنیانی وفاسینی بیلکانی نی
دنیا طلب بوی خدا آقانی نی
الله دیسنک کوز یاشینکنی باران قیلور

عشق دردیغه دوا سورغان حاضر تیلبه
ظاهرده یوق باطن ایچره قیلور جلوه
مغز سرینک بغرینک ایچره قیلور غلبه
عشق دردیغه دوا قیلسه رحمن قیلور

Кимн کورسنک بو يول لارده يالغان عاشق
ظاهر صوفى باطن ايچره ايرماس صادق
انينک اوچون معشوقیغه بولماس لايق
يالغانچی نی روز محشر سرسان قیلور

تن سوز لامس، جان سوز لامس ایمان سوز لار
جاندين کيچکان چين عاشق لار حقنى کوز لار
عارفلارکا خدمت قیلیب یولین توز لار
اول عاشق نی خلیققه سلطان قیلور

عاشق بولسنک کیچه - کوندوز عشق استاکیل
طاعت قیلکیل کیچه قویوب هیچ یاتماکیل
عاقل بولسنک نادانلارکا سن ایتماکیل
چین درویشلار طاعت لارین پنهان قیلور

درویش بولسنک طاعت قیلکیل قیلمه ریا
هر کوشه ده طاعت قیلکیل تنکر یم کواه
يالغان درویش قایده بارسه رزق و دعا
عادل پادشاه طاعت لارین عصیان قیلور

وای اوشنداغ درویش لار دین پناه بیرکیل
اول نادانغه الفت قیلماي جانیم آلکیل
ایا محبوب یولده قالدیم یولغه سالکیل
توبه لیقنی خواجه جاین بستان قیلور

درویش مین ديب طاعت قیلور خلق ایچنده
ریا قیلیب یوکوروب یورار انده مونده
الله اوچون طاعت قیلکان درویش قنده
چین درویشلار تاغ - چول نی مکان قیلور

عاشق بولسنک عشق یولیده فنا بولکیل
دیدار ایزلاب حسرتیده ادا بولکیل
مرهم بولوب چین دردلک کا دوا بولکیل
خلق خوشنی جان آورده آسان قیلور

عاشق لاری حقه باقیب نعره تار تار
محبت نی دریاسیغه چوموپ باتار
کوهر آلیب معشوقیغه رازین ایتار
قطره یاشی بیرکا تامسه عمان قیلور

عاشق لارکا بیردی مشقین کویدورکالی
زلیخادیک قدین دوتا قیلدورکالی
ریاضت رنگ - رویین سولدورکالی
چین عاشق نی رنگ - رویین سامان قیلور

عاشق لاری حق قهریدین قورقوب تترار
بیر و کوکده ملایک لار بیغلاب تورار

کاهی قیزیل، کاهی سریغ بولوب یورار
نالہ قیلیب بیر و کوکنی لرزان قیلور

عاشق لارنی خاص معشوقی سحر خیزلار
ندا قیلکای یا عبدی ديب باطن کوز لار
عشق شدتی طغیان قیلسه دردی زور لار
قایده سیندیب یورک بغرین بریان قیلور

قایده سیندیب، قایده سین ديب عاشق ایتار
عاشق لارده حدنه بولغای معشوق ایتار
آغزی ایتمس، تیلی ایتماس دلی ایتار
اوچ یوز التمیش تمورلاری لرزان قیلور

عاشق لارنی قیامت کون حالین سورکای
چین عاشق نی کوکسین یاریب داغین کورکای
پاک آغزیدین کفکی آقیب یوکروب یورکای
کیمکا بیرسه پاک عشقی نی خیران قیلور

عاشق لارنی، طلب لاری جام شراب
معشوقیغه بیتماک اوچون بغری کباب
روح لارینی غذاسی دور چنک، رباب
آهی چیقسه بییتی اقلیم ویران قیلور

قدرت برله هر نه قیلسه ایرک لیک اوزی
قدرتیدین معلوم تورور قیش و یازی
ای نا انصاف الله بيله قیلمه بازی
قهار اکام جانلیغ لارنی بیجان قیلور

بیغلامقنی هر آدم غه بیرکان قانی
بیغلاماق لیغ آسان ایماس بغرقانی
کوز یاشینکنی ریا قیلمه حقنی تانی
حق تعالی سیرکان لارنی کریان قیلور

قرل خواجه احمد بنده مین ديب اورمکیل لاف
ریا برلان قیلغان طاعت بارجه کذاب
شریعتده طریقتده کارینک خلاف
آخرته کذابلارنی عریان قیلور

(۶۶)

حکمت

محبت نی بوستانیده هزار داستان
بلبل لاری سیرار انده افغان قیلور
معرفت نی میدانیده جولان قیلغان
کیچه - کوندوز کوز یاشینی عمان قیلور

اول بلبل نی آوازینی ایشتنکان لار
تکبرنی تاغین کسب اوشاتکانلار

بو دنيانى مزا سيني اونوتقانلار
فرياد اوروب بيغلاب كوزين كريان قيلور

عاشق قول لار بو دنيانى كوزكا ايلماس
دنيا عشقين زاهد قول لار تيل كا آلماس
كيچه - كوندوز مست و حيران اوزكا كيلماس
ديدار تيلاب كوكسين تيشيب نالان قيلور

وا دريغا كيچتي عمروم تويماي قالديم
را حله سيز يولغه كيريب هاريب قالديم
همت قوري بيل كا محكم چاليب آلديم
اوزي سويكان عاشق لارين سرسان قيلور

ايا عاشق كيچه - كوندوز تينماي بيغلا
كويوب پشيب يورك بغرينك ايزيب داغلا
اجل بيتسه مردانه وار بيلينك باغلا
مونداغ عاشق بارسه انده مهمان قيلور

شيخ منصور اوز باشيني دارده كوردى
پر تو سالدى حق ديدارين انده كوردى
بيخود بولوب اوزين بيلماي افغان قيلدى
واشوقا ديب اوزين بيلماي جولان قيلور

شيخ شبلى عاشق بولوب بيلماي اوتى
شيخ بايزيد بيتميش يولى اوزين ساتدى
بو دنيانى عزت لارين تاشلاب آتى
اوتكان ايشقه ندامت ديب افغان قيلور

انداغ ايلار صحبتى نى تابقان كيشى
مست و حيران بولوب بورار ياز و قشى
سحر لارده چار ضرب اورمق آنى ايشى
ظاهر خنده باطن لارين پنهان قيلور

مونداغ بولماي حق وصلى غه بيتيب بولماس
رسوا بولماي سردين معنى آليب بولماس
هو ذكرىنى ايتيب دايم تيلدين قويماس
وهى برلان دل لاريني لرزان قيلور

قول خواجه احمد بو حكمت نى كيمكا ايدينك
عارف مين ديب خلايقغه اوقوب ياپدينك
تأثير قيلماس عالم لار غه ايغان پنمدينك
عارف اولدور تن ملكى نى ويران قيلور

(۶۷)

حكمت

محبت نى درياسيده غواص بولوب
معرفت نى كوهريني آغوم كيلور

طريقت نى ميداننده پرواز قيبليب
اون طوبى درختى غه قونغوم كيلور

اول طوبى درختى نى ايكسه بتماس
الله ديكان عاشق قول دين تقصير كيلماس
چين عاشق ايران هرگز يولده قالماس
عاشق بولوب الله يادين ايغوم كيلور

عاشق قول لار حق ياديدين خالى ايماس
حقيقت ليغ بو دنياغه ميل قيلماس
چين عاشق لار دنيا عقبين هرگز آلماس
من تقى بو دنيانى قويغوم كيلور

تجلى نى نوري برلان عقلى شاشقان
الله تيو كونك باغلاب طور غه آشقان
محبت نى اوتى برلان قيناب تاشقان
من تقى الله تيو بارغوم كيلور

الله يادى كونك لارنى قيلدى خرم
بلخ ملكى نى تاشلاب كليم كيدى ادهم
كليم كيب هدايت كا اوردى قدم
هدايت كا انداغ قدم اورغوم كيلور

كليم كيكان اول عزيزلار حقه ياقار
جون سرلارى دوكان ايچره حقنى تاپار
آه لاريدين تليم تاغ لار سيزيب آقار
سليم بولوب اول كليم نى كيكوم كيلور

سليم بولوب صاف بولدى جنيد شبلى
نفسين تيغيب قهر قيلدى حسن بصرى
خلق نى قويوب فنا بولدى ذوالنون مصرى
عزيز لاركا متابعت قيلغوم كيلور

الله يادى تكبرنى اويين بوزدى
مشايخ لار بو حلقه نى كوركلكوك توزدى
چون هو ديديم معصيت لار توزكا توزدى
من هم تقى اول حلقه ده بولغوم كيلور

شوق شرابين ايچتيم ايرسه قيلدى خراب
محبت نى اوتى برلان بغريم كباب
ديداريني روزى قيلسه ايديم وهاب
دارالاسلام سرايى غه كيركوم كيلور

قول خواجه احمد كوهرينكليغ حكمت ايدى
عزيز لارنى مدح برلان سوزين يايدي
اوزون تون نى كون كا اولاب قيام توردى
دعا اوقوب روان حكمت ايغوم كيلور

(۶۸)
حکمت

қайо бйрде عزیزلارنى جمعى بولسه
اوشال بىرده حال علمىنى ايغوم كيلور
آلارنى صعبتىنى خوشلاسّم مين
اوزومنى اوزلاريغە قاتقوم كيلور

خوش صحبت ليغ درويش لاركا جانيم بىرسام
هر بر باسقان ايزلارنى كوزكا سورسام
خدمت قىليب يخشيلاردىن دعا آلسام
اندىن سونكره شوق شرايين تاتقوم كيلور

شوق شرايين ايچكان قىلور دنيا طلاق
خضر بابام كيليب آنكا بيروور سباق
دنيا تيغيب قىليب يوركيل يوز مينك طلاق
شونداغ ايركا عزيز جانيم بير كوم كيلور

وا دريغا خوبلار همه بيغلاب اوتى
اناسيدىن توغدى ايرسه ماتم توتى
كوزوم يوموب تا آچقونچه عمرىم اوتى
بو دنيانى پوچك يلغه ساتقوم كيلور

تېلى برله امت مين ديب يالغان سوزلار
كيشى مالين آماق اوچون هزيان سرزلار
حلالىنى مونده تاشلاب حرام كوزلار
نادانلارغه بو سوزلارنى ايغوم كيلور

زمانه آخر بولسه عاقل كيتكاي
آدم اوغلى بر - برينى توتوب بيكاي
دنيا اوچون ايمان اسلام دينين ساتغاي
عاقل لارغه بو سوزلارنى ايغوم كيلور

ملائك لار بيغليب بو كون صحبت قوردى
رقص سماع اورمق اوچون يوكوروب يوردى
معراج اوزره حق مصطفى موني كوردى
ايمدى مين هم رقص سماع اورغوم كيلور

حق مصطفى بيخود بولوب اوزدين كيتى
جبريل كيليب حق مصطفى باشين توتى
سبحان ايكام قدرت بيلان ذكر اوركاتى
امت بولسام مين هم ذكرين ايغوم كيلور

عاشق بولسنگ كوز ياشينكنى ساحيب يور كيل
بايز يديك دنيا عقبين تيغيب يوركيل
ادهم صفت تخت بخت دين كيچيب يوركيل
همت بيرسنگ دنيا عقبين تبكوم كيلور

قول خواجه احمد دنيا كورسنگ زينهار قاقچيل
ذكرين ايتيب طريقتنى يولين آچقيل
آيت - حديث سوزى برله دينار ساچقيل
ايرانلاردىن دُر و گوهر آغوم كييور

(۶۹)
حکمت

محبتنى بوستانى غه بلبل كىي
سحرلارده ناله ايلاب قونغوم كيلور
اوشل وقت ده الهيمنى جمالىنى
معنى كوزى برله عيان كوركوم كيلور

مردان ايرور حق يولىنى باشرچى لارى
مريد برله خدا آرا ايلچى لارى
وحدانيت درياسينى يولچى لارى
آستانه ده باريب دربان بولغوم كيلور

حق وصالين تىلاكانلار تونى - كونى
تينماي جاني برله ايتور ذكر هونى
حقدىن الهام يتيب كيلور بيلسنگ موني
آخرتنى آزوقىنى آغوم كيلور

مَوَدَّتْ نى عصاصينى الكا آليب
سعادتتى خرقة سيني تن كا ساليب
محبتنى يونكى برلان قناتلانيب
معرفتنى بوتاغى غه قونغوم كيلور

ايلانلار بارچه باروب بولدى مزار
قاتيغ لانيب اى دوستلاريم بولكيل بيدار
موسى صفت طور تاغيده كوروب بيدار
رَبَّ أَنْظُرُ إِلَيْكَ ديب ايغوم كيلور

وا دريغا ايسز عمروم بىرديم يل كا
عبادتدين هيچ نيمه يوق باقسم قول كا
قوللوق قورين هيچ باغلاديم ايمدى بيل كا
همت قىليب بير خدمتين قىلغوم كيلور

قول خواجه احمد دون اهلى دين بيل ايرمس اول
رياضت سيز هيچ عالمين كور كوزمس اول
الله ديمك مؤمن قول غه عار ايمس اوار
حق ياديغه جانيم قربان قىلغوم كيلور

(۷۰)
حکمت

ايا دوستلار عشق غواصى بولماكونچه
وحدانيت درياسيغه كيرسه بولماس

اول دريانی کوهريدور حق وصالی
جاندين کيچيب کيرمکونچه کورمه بولماس

همت قورين جان بيلى غه محکم چالماي
ماسوانی محبتين اوزدين سالمای
کوز ياشينی نیاز ايلاب رازين ايتماي
اسرار يولين مردان لاردين بيلسه بولماس

يُحِبُّهُ شَرَابِي نِي اِيچماکونچه
وَ يُحِبُّونَهُ لِبَاسِينِي كِيماکونچه
رياضت نى پوته سيني بو غماغونچه
حق جمالين مرادينچه کورسه بولماس

لِي مَعَ اللَّهِ مَقَامِي غه بارماکونچه
أَنْ تَمُوتُوا سَرَايْغِه كيرمکونچه
فَنَا فِي اللَّهِ دَرِياسِيغِه چومماغونچه
بِقَا بِاللَّهِ كوهريددين آلسه بولماس

شر يعت نى سلاحي نى كيماکونچه
طريقت نى براقى غه مينماکونچه
جذب جنون عالمى غه بارماکونچه
حقيقت نى ميدانى غه کيرسه بولماس

مردانلارنى مرادى دور حق دیدارى
حق دیدارى کيراک بولسه بول بیدارى
قول خواجه احمد سحر وقتيده قيلغيل زارى
بیدار بولماي حق جمالين کورسه بولماس

(۷۱)
حکمت

ايا طالب جفا چيکيب يولغه کيرکيل
جفا چيکماي يولغه کيرسنگ وفا بولماس
جفا چيکماي آخرنده يوقتور راحت
جفا چيکماي کوزونک ياشى ضيا بولماس

کيمنى کورسنگ قولى بولوب خدمت قيلکيل
رحم ايلابان غريب لارکا شفقت قيلکيل
عالم لار کيلسه توروب عزت قيلکيل
نا جنس لارده ذره هرکز وفا بولماس

غريب لارکا رحيم قيلماق رسول ايشى
غريب لارنى کورکان بيرده آقار ياشى
غريب لارکا کوپار دايم ايچى. ناشى
غريب لارنى دعاسيديك دعا بولماس

مدينه کا رسول باريب بولدى غريب
غريب بولوب حقه آخر بولدى قريب

رحمن ايکام دیدارینی قبلدی نصیب
چين دردليک کا غريب ليک ديك دوا بولماس

امت بولسنگ حق رسولغه تابع بولکيل
اتى چيقسه درود ايتيب تعظيم قيلکيل
غريب بولوب غريب لاردين معنى آلکيل
غريب بولکيل غريب لارديک کدا بولماس

غريب لارنى کورکان بيرده اغريتمنکيز
غريب لارغه آچيغ لانيب سوز قاتمکيز
ضعيف کوروب غريب لارغه تاش اتمکيز
بو دنياده غريب ليک ديك بلا بولماس

شام غه توشوب غريب بولدر حکيم اتا
بيغلاي - بيغلاي قدى آنى بولدى دوتا
ايزيم قيلکاي جمله قول غه ايمان عطا
چين غريب نى قدى هرکز دوتا بولماس

ترکستانده غريب بولدى قول خواجه احمد
آنينک اوچون حق رسول غه بولدى امت
ايچميش، ييميش نعمت لارى قايغو محنت
تن پرست دين حق تعالى رضا بولماس

(۷۲)
حکمت

عشق دعوى سين قيلکان عاشق کريان بولور
بو دنيانى غربتى دين اولسه بولماس
هوشى کيتيب بغرى آنى بريان بولور
حيا کيتيب پرده سيني ترسه بولماس

بو دنيانى عشرتى دين کيچکان کشى
بيخود يورار تينماي آقار کوزدين ياشى
واله بولوب حيران يورار ياز و قيشى
وحشى ينکليغ ايلدين چقار يورسه بولماس

کيچه - کوندوز کوزده ياشين ژاله قيلکان
فرياد اوروب سحرلارده واله بولکان
کوکسين تيشيب چار ضرب اوروب ناله قيلکان
مونداغ ايرنى درکاهيدين کيتسه بولماس

کيچه توروب يرماي تينماي بيغلاکانلار
عشق اوتى عه يورک بغرين داغلاکانلار
رسوا بولوب سردين معنى انکلاکانلار
خلق ايچيده رسوا بولوب يورسه بولماس

الله يادين ايتيب يوروب زارى قيلکان
کوزده ياشين آقوزوبان جارى قيلکان

سرسان بولوب قباب برله يوروش قيلكان
آنداغ ايردين جدا بولوب يورسه بولماس

عاشق لاری دایم مدام حقنی ایزلار
ظاهر یوزوب باطننده عرشنی کوزلار
طالب لارکا آیت حدیث سوزین سوزلار
سر سوزینی نادانلار غه ایتسه بولماس

قایدہ بارسه عشق دوکانین انده قوردی
لیلی مجنون بو دنیانی دورین سوردی
شیخ منصور انالحدق دیب غوغا قیلدی
آنداغ عاشق بولدی کورونک بشر حافی
ایر اول ترور و عده سیده بولسه وافی
وفا قیلکان ایرانلار دین یانسه بولماس

سر دین معنی تویماکانلار بیکانه دور
اول عاشق لار مکانلاری ویرانه دور
قایدہ بارسه همخانه سی جانانه دور
تونلار قویماق عاشق مین دیب یورسه بولماس

غواص بولمای کوهر اوچون دریا چومماس
جاندین کیچمای جرمغونچه هرکز آلماس
بیر قطره غه قانع بولمای اول در بولماس
قانع بولمای شوق شرابین ایچسه بولماس

قول خواجه احمد لاهوت ارا مقام توتمای
فَنَّا فِي اللَّهِ مَقَامِدِينَ يَلِيْبُ اَوْتَمَاي
بیر مغان قطره سیدین جرعه بوتمای
لِي مَعَ اللَّهِ مَقَامِي غه بییتسه بولماس

(۷۳)
حکمت

معرفت نی منبریغه مینماکونچه
شریعت نی ایشلارینی بیلسه بولماس
شریعت نی ایشلارینی ادا قیلمای
طریقت نی میدانی غه کیرسه بولماس

طریقت ده تورلوك ادب بیلماکونچه
نفسی برله محاربه قیلماکونچه
عشق یولیغه اوزین لایق ایتماکونچه
حقیقت نی سرلارینی بیلسه بولماس

شریعت ده مراد اولدور یولغه کیرماک
طریقت ده مراد اولدور نفسدین کیچماک
حقیقت ده عزیز جان نی فدا قیلماک
جاندین کیچمای عشق شرابین ایچسه بولماس

بو ریا بولمای شیخ مین دبیان دعوی قیلکان
اوزی قیلمای خلق لار آرا و عظیم ایغان
سوزی یالغان دنیا اوچون عمل قیلکان
دنیا قویمای حال علمی نی بیلسه بولماس

ایرانلار اوشبو یولغه قدم اوردی
مجاهده مونکی برله عمل قیلدی
مکاشفه باطن ایچره معلوم بولدی
مونداغ بولمای درکاهی غه بییتسه بولماس

نی عمل دور ایرمن تیو دعوی قیلماق
سجاده نی خلق لار آرا تورکا سالماق
اوزی بیلمای بو معنی کا نفسین اورماق
غواص بولمای در کوهرنی آلسه بولماس

وحدانیت کیمه سینی سرین بیلمای
عشق اسرار سوزلاریدین خبر آلمای
تجریده، تفرید ایشلارینی ادا قیلمای
او توحیدنی میوه سیدین آلسه بولماس

قول خواجه احمد تجریده، تفرید امید قیلغیل
مصطفی نی سورلاریغه عمل قیلغیل
توبه دبیان تونلار قوبوب زار اینکر اکیل
زار بیغلامای دیدارینی کورسه بولماس

(۷۴)
حکمت

محبت نی دریا سیغه جوماغونچه
ار دوستلاریم عشق کوهرنی آلسه بولماس
تانک آتقونچه فریاد اوروب زار اینکر امای
صرآف بولوب عشق در دینی بیلسه بولماس

عشق در دینی بیلکان کیشی دنیا تبار
ایرانلارنی ایزین آلیب تینمای اوپار
محبت نی شوقی برلان یاشین سبار
یاشی آقمای ریاضت ده سولسه بولماس

حقه عاشق درویش لاری سنک محک
بو عالمده مکان قیلماس جانی فلک
نفسی اولوک، کونکلی تیریک مثل ملک
مونداغ بولمای سردین بهره آلسه بولماس

جاندین کیچیب باش اوینمای خالص بولماس
تیریک اولمای مجازیغه راس سورلاماس
حقیقت نی شاهی برله راز ایتماس
خالص بولمای دنیا عقبین سالسه بولماس

عاشق بولماي حق ديدارين كورسه بولماس

اخلاص كيراك ايا طالب عاشق بولسانك
جاندين كيچيب محنت تارتيب صادق بولسانك
اندين سونكره دركاهي كا لايق بولسانك
لايق بولماي ديداريني كورسه بولماس

(۷۵)

حكمت

دوستلاريغه آچديم ايذيم كوهري ني
اسان ليق برله او كوهردين السه بولماس
جفا چيكمار محنت تارتمار خدمت قيلماي
اوشبو پيرني سرايي غه كيرسه نولماس

عاشق لاركا درد و بلا آفت كيراك
حقدين بيزارتن بيرور غه راحت كيراك
ملاحت كا اهانت كا طاقت كيراك
طاقت قيلماق حقه عاشق بولسه بولماس

عشق سيزلارني كوردوم دوستلار حيران يورار
مؤمن مين ديب ايمانلاري ويران يورور
روز محشر ديدار كورماي سرسان يورور
پير مغان نظر قيلماي كورسه بولماس

عاشق قول لار خله براق منار
حور و قصور اونك سونك فرشته لار
اول براقه باتيب آنده حيران قالار
عاشق بولماي اول براق قه مينيب بولماس

عاشق لاري محنت استاز جاندين بيزار
روزه، نماز تسبيح لاري پروردكار
تينماي كويار طاعت لاري حق سين ديدار
يار استماي بنده مينديب تورسه بولماس

رحمان ايكام رحم قيليب كيركوز يولغه
رحمتينكدين مژده بيركيل عاصي قول غه
بولدين آز غان قول لارينكني سالكيل يولغه
قلاوزسز اوشبو يولغه كيرسه بولماس

طريقت ني شوقي ذوقي كويماك يانماق
حقدين قاجقان ناجنس لاردين قاجيب تانماق
يوز مينك تورلوك جفا تيكسه بويون سونماق
بويون سونماي عشق دوكانين قورسه بولماس

محبت ني درياسيغه جوموب باتقيل
عاشق لارني صحبتي غه اوزونك قاتقيل
محبت ني بازاريغه اوزونك ساتقيل
عاشق لارني معبتي تنه اوزونك قاتقيل
محبت ني بازاريغه اوزونك ساقيل
اوزين ساتماي حق رحمتين آسه بولماس

نادان كيم ديب سورسه ايتينك بيخير لار
حقدين قورقماي ناجسن لارني سوراب ايزلار
آيت حديث بيان قيلينك قاتيع سوزلار
همدم بولوب نادان برله تورسه بولماس

ايرانلارني ايزين ايزلاب يولغه كيرسنك
كيچكيل فاني دنيا سيدين چين قول بولسنك
قلاوزسيز اوشبو يولغه كيرار بولسنك
ايزلاب آني تابماغو نچه كيرسه بولماس

زينهار - زينهار قاجيب يوركيل بولسه نادان
حق ياديني ايتسه هر كم اوشل مردان
جان ني جانغه پيوند قيلسه اوشل ايشان
اورسه سو كسه اول عزيزدين تانسه بولماس

محبت ني درياسيغه آچكيل كورني
توبه قيليب حق يولغه آلكيل اوزني
محبت ني درياسيغه سال كيل اوزني
توبه قيلماي بو سوداني قيلسه بولماس

تيرك دور اول عزيزدين اولوش آلينك
ياستانييان آستانه سين يولي سورينك
يول كورساتسه جان دل ني برباد بيرينك
برباد بيرماي عشق يولغه كيرسه بولماس

شريعت نينك ميدانيغه اوزين سالماي
طريقت نينك بوستانيده جولان قيلماي
حقيقت نينك درياسيدين كوهر آلماي
معوفت آدابيني بيلسه بولماس

عاشق لارني خلق ايچينده سرّ پنهان
آهي سردى كوك كا يتار رنكي خزان
كوزي كريان، بغري بريان خانه ويران
مونداغ بولماق حق يولي ني بيلسه بولماس

قول خواجه احمد حق يوليده تور غيل مدام
عاشق لاركا درمان بيركيل على الدوام
عاشق لارني آرزوسيدور دار السلام
عاشق بولماي دار السلام كيرسه بولماس

قول خواجه احمد زاهد بولمه عاشق بولكيل
بو يول لارده بي باك يورمه صادق بولكيل
ليلي - مجنون، فرهاد - شيرين، وامق بولكيل

(۷۶)

حکمت

كل من عليها فان آيتنده
بیر خدادین اوزکا مخلوق اولار ایرمیش
اسرافیل صورین آلیب هورکاننده
کوردین ینه تیر کوزوبانقویار ایرمیش

ایلیک مینک بیل باشنده تورکاننده
آندین کین عرصاتکا سورکاننده
بیلانک باش و بیلانک ایاغ یورکاننده
آدم اوغلی بیهوش ینکلیغ بولار ایرمیش

اول حساب ایلاکای طهارت دین
ایکنچی حساب ایلار نمازینکدین
اوچونچی حساب ایلار حلال - حرامینک دین
مین مین دیکان حیران بولوب قالار ایرمیش

حاب ایلاب یوروتکایلار محشر ساری
خلایق لار قدم اورکای ناجار باری
معاینه انده کورکای دوزخ ناری
الامان دیب اوکروشوبان تورار ایرمیش

جمله امت یوز یکرمه مینک صف بولغایلار
اطر افیدین فرشته لار صف توزکایلار
اَیْنَ الْمَقَرِّ نَدَاسِیْنِی بِنْتِکُورْکَیْلار
قاجنب قوتولوب بولماس دیبان ایتار ایرمیش

اول وقتده ندا کیلکای و امتازوا الیوم
اوشل کونده دستکیر بولغای نماز - صوم
عقل هوشینک کیتب اندر قالمکای فهم
تیل لال بولوب سوزلا یالمای قالار ایرمیش

بارجه خلقلار آدم آتا سری بارکای
ای اتامیز ایمدی بیزنی قوللانک دیکای
نافرمانلیغ میندیپ اوتی فرزند دیکای
ابراهیم کا بارالوک دیب ایتار ایرمیش

ابراهیم کا باریب ایتکای آدم اتا
شفاعت قیل بولارنی سین باریب حالا
اول هم ایتور سیزده نوقرب آدم اتا
موسی سری بارالوک دیب ایتار ایرمیش

موسی دیکای ربّ آرني دیدیم اولکون
خجالت دین چقانیم یوق تا اوشبو کون
بارالوک محتدکا بولوب وارکون
بارجه لاری حضرت ساری بارار ایرمیش

موسی دیکای یا محمد اور غیل قدم

امت لارینک دوزخ ایچره بولدی عدم
محمد هم ابا قیلیب تورکای اولدم
موسی قویمای ایکاولاری بارار ایرمیش

تاجین آلیب کیسو سالیب عرش آستنده
نعره تارتیب بیغلاب تورکای او شل کونده
یا قادرا!، یا غفورا! دیکاننده
یا حبیبیم باش کوتار دیب ایتار ایرمیش

آلیب کیلکیل امتینکنی درکاهمغه
باغشلاپین بارجه سینی من سزلارغه
داخل قیلای جمله سینی جنتیم غه
مونداغ دیبان حقدین ندا کیلار ایرمیش

زافد، عابد، خاص قول لاردین علمانی
آلیب کیلکان درکاهی غه اوشبولارنی
تتکریم ایغای یا محمد عاصی قانی
عاصی لایق ایماس دیبان ایتار ایرمیش

عاصی، جافی لایق دیکای رحمتیم کا
داخل ایتار مین اولارنی حنتیم کا
کناه لارین باغشلاپین بارین سنکا
رسول خرم بولوب یوکوروب کیلار ایرمیش

مومی برلان رسول الله یوکوروب کیلکای
عاصی، جافی امت لاریم یورونک دیکای
کناه لارینک عفو ایلابدی قادر، حی
بهشت ایچره آلدین سالیب کرار ایرمیش

قول خواجه احمد قیامت دین ایدی مونی
حکمت قیلیب خلیقه یایدی مونی
اولوغ - اولوغ کتابلاردین ایدی مدنی
اوقوغاندین دعا طمع قیلار ایرمیش

(۷۷)

حکمت

شریعت کا مرشد بولغان عاشق قول لار
شریعت دین آلور منزلن آلار ایرمیش
نمازیغه شروع قیلغان مؤمن قول لار
اوجماخ اوین امید توتوب تورار ایرمیش

ملك الموت فرمان برله جانیم آلسه
اغا اینی بارجه بیغلیب قویوب یانسه
بییتی قدم باسقان دین سونک خبب بیرسه
منکر نکیر کیریپ سؤال سورار ایرمیش

منکر نکیر سؤال سورور بولسه

اول اوتلوغ عمود برله اورور بولسه
ياشئين ياشناب جان تنيم اوتعه يانسه
قياب جانيم تار لحدده كويار ايرميش

تورت يوز قرق پيغمبر مرسل نبي
قالملديلار بو دنيادين اوتي باري
كل نفس ذا نفة الموت آيتي
قرآن ايچره موتداغ خبر بيرور ايرميش

شريعته دين، طريقت دين بيان قيلدى
حقيقت دين قرآن سوزي كلام بولدى
بول جهان غه محمد نى نوري تولدى
اول نوريلان ايكي جهان يارور ايرميش

خوش دولت دورولايتده پادشاه بولسه
عادل بولوب بير مؤمن نى قاضى تافى قيلسه
اوشل قاضى بارجه ايل نى راضى قيلسه
راضى ليق دين اوچماخ اوين آلا ر ايرميش

مؤمن قول لار نماز اوقوب بولسه فارغ
اول قول نى مونده بولغاي رنكى ساريغ
[اول خدمتدين حق قاشبيده بولوب لايع [لايق
حور قيزلاري قرشو كيليب قوچار ايرميش

جاهل كيشى نماز قدرين قچان بيلور
هر نمازده ايمان باشدين تازه بولور
صلوة ديسه غافل باشين يوركاب اوپور
غافل قول لار عمرين بيل كا ساتار ايرميش

قول خواجه احمد قول من - ديسنك طاعت قيلكيل
قيامت نى كونلاريني ياوق بيلكيل
حقه ياقين بولاي ديسنك جانينك بيركيل
طاعت قيلكان حقه ياوق بولار ايرميش

(۷۸)
حکمت

طريقت كا شريعت سيز كيركانلارنى
شيطان كيليب ايمانى نى آلا ر ايرميش
اوشبو يول نى پيرسيز دعوى قيلكانلارنى
سرسان بولوب ارا يولده قالور ايرميش

طريقت كا سياست ليغ مرشد كيراك
اول مرشدكا اعتقادليغ مرید كيراك
خدمت قيليب پير رضاسين تاپماق كيراك
مونداغ عاشق حق دين اولوش آلا ر ايرميش

بير رضاسى حق رضاسى بولور دوستلار

حق تعالى رحمتيندين آلا ر دوستلار
رياضت ده سر سوزيدين بيلور دوستلار
انداغ قول لار حقه ياوق بولور ايرميش

اوشبو يولغاه اي برادر پيرسيز كيرمه
حق ياديدين لحظه غافل بولوب يورمه
ما سواكا عاقل ايرسنگ كونكل بيرمه
شيطان لعين اوز يوليغاه سالور ايرميش

ايا دوستلار هيچ بيلماديم مين يولوم نى
سعادت غه باغلامدیم مين بيلم نى
ماسوادين هيچ بيغماديم مين تيلم نى
ندان ليقيم ميني رسوا قيلور ايرميش

شريعته نى طريقت نى بيلاي ديسنك
طريقت نى حقيقت كا اولاي ديسنك
بو دريادين دُرّ وگوهر آلاي ديسنك
جان دين كيچان خاص لارى آلا ر ايرميش

عاشق قول لار كيچه - كوندوز هر كز تينماس
بر ساعتى حق ياديدين غافل قويماس
انداغ قول نى سبحان ايكام ضايع نثر يما ر
دعا قيلسه اجابت ليغ بولور ايرميش

واه دريغا كيچتى عمروم غفلت بيلان
سين كيچوركيل كناه لاريم رحمت بيلان
قول خواجه احمد سنكا ياندى حسرت بيلان
اوز اوزيغاه اوزى يانيب كويار ايرميش

(۷۹)
حکمت

عارف عاشق شوقى برله قيامت كون
خدائي غه بحث و جواب قيلور ايرميش
بو عالمده تارتقان جور و جغالارين
كوكسين ياروب حق قاشيغاه سالار ايرميش

بو عالمده قيلدينك ميني خلق غه رسوا
ديداريم نى كورساتاي ديب قيلدينك شيدا
عالم خلقين دشمن قيليب سالددينك غوغا
خدائي غه باريب عرضه بولار ايرميش

ديداريم نى آرزو قيلسنگ كيچه ياتمه
بو دنبانينك طعمه سيدين ذره تاتمه
خالدين سورسه نادانلاركا سرنى ساتما
مونداغ ايرلار فيض فتوح آلا ر ايرميش

ديداريم نى طلب قيلسنگ عرشه باققيل

عرش اوستيده آهنگ برله اوتلار ياققىل
امت بولسنىك محمدغه قپوق قاققىل
سبحان ايكام چين عاشق نى سنار ايرميش

(۸۰)
حكمت

ايشيتيب عاشق رقص و سماع اورغاي
بيتي كوكدن ملايك لار بيغليب كيلكاي
عرش كرسى لوح قلم داد ايلكاي
بير تيبيرانيب حقه زارى قىلار ايرميش

كېلىنىك، يېقىنىك ذاكر قول لار ذكر ايتالوك
ذاكرلارنى خدا بيشك سويار ايرميش
عشق سيزلارنى ايمانى يوق اى يارانلار
دوزخ ايچره تينماي دايم كويار ايرميش

اى بير و كوك! عاشق لاردين حذر قىلىنىك
اوتلوغ آهى چيقار بولسه حاضر بولنىك
كوك كا باقىب نعره تارتسه قورقوب تورينك
بير آه اورسه عالم يكسان بولار ايرميش

محبت ليك عاشق لارنى خدا سو يدى
آنىك اوچون دنيا عقبين طلاق قويدى
جاندين كيچيب ياشين ساجيب عاشق بولدى
روز محشر ديدارنى كورار ايرميش

چين عاشق لار ضعيف بولوب سلام قىلكاي
قدرت بيلان پرده ايچره عليك آغاي
ديدار اوچون كويكان لاريم كيل كيل ديكاي
لطفين كوروب چين عاشق لار تىلار ايرميش

عاشق لارنى چين دوستيغره جاني قربان
شوقى برلان آنى ايزلاب قىلور افغان
عشق سوداسى باشه توشسه خانه ويران
شيدا بولوب آنى ايزلاب يورار ايرميش

صفاً - صفاً عاشق لاركا ندا كيلكاي
يوز يكرمه مينك عاشق تيكين صفى بولكاي
جنت كير ديب الهيم دين ندا كيلكاي
جنت كيرماي ديدارنى كورار ايرميش

عاشق بولسنىك كيچه - كوندوز تينماي بيغلا
بير مغان خدمتى غه بېلىنىك باغلا
كويوب بيشيب دردى برله كوكسنىك داغ لا
داغده كيتكان وصالنى كورار ايرميش

ندا كيلكاي ملايك كا زجر سالكيل
زجر ساليب محشرگاه ده آليب يوركيل
ديدار اوچون كويكان لاريم معلوم قىلكيل
عاشق لارى بيخود بولوب يورار ايرميش

حقنى سويكان عاشق لارى تابتى مراد
يالغان عاشق بولوب بورمه تانكلا، اويات
قىليچ دين تيز قيل كفروك نى آتى صراط
يالغان دعوى قياغان اوتماي قالار ايرميش

ايتكان لارين قىلغان عاشق ديدار كوركاي
واصل بولوب محشر آرا دوران سوركاي
افغانى دين بيتى دوزخ اورناب يانغاي
مالك كيليب قاچغاي تعظيم قىلار ايرميش

عاشق بولسنىك يالغان دعوى قيلمه زنهار
يالغان دعوى قىلغانلاردين خدا بيزار
قهار ايكام قهر ايلاسه آتى قهار
قيامت كون يوزى قرا قوبار ايرميش

عاشق لارنى هيبتى دين مالك قاچغاي
قورقوب باريب دوزخ ايچره اوتلار ساچقاي
وهم برله زهر زقوم تويا ايچكاي
قدرتى غه حيران بولوب قالار ايرميش

عاشق لارى كيچه بيغلاب سحر قوپار
سر شرايين ايچكان عاشق سرنى ياپار
هر كيم سو كسه بلكه تبسه قولين اوپار
انداغ ايرانلار فيض فتوح آلا ايرميش

ملك لاردين عاشقى كوب اى بى خبر
بير آه اورسه عالم بولور زير و زير
زاهد، عابد، سالنك لارين عشق بتر
عشق سيز آدم و الله يولده قالار ايرميش

محبت دين خبر آغان خان نى بيلماس
باشين كيتسه تيارى يوق جان نى بيلماس
عشق كلامى ذوق طعامى نان نى بيلماس
هو - هو تيو ذكرين ايتيب يورار ايرميش

قول خواجه احمد ديدار ايزلاب كدا بولكيل
كيچكيل اهل - عيالنكدين جدا بولكيل
الله حقى بولار دشمن رسوا بولكيل
جدا بولغان ديدارنى كورار ايرميش

عاشق لارنى كوزى كريان، بغرى بريان
پرواسى يوق، ناموسى يوق، يورار عريان
ايل كوزيكا تفرق دين كم سرى پنهان
جاني برله يادين ايتيب يورار ايرميش

توغرى يوركان عاشق لاردين خدا راضى
عاشق لار ايشى آسان ايماس قيلمه بازى
يالغانچى لار عاشق مين دير الله قاضى
ايماننى پوچك پل غه ساتار ايرميش

عاشق ليق نى آسان ايشى باش بيرمك ليك
منصور صغت اوزدين كيچيب جان بيرمك ليك
موتوا قبل ان تموتوا خاك بولمك ليك
عاشق لارى اولماس بورون اولار ايرميش

سودا قيلسنك آخرت نى سوداسينى
باشقه آلمه بو دنيانى غوغاسينى
عمل قيلغيل جنت آلكيل ماسواسينى
جنت آلغان ديداريني كورار ايرميش

قول خواجه احمد! عاشق بولسنگ جاندين كيچكيل
آندين سونكره شوق شرايين تويا ايچكيل
كناهنكى سبك قيليب مونده اوچكيل
عاشق لارى اوچماق ايچره اوچار ايرميش

(۸۱)
حكمت

لما إله إلا الله ديكان قول نى آغزدين
بير باشل قوش بولوبان اوچار ايرميش
قناتلارى توقو غلوق در يا قوت دين
پرواز قيليب عرشدين عرشكا اوچار ايرميش

اول قوشقه قدرت برلان مينك تيل بيركاي
بارچه تيلده اوشال قولنى حقدين قولكاي
ربانى غه چنكالى نى اوروب بولغاي
تونى - كونى يارلقه ديب ايتار ايرميش

ايا دوستلار اوشال قوشنى عياني نى
مين ايتاين سيز تينكلانكبير بياني نى
كوب نادانلار بيلماس اولقوش پاياني نى
قولونك توتوب بهشت ايچره كرار ايرميش

اول قوش ايتور هرگز تينمام مين بر زمان
تا بيرمه قادر منكا دار الامان
هيچ قالمكاي بوكونكلده ذره كمان
آندين سونكره قرار تايبب قونار ايرميش

روزه توتوب نماز اوقوب توبه قيلغان
سحر توروب الله تيو قرلوق قيلغان
مشايخ لار خدمتى نى تمام قيلغان
آنداغ قول لار حق ديدارين كورار ايرميش

بو يسوى مسكين احمد حيران قاليب
لا إله إلا الله نى تيل كا آيب
حق ذكرى نى جان دل غه واصل قيليب
اوچ قوشيني لامكانده كورار ايرميش

(۸۲)
حكمت

محببت دين خبر بيلكان عاشق لارى
الله ديسه توقوز آسمان كويار ايرميش
عرش اوستيدا نعره تارتسه صادق لارى
فرشته لار عزيز جان دين تويار ايرميش

سين عاشق بول پرتو سالور عاشق لار غه
پرده آيب جلوه قيلور صادق لار غه
ديداريني حق كورساتور لايق لار غه
حق تعالى لايق لارنى سريار ايرميش

عاشق بولسنگ شونداغ بولغيل بير سون شراب
صديق صغت خلق غه بينسون بوى كتاب
الله ديسنگ لَيْبِك ديب بيرمون جواب
آنداغ عاشق دنيا عقبين قويار ايرميش

عشقه قدم قويغان عاشق اوزين بيلماس
شيخ بايزيد مريد بولسه قولين آلماس
دنيا كيليب جلوه قيلسه كوزين سالماس
كوز قاندين ساچ و سقال بويار ايرميش

عاشق لار غه بير خدادين اوزكا حرام
رحمتى دين قطره تامسه ايشى تمام
رزق روزى ايزلاماس لار توكل تام
حق ذكرىنى آيته آيته تويار ايرميش

عاشق لارى حق دين قورقوب بولور بيدار
حقيقت ليغ عاشق لارنى فكري ديدار
باش بير ديسه جان و ايمان آنكا طيار
جادين كيچيب حق يولیده اولار ايرميش

لا لا ديكيل عالم سيمي كافر ديسون
كافر ديبان منصور صفت دار غه آسون
باشينك بيركيل ديداريني حق كورساتسون
باشين بيركان حق ديدارين كورار ايرميش

دروازه غه آسيب قويونك جمله كورسون
موى كوروب خلق عالم عبرت آسون
اولوغ كيچيك يول بار غوچى اوروب اوتسون
انا الحق ديب پنها سويونوب كولار ايرميش

خواجه ملا شاه آديغه يغيليپ باردی
كافر منصور اولمادی ديب عرضه قیلدی
رسول شرعی نه بویورسه قیلینك دیدی
ظاهر بین لر شاه غه تعظیم قیلار ایرمیش

شریعت دور ديب عالم لاری بویوردیلار
كافر منصور اولمادی ديب کویوردیلار
آخکر قیلیپ کلین کوککا ساوردیلار
تاغ توزلار انا الحق ديب تورار ایرمیش

شرقی برلان اوت کویوردوب کوککا چیقتی
ملایك لار افغان قیلیپ حقه باقتی
جنت ایچره حور و غلمان قپوق قاقتی
دیوانه لار یا منصور ديب کویار ایرمیش

کلین بیغیب دریا ایچره تاشلا آتی
ز مستانده دریا تاشیب نعره تارتی
شهر خلقی یوکوروب بیلیپ باسی قاتی
جاندین قورقوب داد فریاد قیلار ایرمیش

شیخ ذوالنون شاه منصورنی پیری ایردی
پادشاه یوکوروب ولایت کا خبر بیردی
بر اولیاء بارنوکی ديب زاری قیلدی
شیخ ذوالنون پنھا یوروب بارار ایرمیش

غریب منصور قولاغیمغه بیر سوز دیدی
خاکستر دین بیر کف آلیب مینکا بیردی
دریا تاشسه ا منصور ديب سالینك دیدی
إن شاء الله تاشقان دریا قیتار ایرمیش

پادشاه ایدی حاضر پیریم بارا کورونك
خاکسترین دریا ایچره سالا کورونك
غریب یتیم ایلکین توتوب آلا کورونك
پادشاه وزیر تعظیم ایتیب تورار ایرمیش

شیخ ذوالنون خوب بولوردیب بیردین قوبتی
پادشاه وزیر اخلاص قیلیپ ایزین اوبتی
شیخ ذوالنون دریا سری یوروب بیتی
خاکسترین دریا ایچره سالار ایرمیش

خاکسترین یا منصور ديب سوغه سالدی
قدرت برله دریا قوروب خاموش بوادی
خواجه ملا مونی کوروب شاکر بولدی
ایلکین آچیب شیخ غه دعا قیلار ایرمیش

پادشاه ایدی شهریم یر مین سین کا باری
حضرت پیریم بر قیزیم بار چوری قیلای

اهل - عیالیم، احبابلاریم خادم قیلای
شیخ ذوالنون قبول قیلمای تورار ایرمیش

مین دنیا دین سوی بولغان ایشتیپ پادشاه
ظاهر پادشاه باطن ایچره مین شهنشاه
دنیا عتبین طلاق قویا بولغیل آگاه
کیلکان نذرین خلقه انعام قیلار ایرمیش

ای بیخبر حقه اخلاص قیلما سوسین
مونده اخلاص آنده خلاص بولما سوسین
ایکی عالم خداینکنی بیلما سوسین
بیخبرنی دوزخ ایچره سالار ایرمیش

باطل کوزلار خاص ولی نی تانومس لار
آندین یوز مینك سرلار کورسه اونامس لار
کیم یخشی دور، کیم یمان دور، تانومس لار
اول سبب دین آرا یولده قالار ایرمیش

تازه - تازه حکمت لاریم ثانی دفتر
ایسز سوزوم نادانلار غه قیلور ابتر
بهره آلمای کوندین کونکا بولور بئر
سوزکا بیتمای اوزکا بنا قیلار ایرمیش

لا مکان دین چیقتی روحوم الله دیدی
سلطان احمد ایشتیپ مونی خلق غه یایدی
منکر لاری شك کیلتوردی کوزین اویدی
ناجنس لارنی حق جزاسین بیرار ایرمیش

عاشق لارنی سرین ایتیم یالغانی یوق
یالغان طالب بو یول لارکا کیرکانی یوق
یالغانچیلار حقدین اولوش آغانی یوق
اولوش آغان فقر تونین کیلو ایرمیش

فقیر تونین کیکان عاشق بولور تفریق
زار بیغلابان دیدار یغه بولور مشتاق
ملایك لار آت قویار لار آنکا آفاق
آنداغ عاشق ایلدین قاچیب یورار ایرمیش

نسیمی دیک حقی ایتکیل، تیرینك سویسون
خواجه ملا سامان تیغیب آسیب قویسون
کوزینك یومکیل بو دنیا دین نفسینك اولسونك
کوشت، پوستین حق سوزلاتیب قویار ایرمیش

قول خواجه احمد روحونك ایدی قائلوا بلی
و عده قیلدینك هیچ ایتما دینك حمد ثنا
غضب قیلسه، نه قیلغای سین؟ قادر خدا
یالغان بنده و عده سیدین تانار ایرمیش

(۸۳)
حکمت

Килинк دوستлар барچه تورоб ايتالينك
يادی بيزنی يارو غلوقه تارتار ايرميش
يادی برلان شروع قيلغان عاشق لارني
نيازلاری کوندين کونکا آرتار ايرميش

کيم که ايتسه حق ياديني بغري کويوب
کوز ياشيني باران قيليب رنگي سولوب
اوز ياقاسين يانکلديم ديب اوزی توتوب
آنداغ عاشق سر شرابين تاتار ايرميش

اوشبو يول نی مزاسيني بيلماکانلار
اوز ياقاسين توتوب توبه قيلماکانلار
دنياسیغه مغرور بولوب يوروكانلار
حيوان ايرور بلکه آندين بتار ايرميش

عشق سوداسی کيمکا توشسه خانه ويران
کيچه - کوندوز دیدار تيلاب يورار حيران
عشق يولیده کوزی ياشليغ، بغري بريان
شيدا بولوب اوزين ايزلاب يورار ايرميش

ايا دوستلار قيساب کيلدی قرانغولوق
اميديم بار اول ايزيم وين هم يارو غلوق
طريقت نی بازاری دور هم قوروغلوق
نيازليق قول کيريب سودا ايتار ايرميش

قول خواجه احمد عبرت آغيل صد هزاردين
نيازسيزلار بهره آلماس اول بازاردين
فاضل ليق ده قروغ قالور اول نظردين
نادان عمرين پوچك پل غه ساتاز ايرميش

(۸۴)
حکمت

عاشق کيشيلار کيچه لاری ياتمه بهراق
هر درد و الم تیکسه فغان ایتمه بهراق
باشيني ياريب قانغه بوياب قيلسه ستم لار
آوردی مینی ديب ظالمه سوز فاتمسه بهراق

درويش بولوبان خلق ايچيده تسبيح اوکوروب
صوفي بولوب عالم غه اوزين ساتمه بهراق
اوتکان صوفي لار ايل کوزيدين بورماين قاچتی
حقنی تيلاکان خلق ايچيده يورمه بهراق

هر بيرده خدا حاصر و ناظر کلدرولار
بيجا اوتوروب حقنی بلند ایتمه بهراق

صوفي بولوبان صاف بول ای بنده الله
صوفي بولوب اول يالغان دمی اوتمه بهراق

الله ديسه قيلسه نهان بدعت بسيار
آنداغ صوفي لار روزه - نماز توتمه بهراق
هر کيمنی اوز يولیده ایلای شيدا
ديوانه ژولیده نی عيب ایتمه بهراق

حقنی تنوکان اوزکانی هرکز تانومسلار
الله ديماکان بولسه انی اولکانی بهراق
صوفي بوله سين های - هوس قيلماغيل اصلا
ايت نفسی اوچون بنده که قان توتمه بهراق

رزاق دیدينک بيردی سينکا رزق فراوان
شيطان سوزیکا بنده قلاق سالمسه بهراق
حقدين ايشيتيب ایدی مونی احمد مسکين
چين بنده سینی سینه سيدين کیتمه بهراق

(۸۵)
حکمت

عاشق ليق نی دعوی سینی قيلغان کيشی
معشوقيدين ذره غافل بولغانی يوق
عشق کوهری توب سيز دريا ايچره مهمان
جاندين کيچامی اول کوهردين آغانی يوق

کوهر آلور غواص اکر جاندين کيچسه
شيدا بولوب عشق شرابين هر کيم ايچسه
نيچه آيلار، نيچه کونلار اکر اوتسه
عشق نی کلی آچيليب هرکز سولغانی يوق

عاشق بولوب تاپای ديسنک حقنی يولين
اسراغين سين عشق باغیده اسرار کلين
محبت برلان سنار ايرميش يخشی قلين
چين عشق نی اندين کونکلی قالغانی يوق

محبت نی درياسيدا موج اور غوسی
علم - عمل، قيل - قال لار شوق اولکوسی
يو تنکزکا کيم کيريبان؟ کيم چيقغوسی
عاشق قول لار معشوقيدين قالغانی يوق

قول خواجه احمد قبول قيلدی ايماغليق نی
قبول قيلدی عشق اوتی غه کويماغليق نی
جانين بيريب ساتقون آدی کويماغليق نی
چين سوزومدور هرکز آنی يلغانی يوق

(۸۶)
حکمت

Сبحан аيكام گناهيدين اوتكانى يوق

عشق سړينى بيان قيلسام بو عالمده
بى خبرلار ايشيتيب قولاق توتقانى يوق
حق ياديني كيمكا ايناي همه غافل
مؤمن من ديب بو دنيادين اوتكانى يوق

ايشان شيخ خواجه ملا دنيا ايزلار
اول سبب دين پادشاه لار غه يالغان توزلار
آيت، حديث سوزين قويوب مال نى كوزلار
حق يولیده هرکز محنت تاتقانى يوق

دنيا يغيب حقنى سويكان تابتي مراد
شوق شرايين ايچكان عاشق شرقى زياد
قيامت كون كذابلارنى يوزى اويات
يالغانچيلار حق يادنى ايتكانى يوق

آخر زمان شيخ لار ايشى همه ريا
روز محشر ريالارى بولغاي كواه
شيخ مين تيو مونچه هوا، مونچه بنا
الله اوچون ذره ثواب ايتكانى يوق

ايشان مين ديب تورلوك طعام تيريپ بيكاي
يخشيلارنى كوزكا ايلماي مين مين ديكاي
دنيا مالين آليب بارسه سويونوب آلکاي
والله، بالله مين - مين ليكدين اوتكانى يوق

محمد ديك تفراق صفت حقير بولسون
رياضت ده رنكى، روى زهير بولسون
حق مصطفى ايل كا قاتيع باققانى يوق

خلق لار قيليب خلائق غه سوزلار ايتي
يوز مينك كافر بت دين كيچب دين كاقيتي
خلق لاريدين عالم همه نوركا باتي
آندين سونكره ايمان اسلام كيتكانى يوق

بنده بولسنگ خلق لار قيليب امت بولغيل
آندين سونكره ايمان اسلام قولغه آغيل
سحر وقتده حقه بيغلاب زارى قيلغيل
الله سخى هيچ كيم نوميد قايتغانى يوق

ايكى عالم شاهى تورور بير يخشى خلق
خلق لاريدين حق مصطفى بولدى اولوغ
حق تعالى آيت بييري مِمَّ خُلِق
عافل آدم آيت ايشيتيب اوقغانى يوق

خلق مماء دافق قاتيب ايدى
مصطفى غه امت لاركا اوقوب بايدى
بيلغان امت وعده سيدين قايتيب تاپتى

ميخانه ديب ايشيتيب قولاق كركان ايماس
ايرانلار نينك خدمتى نى قيلغانى ايماس
پيرى كامل مكمل نى كوركان ايماس
يالغانچى دور وحدت مى دين تاتقانى يوق

جاندين كيچكان چين ماشقلار دنيا ديماس
نفس اولوك آب طعام غمين بيماس
بو دنياده سود و زيان بولسه بيلماس
دنيا كيليب جلوه قيلسه باقانى يوق

محبت ليك ديوانه نينك نشانى بار
جان و دلده عشق دردى نينك بيانى بار
نى دردلارنى كيم نى كورسه كماني بار
بايزيد ديك هر كون اوزين ساتقانى يوق

عاشق بولسنگ بغرينكده يوق كوز نينك قانى
اي نارسا جبهنكده يوق عشق نشاي
خدمت قيلسنگ پيرى مغان در نينك كانى
خدمت قيلماي دركاني غه باتقانى يوق

بولهوس لار عاشق مين ديب كوب لاف اورار
بى خبرلار قايدا بارسه دوكان توزار
يالغان سوزلاب بو دنيايى دورين سورار
دنيا ايزلاب تابانى غه تيكاني يوق

حقدين قورقماي مين مين ديكان شه لار قانى
آي - كون كا دعوى قيلغان مه لار قانى
كيچه بيغلاب سحر توركان خوبلار قانى
عبرت آليب قان زرداب توككانى يوق

قروق زاهد حق عشقى نى كوزكا ايلماس
جنت ايزلاب ديدارنى طلب قيلماس
عاشق لارنى ناله سيغه قولاق سالماس
بو دنيايى ارقه تاشلاب اتقانى يوق

قول خواجه احمد قول مين ديسه قولوم ديكيل
اندين كين بنده ليك كا مقبول بولكيل
محبت نى ميدانیده باش اويناعيل
باش اوينماي حق وصلى كا يتكاني يوق

(۸۷)

حكمت

عشق دعوى سين منكا قيلمه يالغان عاشق
عاشق بولسنگ بغرينك ايچره كوزقانى يوق
محبت نى شوقى برله جان بيرمه

ضايح كيچار عمرى انى يالغانى يوق

عشق باغى نى محبت تارتيب كوكار تمسنگ
خوارليق تارتسه شوم نفسينكى اولدور مسنگ
الله ديوب ايچ كا نورنى تولدور مسنگ
والله - بالله سينده عشق نى نشانى يوق

حق ذكرينى مغز جاندين چيقار مسنگ
اوچ يوز التميش تمور لارينك تيبيران مسنگ
تورت يوز فرق تورت سونكار لارينك كل قيلمسنگ
يالغانچى دور حقه عاشق بولغانى يوق

نفسدين كيچيب قناعت نى پيشه قيلغان
هركيم تپسه راضى بولوب بويون سونغان
يخشى لارغه خدمت قيليب دعا آغان
انداغ عاشق محشر كوني آرماني يوق

راحت تاشلاب جان محنتين خوشلاكانلار
سحر لارده جانين قيناب اشلاكانلار
هاى - هوس، ما و مين نى تاشلاكانلار
چين عاشق دور هرگز آنى يالغانى يوق

عشق دردينى بي دردلاركا ايتيب بولماس
بو يول لارنى عقبه سى كوب اوتوب بولماس
عشق كوهرين هر نامردكا ساتيب بولماس
بي خبر لار عشق قدرينى بيلكانى يوق

عشقه توشتونك، اوتقه توشتونك كويوب اولدونك
پروانه ديك جاندين كيچيب اخكر بولدونك
دردكا تولدونك غم كا سولدونك تيلبه بولدونك
عشق دردى سورسنگ هرگز درماني يوق

باشينك كيتار بو يول لارده حاضر بولغيل
عشق بولنده اولماس بورون زينهار اولغيل
پير ايتاكين محكم توتوب خدمت قيلغيل
خدمت قيلغان هرگز يولده قالغانى يوق

عاشق ايرماس جانانیکا جان بيرمسه
دهقان ايرماس كتمان چابيب نان بيرمسه
مونده بيغلاب آخرت ده جان بيرمسه
يولدا قالغان بوى خدا آغانى يوق

اي بي خبر عشق اهليدين بيان سورمه
درد استاكيل عشق درديغه درمان سورمه
عاشق بولسنگ زاهدلاردين نشان سورمه
بو يول لارده عاشق اولسه تاوانى يوق

زاهد بولمه، عابد بولمه، عاشق بولكيل

محنت تارتيب عشق بولنده صادق بولكيل
نفسنى تيغيب دركاهي غه لايق بولكيل
عشق سيز لارنى هم جاني يوق، ايماني يوق

عشق سودامى كيمكا نوشسه رسوا قيلور
پرتو سالب حق اوزيغه شيدا قيلور
مجنون صفت عقلمن آليب ليلا قيلور
الله حقى بو سوز لارنى يالغانى يوق

قول خواجه احمد جاندين كيچيب يول غه كيركيل
آندين سونكره ايرانلارنى يولدن سوركيل
الله ديبان حق بولنده جانينك بيركيل
بو يول لارده جان بيرماسنگ امكاني يوق

(۸۸)

حكمت

حاجت ايرماس عشق درديغه دوا سورمق
ويران ايتيب كيتكان ايرميش دواسى يوق
جانينك قيناب، ياشنگ آقيب، هوشينك كيتب
عشق درديدين دوستلار قاتيع بلاسى يوق

هركيم كويار جانغه آلا عشق نى اوتين
جاني كويسه اعضاسيدين چيقار توتون
بغرى انى صد پاره دور يوقفور بوتون
خلق غه ظاهر كورونوب توركان يراسى يوق

جاندين كيچماي تابماس هركيم جانانه نى
كوروب همت قيلماق كراك پروانه نى
كوروب بيليب اوتقه اوردى اوز جاني نى
سود و زيان برله هرگز پرواسى يوق

انچه يوردونك انچه توردونك اى بي خبر
نفس شيطان ايشلاريدين قيلغيل حذر
بيزدين بورون تيليم كاروان قيلغان سفر
ايتا كيتكان بو دنياينك وفاسى يوق

ايتيب اوتكان ايرانلاردين يول نى سوركيل
سحر لارده اوره قوبوب چار ضرب اورغيل
هو صحبتين قورغان بيركا اوزونك اوركيل
بولغه كيركان ايرانلارنى هواسى يوق

قول خواجه احمد ايدى دوستلار ايشيتنك موني
قاف تاغى ديك تاشلار تيكسه چيقماس اوني
كيمكا ايتيب، كيمكا بيغلاى عشق دردينى
واللو، بالله عشق دردينى دواسى يوق

(۸۹)

حکمت

خوش غایب دین یتوشتی یخشی سوزوم تبرک
عاشق بولسنگ ای طالب ریاضت ده بیلینک بوک
تون کیچه لار اوخلامای یاش اورنی غه قانینک توك
ارسلان بابام سوز لارین ایشیتینکیز تبرک

ارسلان بابام ایدیلا طالب لارده< یوق اخلاص
پیرینک حاضر بولغانده نه حاجت حاضر و الیاس
پیر غه قدم قویغانده یا ایتمه غوث الغیاث
ارسلان بابام سوز لارین ایشیتینکیز تبرک

طالب مین دیب ایتور لار والله بالله نا انصاف
نامحرم غه باقار لار کوز لاریده یوق انصاف
کیشی مالین بیور لار چون دل لاری ایماس صاف
ارسلان بابام سوز لارین ایشیتینکیز تبرک

پیر خدمتین قیلدوق دیب طالب مین دیب یورار لار
بییب حرام حریش نی کولباریغه اورار لار
کوز لاریده نمی یوق حلقه ایچره کیرار لار
ارسلان بابام سوز لارین ایشیتینکیز تبرک

ذاکر مین دیب زور اورار چیقماس کوزیدین یاشی
دل لاریده غمی یوق ناکه آغریغای باشی
مکر و حيله قیلور لار معلوم خداغه ایشی
ارسلان بابام سوز لارین ایشیتینکیز تبرک

طالب مین دیب ایتور لار کونکلیده یوق ذره نور
چین طالب نی سورسنگیز ایچی تاشی کوهردور
حقه عیان سرلاری بیمیش لاری صفا نور
ارسلان بابام سوز لارین ایشیتینکیز تبرک

صورتلاری صوفی نقش قیامت دین قورقماس لار
فسق - فجور حاصلی کنه لاردین هورکماس لار
ایا تسبیح ایلکینده بیغلاب یاشین توکماس لار
ارسلان بابام سوز لارین ایشیتینکیز تبرک

ایا تسبیح ایلکینده زنا یخشی بیلسنگیز
حق رضاسی بو تورور عشق سوداسین قیلسنگیز
عشقی الیب محشرده رسوا بولوب تورسنگیز
ارسلان بابام سوز لارین ایشیتینکیز تبرک

عشقه قدم قویغانلار حق دیدارین کورار لار
موسی صفت محشرده حوق دین سؤال سورار لار
سر مست بولوب وصلیده هو ذکرینی قورار لار
ارسلان بابام سوز لارین ایشیتینکیز تبرک

انشاء الله ایشیتکان نی حقدین تیلاب آلور مین

شیطان یولیدین آلیب حق یولیغه سالور مین
مدد قیلسه مصطفی کنه لارین تیلار مین
ارسلان بابام سوز لارین ایشیتینکیز تبرک

ارسایادن باب نی سورسکیز پیغمیر غه اعتبار
صحابه لار اولوغی خاص بنده کردگار
یاتقان پیری ناهموار بر کازه خوار زار
ارسلان بابام سوز لارین ایشیتینکیز تبرک

چهار شنبه کون ایشیتیب ناکه حضرت بار دیلار
ارسلان باب نی او غه اولکون مهمان بولدیلار
یاتکان پیری ناهموار کوروب حیران قالدیلار
ارسلان بابام سوز لارین ایشیتینکیز تبرک

اول محمد مصطفی توروب دعا قیلدیلار
ملانک لار آمین دیب ایلکین آچیب توردیلار
شونداغ امت بیردینک دیب حق شکرینی قیلدیلار
ارسلان بابام سوز لارین ایشیتینکیز تبرک

صحابه لار ایدیلا ارسلان بابا دور آتینکیز
عرب لارنی اولوغی پاکیزه دور ذاتینکیز
ترتیب تن فرص دیدی فرجه سالیب یاتینکیز
ارسلان بابام سوز لارین ایشیتینکیز تبرک

آخر زمان امت لار نقش قیلور اوپلارین
نفس هواغه قوانیب بوزار هر دم خویلارین
شان شوکت لار بیلان برپا قیلور بوی لارین
ارسلان بابام سوز لارین ایشیتینکیز تبرک

آخر زمان امت لار دنیا فانی بیلماسلار
کیتکان لارنی کوروبان آندین عربت آماسلار
ایرانلارنی قیلغانین کوروب کوزکا ایلماسلار
ارسلان بابام سوز لارین ایشیتینکیز تبرک

یخشی یول لاردین آزیب یامان یولغه آوشقان
شیطان لعین پیریم دیب دامنی غه یاپوشقان
غزایل نی پیریم دیب ایرته آخشام کوروشقان
ارسلان بابام سوز لارین ایشیتینکیز تبرک

ایمان اسلامین آلیب اولمایم دیب کولوشکان
اولمایم دیب دنیا ده مولیم برلان اوروشکان
غافل لبق برله هر دم عمرینی بر باد بیرکان
ارسلان بابام سوز لارین ایشیتینکیز تبرک

وقتی بیتسه عزرائیل امانت نی بیردرکای
شیطن لعین پیریم دیب جان بیرارده کورمکای
ایمان اسلامین آلوب حال دلین سورمکای
ارسلان بابام سوز لارین ایشیتینکیز تبرک

Аҷдин اولسنك نامرددين هرگز منت تارتماكيل
ارسلان بابام سوز لارين ايشيتينكيز تبرك

توبه قيلسه توبه سين موليم قبول قيلماكاي
الله ديسه خواجه سي قولين توتوب آلكاي
جرم، عصيان كرهين پيركا باريب چچيماكاي
ارسلان بابام سوز لارين ايشيتينكيز تبرك

(۹۰)
حكمت

بيتي ياشده ارسلان باب تركستانغه كيلديلار
باشيم قويب ييغلاديم حاليم كوروب كولديلار
مينك بير ذكرين اوركاتيب مهربان ليغ قيلديلار
ارسلان بابام سوز لارين ايشيتينكيز تبرك

هر كيم قيلسه طريقت ني دعواسيني
اول قدم شريعت كا قويماق كيراك
شريعتنينك ايشالارني ادا قيليب
اندين سونكره بو دعواني قيلماق كيراك

كليم قيلديم خرمادين مينكا وحشت قيلديلار
اي بي ادب كودك ديب عصا آليب سورديلار
وحشتي دين قورقماديم مينكا باقيب تورديلار
ارسلان بابام سوز لارين ايشيتينكيز تبرك

شريعتمسيز دم اورماسلار طريقتده
طريقتسيز دم اورماسلار حقيقتده
اوشبو يول لار ييري بيلنور شريعتمده
جمله سيني شريعتمدين سورماق كيراك

آغزينك آچكيل اي كودك امانتينك بيرايين
مزاسيني يوتماديم آچ آغزينكغه سالايين
حق رسول ني بو يروغين امت بولسام قيلايين
ارسلان بابام سوز لارين ايشيتينكيز تبرك

اندين سونكره بر اير كيراك ارادت ليك
بولميش بولسه اول بر ايردين اجازت ليك
شريعتمده راست موافق كرامت ليك
اوشال ايرنينك ايتاكني توتماق كيراك

اغزيم آجتيم سالديلار خرما ايسي قيلدي مست
ايكي عالمدين كيچيب والله بولدوم حق پرست
خواجه ملا ييغيلدي آليب يوردي دمت بدست
ارسلان بابام سوز لارين ايشيتينكيز تبرك

كيم بيلماين بو يول لارني شيخ مين ديسه
كرامتمدين ولايت غه خبر بيرسه
باطل ابرور اكر روح الامين ايرسه
اوزين آنداغ باطل لاردين ساچماق كيراك

بابام ايدى اي بلام تكليف قيلمادينك مينكا
بيش يوز بيلدور كاميمده سقلاب ايرديم من سينكا
مزاسيني سيز آليب تلقين بيردينكيز مينكا
ارسلان بابام سوز لارين ايشيتينكيز تبرك

ارادت سيز، اجازت سيز مرشد بيلماس
طريقتنينك يول لاريني هرگز بيلماس
مبتدع دور ارادت كا لايق ايرماس
آنداغ لاردين ياراغ - ياراغ قاچماق كيراك

بابام ايدى اي بلام قاشيمده توراولاين
جنازيم ني اوقوب كوم جان تصدق قيلايين
مدد قيلسه مصطفى عليين غه كرايين
ارسلان بابام سوز لارين ايشيتينكيز تبرك

اندين سونكره مجاهده توتين كييوب
رياضت نينك بوته سنده ايريب آقيب
من منليك اوتوب اوزني ياراغ قيليب
عزت رختين ساتيب خوارليق آلماق كيراك

بيغلاب ايديم اي بابا ياش كودك مين بيلماسمين
كورونكيزني قزلار من كوتاريب سالالماس مين
حق مصطفى سننين كودك مين بيلماس مين
ارسلان بابام سوز لارين ايشيتينكيز تبرك

اوشبو يول دور ايرانلارنينك قيلغانلاري
طالب لاري بيلسون تيو ايغانلاري
حق دور بيلسنك بر ذره يوق يالغانلاري
جان قولاي برله موني اوقماق كيراك

بابام ايدى اي بلام ملايك لار ييغيلكاي
جبرائل امام بولوب اوزكالار تابع بولغاي
ميكائيل و اسرافيل كوتاريب كوركا قويغاي
ارسلان بابام سوز لارين ايشيتينكيز تبرك

صدقي برله هر كيم قبول قيلسه موني
اعتقادي برله بولسه توني - كوني
يادي برله مشغول بولسه توني - كوني
ايرانلاردين ياري مدد قولماق كيراك

قول خواجه احمد سوزونكني نادانلاركا ايتماكيل
سوزني ايتيب نادان كا پوچك پلكا ساتماكيل

ارادت سيز اوشبو يولغه كيرماديلار
اجازت سيز يولغه قدم قوماديلار

اشارت سيز ياريم نفس اورماديلار
مرید بولغان بو صفتلیغ بولماق کیراک

هرکیم کیرسه اوشبو یولغه بیلین باغلاب
کیراک مخدوم، کیراک خادم اوزین بیلین
نیتی نی خدایبغه درست قیلیب
توجه نی عزیزلارکا قیلماق کیراک

هرکیم ایرسه اوشبو یولغه کیرار بولسه
توبه قیلیب حضرتیکا قدم قویسه
ذوالجلالنی جمالینی کورار بولسه
خواجه احمد نفسنی توتماق کیراک

(۹۱)
حکمت

هر کیم قیلسه طریقت نی دعواسینی
اول قدم شریعت کا قویماق کیراک
شریعت نی ایشلارنی ادا قیلیب
آندین سونکره بو دعوانی قیلماق کیراک

شریعتسیز دم اورماس لار طریقت ده
طریقتسیز دم اورماس لار حقیقت ده
معرفت سیز دم اورماس لار حقیقت ده
بارچه سینی شریعتدین سورماق کیراک

آندین سونکره برابر کیراک ارادت لیک
بولمیش بولسه اول پیری دین اجازت لیک
شریعت کا موافق راست کرامت لیک
شونداغ ایرنی ایٹاکی نی توتماق کیراک

هرکیم بیلماق بو ایشلارنی شیخ مین دیسه
کرامتدین ولایت غه خبر بیرسه
باطل ایرور اکر روح الامین ایرسه
آنداغ شیخ دین یراق - یراق قاچماق کیراک

ارادت سیز اجازت سیز مرشد بولماس
طریقت نی نشانه سین هرکز بیلماس
مونداغ کیشی ارادت غه لایق بولماس
اول کمراه دین یراق - یراق تورماق کیراک

ارادت نی بیرکیل اهل اجازت کا
قایم بولغیل تونی - کونی ریاضت کا
سانیب آنی قوللوعی نی عبادت کا
قوللوعی ده بیل نی باغلاب تورماق کیراک

آندین سونکره مجاهده تونین کییوب
ریاضت نی بوتیه سیده ایریب آقیب

من-من لیک دین اوتوب اوزی نی صاف قیلیب
عزت رختین ساتیب خوارلیق آلماق کیراک

اوشبو تورور ایرانلارنی قیلغانلاری
طالب لارغه بیلسون دیبان ایغانلاری
راست دور بو سوز بیلکیل یوقتور یالغانلاری
جان قلاقی برلان مونی بیلماق کیراک

صدقی برله هر کیم قبول قیلسه مونی
اعتقادی برله بولسه تونی - کونی
یادی برله مشغول بولسه یلدا تونی
ایرانلاردین همت یاری قولماق کیراک

ارادت سیز اوشبو یولغه کیرمادیلار
انابت سیز یولغه قدم قویمادیلار
اجازت سیز یریم نفس اورمادیلار
مرید بولغان بو صفت لیغ بولماق کیراک

هر کیم کیرسه اوشبو یولغه بیلین باغلاب
قول خواجه احمد کیراک اوزنی خادم ایلاب
نیتی نی خدایی غه درست ایلاب
توجه نی عزیزلارکا قیلماق کیراک

(۹۲)
حکمت

عزراییل بیر کون تیلور سدت برلان
اسیغ تن دین عزیز جان نی بیرماق کیراک
بیش کونلوک نقد عمری نی قولدین بیریب
چاره تابمای آخر بیر کون اولماق کیراک

اوغول - قیزینک ییغلاب قالسه فریاد اوروب
مال ملکینک مونده قالسه حیران بولوب
دشمن لارینک قوانوشور سینی کوروب
بو یون سونوب اوزلیبان یاتماق کیراک

میراث دیبان باش ایاغینک باغلاکایلار
اسیغ سونی باشدین قویوب چایقه کایلار
تورت طرف دین آسته - آسته اوشلاکایلار
الٹی قری بوزدین کفن قیلماق کیراک

جنازنک نی اولوغ کیچیک کوتارسه لار
کورستانغه قراب سینی یوروتسه لار
بیتمیش بیرده سوال سورسه فرشته لار
بر - بر آنی جوابی نی بیرماق کیراک

خلایق نی مزاریده عمارت نی
کورونک انده تورلوک-تورلوک علامت نی

لحد آتليغ دروازه قيامت ني
سياست ليغ اويغه باريب كيرماك كيراك

كيريپ كورسنگ قرانغولوق يوقتور چراغ
ايچي توله حسرت ايرور اوتلوق فراق
اولكون سينكا كيم قيلكوسي انده يراق
تا قيامت تانك آتقونچه ياتماق كيراك

عمرينك آخر بولغوسي دور بر كون تمام
بو ايش برلان بارسنگ اكر دار السلام
حلال قويب يكان بولسنگ دايم حرام
عذابي ني باريب آنده تارتماق كيراك

قول خواجه احمد توبه قيلغيل اولماس بورون
قيزيل يوزونك كورده ياتيپ سولمامي بورون
بيلان چيان كورينك ايچره تولماس بورون
قضا كيلسه رضا بولوب تورماق كيراك

(۹۳)
حكمت

قراكوندور اوشال ساعت كه دنيادين سفر قيلسانك
زن - فرزند مال ملكنك بار سندن كذر قيلسانك
سني قويماس اجل هرگز نيچه حكمنك روان بولسه
حكومت برله عالمي اكر زير و زبر قيلسانك

محاصل دور خلايقته اجل مثل سپاه لارديك
غضب برله آلور جاننك نچه مازاريلار قيلسانك
برلوبدور بارچه غه فرمان اولومني شربتئين ايچمك
قاچوب آندين قوتولمزسن نيچه آندين حذر قيلشانك

خلايقننك مزاريغه باريب بر - بر تماشا قيل
اولوكلاردين آلوب عبرت كيراك بغرنك كباب قيلسانك
هميشه يخشيليق قيلغيل كيترسن اوشبو دنيادين
قيامت آب رويي غه كيراك خون چكر قيلسانك

خدا فرمانني توتغان بولور اول اوليالاردين
بولورسن اوليالاردين رياضت كوبراك قيلسانك
قونمه مال و ملكنك كا قورتور بو اجل آخر
قرا بييركا كيررسن اخر نيچه ما كر وفر قيلسانك

خواجه احمد معصيت برله حياتنك قيلمغيل ضايع
بولورسن لايق حضرت اكر طاعت سحر قيلسانك

(۹۴)
حكمت

ايا دوست لار آخر زمان بولدى كورونك

بي دين كافر بو عالمغه تولدى كورونك
حق قوللوغين قويوب بارچه فاسق بولدى
انينك اوچون قهار غضب قيلدى كورونك

اخر زمان نشاني اول خيرات كيتي
قهار ايكام قهر برله حكمين ايتي
خلايق لار فاسق بولوب دينين يوتي
اسلام ضعيف بولوب قولدين چيقتي كورونك

روره، نماز، ايمان، اسلام قولدين كيتي
كل يوم بتر ديبان حديث اوتي
اربع رسول ايتقانلاري ايمدى بيتي
بو دنياي قرانغولوق باستي كورونك

عالم لار بارچه علمين مالغه ساتي
ببليپ كوروب اوزلاريني اوتقه اتي
اوزي عمل قيلماي خلقه علم اوركاتي
دنيا اوچون دين لاريني ساتي كورونك

والله حلال هيچ قالمدي بولدى حرام
اسير قيليب فرزندلارين سالدی كورونك

فعلميز دين بيزكا غضب قيلدى خالق
شكر ايتمادوك بيزكا جزا كوب نه جاغليق
خير احسان ايشيكيين سلطان قيلدى باغليق
انينك اوچون يوزمينك بلا تولدى كورونك

كون كورمکان ايسز محبوب مه پاره لار
يورك لاری قورقوب بولدر صد پاره لار
دردلاريغه دوا تابماي بيچاره لار
مونكلوع بولوب كافرغه خوار بولدى كورونك

جاندين آرتوق كوركان جانانه لار
يوزي آي كوزي چولپان مستانه لار
بويلاريني هيچ كورمکان بيكانه لار
كافرلارغه زار و حيران بولدى كورونك

بيغلايورلار فغان اوروب آي وای انام
كورمكيدوك مونداغ قاتيغ كونلارني خام
بونه حسرت تيوزارين ايدى كورونك

اتام تيوز كيچه - كوندوز بيغلايورلار
آريب قالغان بوتله لاردك بوزلاريورلار
يتميم قالغان قوزي ينكلبك منكر ايورلار
نالشيغه تاشلار ايريب سوبولدى كورونك

نه مشكل دور كل ني اوزوب غنجه سيدين
اناسيني جدا قيليب بچه سيدين

кوندوزини قرا قىليپ كيچه سيدين
باشلاريغه قرانغونى سالدى كورونك

نه قىلغانچه سيزدين جدا بولدى انا
سونى سندن جدا قىلدى قادر خدا
قيامت نينك تانكى انى وا حسرتا
جانمىز كا مونداغ جغا سالدى كورونك

اتالارى قان يىغلایور تابماي علاج
باشلاريغه قرا كييب يوز يرتيب ساج
قالدى موکين بالالاريم آج يلالکاج
آه اوروب ايچ بويى ايزدى كورونك

انالارى ترملوبان قالدى حيران
كل يوزلارين زعفرانديك سر عرتيبان
واي قلونوم بوتام دييان آه اوروبان
يقا يرتيب ساج لاريني يولدى كورونك

جاندين عريز جان ايچينده مهربانم
نور ديدم، جكرينديم، غمكساريم
ايكى كوزوم ياروغلوعى، تنده جانم
قايدە باردينك تيؤ فریاد قیلدی كورونك

كوركانمىز قيتنب ينه سيني ايچان
اكر كورماي اولار بولسنگ ده نه ارمان
يىغلاي - يىغلاي، كوزى كريان، بغرى بريان
نه قىلغوسين بيلمای حيران قالدى كورونك

حسرت داغين كونكوميزه سالدى تمام
ايشينك بونه قدرت تورور اي خاص عام
قدرتين كورشنده اده لار بولدى علام
حق يانيب مونداغ جزا سالدى كورونك

قىزىل كل ديك نارسیده اول اوغلانلار
دنیا اولوب كيم كوروبدور مونداغ داغلار
مجنون يانكلينغ ديوانه ديك بولدى ساغلار
عاجز بولوب مسلمانلار قالدى كورونك

ايركيم بولسه شاه مردان بولغاي ايرديم
بو ايلکيم كا آلماس قىليچ آلغاي ايرديم
بو كافر لار بارچه حرى سيني قيرغاي ايرديم
علاجيم يوق تيؤ ارمان قالدى كورونك

آق سینه منى بجل قىلديم اي فرزنديم
نه بازوق بير خدايم غه جكرينديم
اولومدين هم بتر بولدى مينينك درديم
بو دنياده هجران داغين سالدى كورونك

بارجه داغلار ايچره مشكل هجران داغى
هجراندين هم بتر ايرميش فرزند [او] داغى
بوراكيم دين سيريليب ايچيم كا قان تولدى كورونك

بلا كويتور مونداغ هرکز بلا يوقتور
ترملتوبان بيزدين كافر ايريب ايلتور
اجل يتيب كورمك نه دولت دور
مونداغ دييان نوحه فرياده قىلدى كورونك

سين سيز منكا طعام يمك قبقريل قان
سين سيز منكا ينكا كيراك بوتنده جان
سين سيز منكا قرانغودور اوشبو جهان
سينينك دردينك تيؤ حسرت قىلدى كورونك

انا فرزند بر بريغه چوغلاشتى لار
فرياد اوروب قوجاغلاشيب يىغلاشتى لار
حسرت ايتوب ارمان بيله يىغلاشتى لار
نه مشكل دور الوداع ديب قالدى كورونك

بيل بولارنى قرانغولوق باستى تمان
بيزكا غضب قىلدى بو كون قادر اوغان
كافر يىغيب آليب چيقتى شاد و خندان
مسلمانلار فرياد اوروب قالدى كورونك

توبه دينك لار نه قدرت دور خلقى جهان
آخر زمان نشانلارى بولدى عيان
غم داغينه يوز تسيلي قىلديم بيان
تانك عجايب كونلار ايمدى بولدى كورونك

ازل كونده ايذيم بيزكا قىلدى تقدير
بيزدين اوتوب آنچه خطا قىلدوق تقصير
آنينك اوچون نارسیده بولدى اسير
فعلمىزدين بيزكا جفا سالدى كورونك

نه اناده رحم قالدى نه آتاده
اغا اينى بر بريغه ماجراده
مسلمانلار دعوى قىلور ايچار باده
مست ليق بيلان قرينداشدين تاندى كورونك

كورماسموسيز زمانه لار جوش ايلدى
بورونغى قدر دانلار هيچ قالمادى
قدر بيلماس ناكس لاركا اورون تيكدى
عالم درويش يخشى لار خوار بولدى كورونك

ناكس، خسيس، بى ديانت قول لار حاكم
من - من ليك حددین اشيب بولدى ظالم
خلق ايچنده خوار بولدى لار درويش عالم
حمایتى خلق نى كافر بولدى كورونك

كونكل لارنى توتى تمن قرانغولوق
بىز كا بوقتور ايمدى كورماك بر ياروغلوق
يولدين آزيب شريعت نى پاس توتماذوق
دين قاليبيان بل مسلمان بولدى كورونك

ديانت سىز، خسيس لارنيناك خطرى يوق
دنيا مالين بيغيب هرگز تويارى يوق
پر زور بولوب اولوم دين هيچ خبرى يوق
او فردينك دين دنيا بولدى كورونك

قول غريب نيناك سوزى تقليد تحقيق ايماس
دردى يوقتور بو سوز لاركا قان يغلاماس
غيب علمين حقدين او كون كيমেسه بيلماس
والله اعلم بالصواب ديب ايدى كورونك

(۹۵)
حكمت

اى كونكل قىلدينك كناه هرگز پشيمان بولمادين
صوفى مين ديب لاف اوروب طالب جانان بولمادينك
حيف عمرونك اوتى بير لحظه كريان بولمادينك
صوفى نقش بولدونك ولى هرگز مسلمان بولمادينك

صوفى ليغ شونداغ مودور دايم ايشيناك غفلت بيلان
دانهء تسبيح قولونكده تيل لارينك غيبت بيلان
سلهء چل پيچ اورار سين نفس بد عزت بيلان
صوفى نقش بولدونك ولى هرگز مسلمان بولمادينك

صوفى بولسناك صاف بولغىل جرم عصيان بولماسون
طاعت تقوى قىليب كونكلونك پريشان بولماسون
جلن دلده ييغلاغىل محشرده يالغان بولماسون
صوفى نقش بولدونك ولى هرگز مسلمان بولمادينك

صوفى ليق شرطى دورور تونلار قروب قان ييغلاماق
هر جفاغه صبر ايتوبان بيلينى محكم باغلاماق
طالب الله بولوب هر يخشى سوزنى سوز لاماق
صوفى نقش بولدونك ولى هرگز مسلمان بولمادينك

صوفيا طاعت قىلور سين بارچه سى عجب و ريا
جان و دل دنياغه مغرور تيل لارينكده آه و آه
جان بيرورده بولغونك نور ايماندين جدا
صوفى نقش بولدونك ولى هرگز مسلمان بولمادينك

صوفى بولماى نىلاسون اوپده قىلور غه ايشى يوق
صوفى ليغ دعوى قىلور خلق غه بيرور غه آشى يوق
آه و آه دير لارينه كوزيده قطره ياشى يوق
صوفى نقش بولدونك ولى هرگز مسلمان بولمادينك

صوفى بولوب نفس اوچون هر دم ايشيك كا باقه سين
نذر آليب كيلدIMO ديب هر دم كيشيكا باقه سين
لعنتى الله نى بوينونك كا هر دم تاقه سين
صوفى نقش بولدونك ولى هرگز مسلمان بولمادينك

صوفى مين ديب لاغ اورار سين سوز اغانيناك قانى
اشك سرخ و روى زرد و چشم خونباريناك قانى
مرشد كامل، مكمّل راه مردانيناك قانى
صوفى نقش بولدونك ولى هرگز مسلمان بولمادينك

صوفيا بى غم يورار سين دانهء تسبيح آليب
دنياغه مغرور بولوب دين ايشينى آرقه ساليب
قور ققىل ايمدى قور ققىل ايمدى خداغه يالباريب
صوفى نقش بولدونك ولى هرگز مسلمان بولمادينك

صوفى بولوب مال كس آماق اوچون قىلدينك جدل
ظاهرينك صوفى نمادور باطنيناك دون و دغل
اى بى خبر اى بى خبر شرمنده سين روز ازل
صوفى نقش بولدونك ولى هرگز مسلمان بولمادينك

دانهء تسبيح آليب ايل كوزيغه خوب صوفى سين
نفس بدنى آلدیده ترسا جهودنى توفى سين
بنده ليغ قىلنك خداغه يوخسه سك كوفى سين
صوفى نقش بولدونك ولى هرگز مسلمان بولمادينك

صوفيا اوز طورينكا يالغوز خداغه بنده سين
اصلينكا باقسناك اكر عالم ايچنده كنده سين
پر كناه و پر خطر هم عاصى و شرمنده سين
صوفى نقش بولدونك ولى هرگز مسلمان بولمادينك

صوفيا قىلدينك محبت دعوى سين ديوانه بول
مال و ملك و خانماندين كيچكىل و بيكانه بول
كيم خدا ديب سوز لاسه مينك اوركولوب پروانه بول
صوفى نقش بولدونك ولى هرگز مسلمان بولمادينك

صوفيا دعوى عشق قىل بارچه دين بىزار بول
اويقونى ايلاب حرام تونلار قوبوب بيدار برل
دردى يوق بيدردنى كورسناك قاچقىل و آزار بول
صوفى نقش بولدونك ولى هرگز مسلمان بولمادينك

احمدا سين صوفى بولسناك صوفى ليغ آسان ايماس
حق رسول صوفى بولوب دنيا مالين سويكان ايماس
دنيانى سويكان كيشى بى شك بيلينك انسان ايماس
صوفى نقش بولدونك ولى هرگز مسلمان بولمادينك

(۹۶)
حكمت

حق تعالى پرتو سالدی جانیم کویدی
کیلینک بیغلینک ذاکر قول لار ذکر ایتالیك
سحر وقتده پیر مغان باقیب سوردی
کیلینک بیغلینک ذاکر قول لار ذکر ایتالیك

ذاکر لار غه وعده قیلدی قادر خدا
کور ایچنده عطا قیلدی حوری لقا
ذاکر لارنی تورار جای دارالبقا
کیلینک بیغلینک ذاکر قول لار ذکر ایتالیك

ذاکر بولسه شاکر بولسه پیری جنت
قانلار آقسه کوزلاریدین قیلماست منت
امت بولسنک ذکرین ایتماک سیزکا سنت
کیلینک بیغلینک ذاکر قول لار ذکر ایتالیك

ذاکر لارکا خدا اوزی وعده قیلدی
فاذکرونی اذکرکم آیت کیلیدی
فردوس آتلیغ جنتی دین محضر کیلیدی
کیلینک بیغلینک ذاکر قول لار ذکر ایتالیك

ذاکر لاری هر نفس ده ذکرین ایتار
توبه قیلیب ایگری یولدین راست غه قیتار
ذکرین ایتسه آسته - آسته شوقی آرتار
کیلینک بیغلینک ذاکر قول لار ذکر ایتالیك

ذاکر لاری حلقه ایچره پرتو کورار
آنینک اوچون حلقه ایچره اوزین اورار
معشوقی نی کورکان زمان جانین بیرار
کیلینک بیغلینک ذاکر قول لار ذکر ایتالیك

یالغان عاشق معشوقیدین جانین ایار
عقبی یولین آرقه تاشلاب دنیا سویار
هو حلقه سین قورغان بیردین ایلار فرار
کیلینک بیغلینک ذاکر قول لار ذکر ایتالیك

الکذاب لا امتی دیدی سرور
بو سوزلارکا یول بیر کوچی هادی رهبر
یالغانجی نی امت دیماس اول پیغمبر
کیلینک بیغلینک ذاکر قول لار ذکر ایتالیك

رحمن ایکام چین عاشق نی یولین آچار
محبت نی شوقی برله یاشین ساچار
الله تیو قایدہ بارسه شیطان قاچار
کیلینک بیغلینک ذاکر قول لار ذکر ایتالیك

ذاکر لاری ذکرین ایتیب ناله قیلور
کوز یاشینی سریغ یوزکا ژاله قیلور

بیابان لار کیزیب اوزن واله قیلور
کیلینک بیغلینک ذاکر قول لار ذکر ایتالیك

ذاکر قول لار حق فرمانین محکم توتار
اخلاص برلان الله تیو قانلار بوتار
حلقه ایچره کیرکان وقتده جاندین اوتار
کیلینک بیغلینک ذاکر قول لار ذکر ایتالیك

بی طهارت ذکر ایکان کا لعنت یاغار
اوشل کونی بولغان فرزند شیطان توغار
اولار وقتده اول کیلیب شیطان باقار
کیلینک بیغلینک ذاکر قول لار ذکر ایتالیك

بی طهارت ذکرین اینکان ایمان ایتماست
اولار وقتده حق مصطفی قولین توتماست
سبحان ایکام کناهیینی هرکز اوتماست
کیلینک بیغلینک ذاکر قول لار ذکر ایتالیك

مؤمن بولسنک بی طهارت ذکرین ایتمه
کرامت لار ایتیب حلقه دینینک ساتمه
مسلمانلیغ دعوی قیلیب کافر کیتمه
کیلینک بیغلینک ذاکر قول لار ذکر ایتالیك

ذاکر بولسنک ذکرین ایتماست هرکز یاتمه
نادان برله ناجنس لارکا هیچ سوز قاتمه
منافق لار حالدین سورسه بیر سوز ایتمه
کیلینک بیغلینک ذاکر قول لار ذکر ایتالیك

قول خواجه احمد یامانلارنی یمانی سین
یارجه بغدادی ایل توتماکان سمانی سین
یولدین آغان کمراه لارنی نادانی سین
کیلینک بیغلینک ذاکر قول لار ذکر ایتالیك
(۹۷)
حکمت

ایزیم یادی اولوغ یاددور ایتور بولسم
عسل ینکلیغ سجوک بولور تیلیم منینک
اوزوم فقیر قیلدیم مقرر بولدوم حقیر
قنات قاقار اوجار قوشدیک کونکوم منینک

تورلوک عیشیم، تورلوک ایشیم، مونکلوغ باشیم
ایردی جانیم، کیتی هوشوم، آقتی یاشیم
یازوق بیلان تولدی توکال ایچی تاشیم
بی نیازیم آجا بیرسون یولیم منینک

کوزوم توشتی، کونکوم اوجتی عرشقه آشتی
عمریم کیچتی، نفسیم قاچتی، بحریم تاشتی
کاروان کوچتی، منزل آشتی، هاریب توشتی

سر اولاشتی نیتاک بولغان حالیم منینک

صورت مونده سیرت آنده قدر تینده
اوزون تونده، یاروق کونده، کونکلوم آنده
یورار تونده بولوب بنده باری قانده
سورسه آنده یازوق تورور تیلیم منینک

ایچتیم شراب، بولدییم خراب، اصلیم تراب
کیلدییم کوراب، کونکلوم سراب، عشقه پراب
حقدین خطاب کیلسه کورماس قول لار عذاب
بولاق ینکلیغ آقار کوزدین یاشیم منینک

توشتیم اوزار، براق توزار، کیمسه بازار
دنیا بازار ایچره کیریپ قول لار آزار
باشیم بیزار، یاشیم سیزار، قانیم توزار
آتیم احمد ترکستاندور ایلیم منینک

(۹۸)

حکمت

ایا دوستلار مصطفی دین بیان ایلی
قولاق سالکیل خاص امتی بولای دیسنک
اول رسول مجتبی نی عیان ایلی
قولاق سالکیل خاص امتی بولای دیسنک

بوز مینک ندا حقدین کیلیدی ایشیب آنکا
امت لار نینک حواله سین قیلغیل مینکا
جمله سینی باغشلایین آنده سینکا
قولاق سالکیل خاص امتی بولای دیسنک

آتام - آنام دیمادیلار دیدی امت
حمد ثنا تینمای اییتیپ بولغیل الفت
قیامت ده کورمکای سین حقدین کلفت
قولاق سالکیل خاص امتی بولای دیسنک

وا دریغا اوتی عمروم قانی عشقیم
امت ایدییم دنیا سری بولدی ذوقیم
باطن کذاب ظاهریمده باردور دلقیم
قولاق سالکیل خاص امتی بولای دیسنک

بیغلامایمو یولده قالدیم عملیم یوق
امت دیدی آنینک سری جدلیم یوق
باشیم کیتسه بو یول لار دین تایریم یوق
قولاق سالکیل خاص امتی بولای دیسنک

کوجوم بییتیپ کعبه ساری بارمادیم من
عالم لارنی نصیحتین آلمادیم مین
حقدین قورقوب یخشی یولغه کیرمادیم مین

قولاق سالکیل خاص امتی بولای دیسنک

باشیم بییتیپ عمروم اوتوب توبه قیلمای
آخرت نی اسباب نی قولغه آلمای
یخشیلارنی خاک پای بولوب بورمای
قولاق سالکیل خاص امتی بولای دیسنک

امت بولسنک کیچه - کوندوز طاعت قیلغیل
عقبی ساری بارغل آنده راحت کورغیل
عافل ایرسنک بیغلامقنی عادت قیلغیل
قولاق سالکیل خاص امتی بولای دیسنک

چین امتی جاندین کیچیب دنیا قویدی
اولار وقتنده امتیم دیب ناله قیلدی
واله بولوب بلبل صفت حقنی سویدی
قولاق سالکیل خاص امتی بولای دیسنک

درود ایتهکیل امت بولسنک ای بی خبر
رسول الله سوزین ایتمیم کان کوهر
رسول ایدی دنیا بیر کون قیلور ضرر
قولاق سالکیل خاص امتی بولای دیسنک

وای امتیم، وای امتیم دیدی احمد
آنینک اوچون سبحان ایذیم قیلدی رحمت
آمین دیکیل قیامت کون قیلغای شفقت
قولاق سالکیل خاص امتی بولای دیسنک

قول خواجه احمد بولغه کیرکیل حالا فرصت
الله دیکیل عمرونک اوتی دم غنیمت
قیدا بارسنک تکبیر اییتیپ قیلغیل صحبت
قولاق سالکیل خاص امتی بولای دیسنک

(۹۹)

حکمت

مینک تومن تورلوك خطالار میندین اوتسه عفو قیل
کفتکوی ناروالار میندین اوتسه عفو قیل
کر تلاوت قیلیمشیم ده بو کلام الله نی
سهو، عصیان، خطالار میندین اوتسه عفو قیل

اوقو غانده غافل اوتسه یا غلط نقصان بیله
هر نیچوک بیجا بجالار میندین اوتسه عفو قیل
مَدّ بیلان اعراب و تشدیدلارنی تغیر ایلاسم
بو کلامه هر خطالار میندین اوتسه عفو قیل

فحش اوقوسام بیر کلمه سینی یا بیر حرفی نی
مونداغ ناتام دعالار میندین اوتسه عفو قیل
آیت و عده و عیدنی قیلسام مین تفرقه

فهم قيلماي نارسالار ميندين اوتسه عفو قيل

عزت اكرام قرآن ني بجا كيلتور مسام
بي ادب ليك بي اباليغ ميندين اوتسه عفو قيل
خضر تينكده من كبي قولني خطاسي كوب ابرور
رو سياه ليك هر خطالار ميندين اوتسه عفو قيل

(۱۰۰)
حكمت

عقبى خبرين ايشيتيب دنيانى ساليب كيتارم
توشدوم ايرانلار بحريكا دنيانى ساليب كيتارم
ايرانلار دنيا ديمدى دنيا غمين يمادى
حقدين اوزكانى ديمادى دنيا ساليب كيتارم

موسى عمران قالمادى تختى سليمان قالمادى
مينك ياشليغ لقمان قالمادى دنيا ساليب كيتارم
دنيا ديكان آزار ايرميش عاقل قول لار بيزار ايرميش
جاهل لار برله يار ايرميش دنيانى ساليب كيتارم

سلطان خواجه احمد يسوى ايدى بو حكمتنى تمام
ايشيتسون ديب جمله جهان دنيانى ساليب كيتارم

(۱۰۱)
حكمت

الله ديكان بنده ني جاين جنتده كوردوم
حور غلمان جمله سين قارشو آلدیده كوردوم
فاذكرونى ذكرينى ايتكان قول لار دايم
جمله سين همراهى بهشت عدنیده كوردوم

تونى - كونى اوخلاماي هو ذكرينى ايتقانلار
ملائك لار همراهى عرشنى اوستیده كوردوم
خير سخا قيلغانلار يتيم كونكلين آغانلار
چهار يار لار همراهى كوثر لبند كوردوم

قاضى بولغان عالملار پاره رشوت بيكان لار
انداغ عالم جايى ني نار سقرده كوردوم
مفتى بولغان عالم لار ناحق فتوى بيركانلار
انداغ مغتى جايى ني صراط كوفروكده كوردوم

جماعت كا بار مابين ترك نماز قيلغانلار
شيطان برله بر بيرده درك اسفل ده كوردوم
ظالم بولوب ظلم ايتكان مؤمن لارنى آغريتكان
قرا بوزلوك محشرده قولين آرقه ده كوردوم

قول خواجه احمد كان آجتى در كوهرنى ساجتى
تينكلامكان بو سوزنى غفلت ايچنده كوردوم

(۱۰۲)
حكمت

نيت قيلدوق كعبه كا رضا بولونك دوستلاريم
يا اولكايميز كيلكايميز رضا بولونك دوستلاريم
نيت قيلدوق كعبه كا حق مصطفى روضه كا
نصيب قيلغاي بارجه كا رضا بولونك دوستلاريم

رضا بولونك اوزوم دين يخشى يمان سوزوم دين
اوتونك ميني يوزم دين رضا بولونك دوستلاريم
دوستلار بيزنى يوقلاغاي فاسق لار كوب اوخلاكاى
مسجد سارى كيلماكاى رضا بولونك دوستلاريم

سردين بولدى اشارت مونده قيلدوق عمارت
دوستلار قيلغاي عبادت رضا بولونك دوستلاريم
كعبه سارى كوجالوك ظالم لار دين قاجالوك
اوغل - قيزدين كيجالوك رضا بولونك دوستلاريم

تيليم سورسام قرار يوق غريب اولسه سورار يوق
بيميشلارده حلال يوق رضا بولونك دوستلاريم
كيچتى قولنك جانيدين چيقتى خلقنى ساندين
دوستلار باركاى سونكيدين رضا بولونك دوستلاريم

خواجه احمد يوم كوزونكى رضا بولونك دوستلاريم

(۱۰۳)
حكمت

نيچه بيليق مهر بانيم جان ايديلار دوستلاريم
بو وجودوم شهرينى فانى قيلادور دوستلاريم
بو قفس ني طوطى سى پرواز ايتادور اوجكالى
بير قرانغو شعله سيز بيركا بارادور دوستلاريم

اي منى يارانلاريم همت توتونك ايمانيمه
دشمنيم ايمانيمه زحمت برادور دوممتك ريم
اوشبو جان بيزلار بيلان بير نيچه بيل لار بار ايدى
حق تعالى حكمتى برلان عزم ايتادور دوستلاريم

بو منى اعضالاريم جانيم بيلان شادمان ايدى
جان چيقارغه كل اعضام تتر اشادور دوستلاريم
امر حقه بارجه خلق عالمين بولدى رضا
اوا حقيقت بندلار دايم رضادور دوستلاريم

قول خواجه احمد طوطى سى پرواز ايتادور اوجكالى

نيلاسون مسكين حكم خدادور دوستلاريم

(۱۰۴)

حكمت

يولغه كيركان ايرانلاردين يول ني سورماي
يغلامايمو اي دوستلاريم خطا قىلديم
حق ذكرىني كيچه - كوندوز ورد الاماي
ايا دوستلار اوز جانيمه جفا قىلديم

الله يادي كونكل لارنى روشن قىلغان
عاشق لارغه خدا اوزى وعده قىلغان
عشق نسيمي مصطفى غه تحفه كيلكان
اول سببدين كوز ياشيمنى كواه قىلديم

الله ايتور عاشق لاريم براق سوار
حق ذكرىني اينگانلاركا رحمت ياغار
كوب ييغلاغان ديداريمنى بي شك كورار
روز محشر ديداريمنى عطا قىلديم

وعده قىلى عاشق لارغه يوز مينك براق
عالم خلقى ملامتى آنكا يراق
بو عالمده ايل كوزيكا ياتغان جراق
عقبى ايچره يوز مينك كوشك لار عطا قىلديم

آدم ايرمس موني آنكلانك درديسيز آدم،
عشق سيز آدم حيوان جنسى موني تينكلانك
كونكلونكيزده عشق بولمسه منكا ييغلاانك
كريان لارغه خاص عشقيم ني نطا قىلديم

بنده بولسنيك من - من ليك ني زينهار تاشلا
سحرلارده جانينك قيناب تينماي ايشلا
يولدين ازغان كمراه لارنى يولغه باشلا
بير نظرده دل لاريني صفا قىلديم

چين دردليك كا اوزوم دارو اوزوم درمان
هم عاشق مين، هم معشوق مين اوزوم جانان
رحم ايلاييم آتيم رحمن ذاتيم سبحان
بير نظرده باطن لارين صفا قىلديم

تانك آتقونچه حق ياديني آيغان كيشى
تاغ جول ني بوستان قىلور آقان ياشى
الله ايتور اوزكا برله يوقتور ايشى
اول عاشق ني خلاق دين جدا قىلديم

عشق باديني بيركا سالسام بير كوتارماس
دفتر قىلسام تا تريك سين بيتيب بولماس
حقنى بيلكان بيك و خان و خلقنى بيلماس

اول بنده م ني اوز يولومده دوتا قىلديم

مال و پلنى پروا قىلماس عاشق كيشى
يول اوسيده تفراق بولوب عزيز باشى
آندين سونكره نورغه تولور ايچى تاشى
تانكلا بارسه محشر آرا پادشاه قىلديم

حق دين قورقوب مال و پلنى سويماكان ني
حقنى ايتيب بير دم ياتيب اويماكان ني
ياتسه قويسه حق ذكرىني قويمكان ني
آچتيم باطن كوزلاريني بينا قىلديم

روزه توتوب خلق غه ريا قىلكانلارنى
نماز اوقوب تسبيح قولغه آلكانلارنى
شيخ مين تيو اوزكا بنا قويغانلارنى
آخر دمده ايمانى دين جدا قىلديم

حقه عاشق بولوب ايدى قول خواجه احمد
صدقى برلان ايشينگانكا يوز مينك رحمت
دتا قىلاي كورمكايلاز محنت زحمت
عاقل ايرسنيك بير سوز برلان ادا قىلديم

(۱۰۵)

حكمت

ايا دوستلار حسب حاليم بيان ايلاي
نه سبب دين حقدن قورقوب غاركا كيرديم
چين دردليك كا بو سوزلارنى عيان ايلاي
اول سبب دين حقدن قورقوب غاركا كيرديم

غار ايچنده كيچه - كوندوز طاعت قىلديم
تطوع نماز اوقوب عادت قىلديم
هر نه جفا نيكسه آنكا طاقت قىلديم
اول سبب دين حقدن قورقوب غاركا كيرديم

غار ايچنده مصطفى ني حاضر كوردوم
سلام قىليب ادب برله بيخود توردوم
عاصى، جافى امت لارنى حالين سوردوم
اول سبب دين حقدن قورقوب غاركا كيرديم

غاركا كيرماك رسول الله سنت لارى
طاعت قىلماق حق رسول ني عادتلارى
غريب لاركا رحم قىلماق شفقت لارى
اول سبب دين حقدن قورقوب غاركا كيرديم

امت بولسنيك كيچه - كوندوز تينماي ييغلا
بغرينك بيشيب اوپكانك تيشيب يورك دغلا
اجل كيسه مردانه وار بيلينك باغلا

اول سبب دين حقدين قورقوب غاركا كيرديم

بیر کون سینی عمرونک برکی بولغای خزان
اجل کیلمای توبه قیلغیل ایا نادان
شاید سینکا رحم ایلاکای ایزیم یزدان
اول سبب دین حقدين قورقوب غاركا كيرديم

چین دردلینکی ایشی ایرور سوز و گداز
کوز یاشی دور حق قاشیده تحفه نیاز
کیچه کوندوز تینمای قیلغیل روزه نماز
اول سبب دین حقدين قورقوب غاركا كيرديم

ایا فرزند امت لارنی دردی اورتار
فسق فجور کنه لاری تاغ دین ارتار
دین نی قویوب دنیا مالین اوزکا تارتار
اول سبب دین حقدين قورقوب غاركا كيرديم

قول خواجه احمد تکبیر ایتیب صحبت باشلا
های هوس من - من لیک نی یاراق تاشلا
سحرلارده چار ضرب اوروب تینمای ایشلا
اول سبب دین حقدين قورقوب غاركا كيرديم

(۱۰۶)
حکمت

محبت نی بازارینده جولان قیلیب
آخرتنی سوداسینی باشلاسام مین
بو دنیانینک عزت لارین آرقه تاشلاب
خارلیق - زارلیق یول لارینی خوشلاسام مین

بو یول لارده خارلیق - زارلیق درکار ایرمیش
تسبیح، تهلیل، روزه، نماز بیکار ایرمیش
یالغانچیدین خدا، رسول بیزار ایرمیش
یالغان نماز ریلارنی تاشلاسام مین

چین کونکل ده نماز قیلغیل خدا بیلسون
خلق ایچنده رسوا بولغیل عالم کولسون
تفریق صفت خارلیق تارنقیل نفسنک اولسون
همت بیرسنک نفسیم بیغیب یغلاسام مین

دوستلاریمنی رسوا قیلغان نفس هوا
آنینک اوچون شیطان لعین قیلور غوغا
لطف ایلاسنک من - من لیکنی قیلای ادا
ریاضت ده جانیم قیناب ایشلاسام مین

عشق یولیده قطره قطره قانلار یوتای
رحمن آتلیغ رحمتنکدین امید توتای
جام شراب تو یا بیرسنک جاننک اوتای

حسرتنکده ایکی کوزوم یاشلاسام مین

نفسیم مینی اوتدیک یانیب یولیم اوردی
یوز مینک تورلوک طعام تیلاب دوکان قوردی
آغزین آچیب هر ایشک کا مینی سوردی
همت بیرسنک ایت نفسیم نی اوشلاسام مین

عشقیم تاشتی روح قاچتی قایدین تاپای
آرقاسیدین عشق آتنی مینیب چاپای
کمی کورسام خضر بیلب قولین توتای
خضر و الیاس مدد قیلیب اوشلاسام مین

کناهیم کوب یرکا سیغماس کیم کا ایتای
توبه قیلیب ایگری یولن راست کا قایتای
ندامت ده ایت لاریم نی اوزوب تارتای
صد دریغ دیب بارماق لاریم تیشلاسام مین

کنه قیلیب توبه قیلمای حددین آشتیم
نفسیم مینی طغیان قیلدی طرفه شاشتیم
بحمد الله پیری مغان سای قاچتیم
قولغه آلیب نفس بدنای اوشلاسام مین

قول خواجه هر بیر سوزونک دردکا درمان
طالب لارکا بیان قیلسام قالماس آرمان
تورت مینک تورت یوز حکمت ایتم حقدين فرمان
فرمان بولسه تا اولکونچه سوزلاسام مین

(۱۰۷)
حکمت

تینماین حضر تنکده الله دیسام
زار اینکرابان ذاکر بولوب ربی دیسام
قول بولونک قوللیقینکده بویون سونسام
بو ایش برله یا رب سینی تابقایمومین

زکریاتیک بو باشیمغه ارّه قویسام
ایوب تیکبو تنیمغه قورتنی قویسام
موسی تیک طور طاغیده طاعت قیلسام
بو ایش برله یا رب سینی تابقایمومین

یونس تیک دریا ایچره بالق بولسام
یوسف تیک قدق ایچره تون - کون بولسام
یعقوب تیک یوسف اوچون زار اینکراسام
بو ایش برله یا رب سینی تابقایمومین

شبلی تیک عاشق بولوب سماع اورسام
بایزیدتیک تون - کون تینمای کعبه بارسام
کعبه کا یوزم سورتیب زار اینکراسام

بو ايش برله يا ربّ سيني تابقايمومين

معروف تيك اوشبو يولغه قدم قويسام
منصورتيك جاندين كيچوب دارده قونسام
دار اوزره شوقلانيبان حقني ايسام
بو ايش برله يا ربّ سيني تابقايمومين

قول خواجه احمد قول لوق ايچره ضابط بولسام
ذکر ايتيب ذاکر بولوب ربي ديسام
ذکر نده شوقلانيب کويوب يانسام
بو ايش برله يا ربّ سيني تابقايمومين

اول أَلَسْتُ بِرَبِّكُمْ دیکاننده
قَالُوا بَلَى دیکانيمنى بيلا آلماس مين
وَمَا دِينُكُمْ ديان ينه سورکاننده
دينيم اسلام دیکانيمنى بيلا آلماس مين

الهيّم دين ينه اوچ يول كيلدى خطاب
مؤمن ارواح ربّيم سين ديب بيردى جواب
جواب ايتمانى كافر قيلدى ايزيم وهاب
مين هم جواب ايتكانيمنى بيلا آلماس مين

جمله روح كا شون ساتت ده فرمان بيتى
فرمان بولغاچ دم اوتماين صف قورولدى
كافر چبده مؤمن بنده اونكده توردى
قايسى طرف توركانيمنى بيلا آلماس مين

سجده قيل ديب حقدين ينه فرمان بولدى
سجده قيليب بارجه مؤمن اولوش آلدى
سجده قيلماي قالغانلارى كافر بولدى
مين هم سجده قيلغانيمنى بيلا آلماس مين

اي مؤمن لار و همى برلان بولدوم كريان
بو غم برلان عقليم حيران يوراركيم قان
تندين اوتوب دلدين اوتوب اورتادى جان
نيچوك علاج ايتاريمنى بيلا آلماس مين

خدایم نى قدرتى غه بيتيب بولماس
شقى، سعيد امر قيلدى بيبليپ بولماس
طاقت قيليب خلق ايچنده توزوب بولماس
قايسى طرف كيتاريمنى بيلا آلماس مين

(۱۰۸)
حکمت

اول أَلَسْتُ بِرَبِّكُمْ دیکاننده
قَالُوا بَلَى دیکانيمنى بيلا آلماس مين
وَمَا دِينُكُمْ ديان ينه سورکاننده

دينيم اسلام دیکانيمنى بيلا آلماس مين

الهيّم دين ينه اوچ يول كيلدى خطاب
مؤمن ارواح ربّيم سين ديب بيردى جواب
جواب ايتمانى كافر قيلدى ايزيم وهاب
مين هم جواب ايتكانيمنى بيلا آلماس مين

جمله روح كا شون ساتت ده فرمان بيتى
فرمان بولغاچ دم اوتماين صف قورولدى
كافر چبده مؤمن بنده اونكده توردى
قايسى طرف توركانيمنى بيلا آلماس مين

سجده قيل ديب حقدين ينه فرمان بولدى
سجده قيليب بارجه مؤمن اولوش آلدى
سجده قيلماي قالغانلارى كافر بولدى
مين هم سجده قيلغانيمنى بيلا آلماس مين

اي مؤمن لار و همى برلان بولدوم كريان
بو غم برلان عقليم حيران يوراركيم قان
تندين اوتوب دلدين اوتوب اورتادى جان
نيچوك علاج ايتاريمنى بيلا آلماس مين

خدایم نى قدرتى غه بيتيب بولماس
شقى، سعيد امر قيلدى بيبليپ بولماس
طاقت قيليب خلق ايچنده توزوب بولماس
قايسى طرف كيتاريمنى بيلا آلماس مين

بيرنى گبر و بيرنى كافر يهود قيلدى
بيرنى مؤمن بيرنى كافر يهود قيلدى
عزازيل نى دركاهيدين مردود قيلدى
نه سبب دين قيلغانى نى بيلا آلماس مين

كناهم كوب تاغ دين آغير طاعتيم از
طاعت قيلماي عمروم اوتى قيش و هم ياز
دركاهى كا بارور بولسام يوقنور نياز
نه يوز برلان باراريمنى بيلا آلماس مين

جاندين كيچكان چين عاشق لار اوزين كوردى
روز ازل ينه بيرنى عاشق قيلدى
لطف كرم ابلاب آنكا عشقين سالدى
آنده ديدار كوراريمنى بيلا آلماس مين

زاهد قيلدى ينه بيرنى طاعت اوچون
زاهد ينه طاعت قيلمس راحت اوچون
حور غلمان طوبى ولدان جنت اوچون
زاهد ديدار كوراريمنى بيلا آلماس مين

آخرت نى پراغى نى قىلا آلماديم

يول لار اوزاق يول آزوقين آلا آلماديم
جاندين كيچيب حق امرينى قيبلا آلماديم
آزوق سزين بازاريمنى بيبلا آلماس مين

تويمى قالدېم دم اوتمايين عمرېم اوتى
ملك الموت كيلماكى هم ياووق بيتى
ايا دوستلار عمل سيز مين ياشيم قاتى
نه حال برله كيتاريمنى بيبلا آلماس مين

بير فرصته بيتيب كيلماى اوتماى ساعت
هيبتى كا بير و كوكلار قيلماس طاقت
فرمان بولسه الهيم دين ملك الموت
نيچوك طاقت قيلاريمنى بيبلا آلماس مين

جان آلورغه اول عزرائيل كيليب تورسه
جانينك بير ديب هيبت برله بير چنك اورسه
اوچ يوز التمش تامورلاريم تترار بولسه
نه حال برله باراريمنى بيبلا آلماس مين

اهل عيال يوزونك سارى باقيب توركاى
باقيب توروب سوز ايتورغه تيلينك كيلماى
رحم ايتمسه يقين ايشينك يراق بولغاي
حيران بولوب نيتاريمنى بيبلا آلماس مين

خدایم نی امری برله جانیم آلسه
جانیم آنده باریب تنیم مونده قالسه
رنکیم مثل برك خزان ینکلېغ سولسه
ایمان برله باراریمنى بيبلا آلماس مين

اهل عيال قورشاب توركاى بيبغلاب سینی
يوغوچى لار تخته اوزره آغای سینی
سونى قویوب پاك ایلاکار ظاهریم نی
باطینیمنى یوغانی نی بيبلا آلماس مين

آندین سونکره کفن تونین کیدورکایلار
پاک ناپاک مینی سالیب چولغاکایلار
باش آیاغیم محکم توتوب باغلاکایلار
توبه تونین کیکانیمنى بيبلا آلماس مين

تورت آباغ لیغ تابوتیمنى کیلتورکای لار
مینی سالیب تورت طرفدین کوتارکای لار
ثنا ایتیب جنازه م نی اوقوکای لار
مین هم ثنا ایتاریمنى بيبلا آلماس مين

آندین سونکره مینی سالیب روان بولسه
بیتمیش ایکی یرده مندین سؤال سورسه
جواب بیر دیب فرشته لار وحشت قیلسه
نیچوک جواب بیراریمنى بيبلا آلماس مين

تابوت برله آلیب تورسه کور باشنده
یارانلاریم بيبغلاب تورکای کوب قاشیمده
یالغوز بيبغلاب قورغوم ایل باشنده
آنده نیچوک قیلاریمنى بيبلا آلماس مين

بو حسرنده کور اوى کا کرار بولسام
الوداع ديب بارجه کیتیب یالغوز قالسام
مار کژدم اوفراب تورسه قاچا آلماسام
نه حال برله قاچاریمنى بيبلا آلماس مين

ای مؤمن لار عجب اویدور قرانغو کور
پر وحشت لیک سیاست لیک هیبتى زور
الله اوزى لطف ایلاسه بولور پرنور
لطف ایتماسه نه قیلاریمنى بيبلا آلماس مين

مینی قویوب بیتى قدم کیتار بولسه
منکر نکیر اوشال دمده کیریپ کیلسه
مَنْ رَبُّكَ ديب فرشته لار باقيب تورسه
رَبِّم الله دیکانیمنى بيبلا آلماس مين

قول خواجه احمد منزل خطر يول لار يراق
بارور پرينك ياووق تورور بارمو يراق
توبه قیلیب اوزین بیلکان آلدی یراق
مین هم توبه قیلغانیمنى بيبلا آلماس مين

(۱۰۹)

حکمت

عشقنك قیلدی شیدا مینی جمله عالم بیلدی مینی
قایغو سینسین تونی - کونی مینکا سینوق کرکسن
تعالی الله زهی معنی سین یار اتدنك جسم و جانی
قوللوق قیلام تونی - کونی مینکا سینوق کرکسن

کوزم آچدیم سینی کوردیم کل کونکنی سنکا بیردیم
اوروغلاریم ترکین قیلدیم مینکا سینوق کرکسن
سوز لاسام مین تیلیمده سین کوز لاسام مین کوزیمده سین
کونکلیمده هم جانیمده سین مینکا سینوق کرکسن

فدا بولسون سینکا جانیم توکار بولسانك مینم قائم
مین قلنك مین سین سلطانم مینکا سینوق کرکسن
عالم لارکا کتاب کیراک صوفیلارغه مسجد کیراک
مجنون لارغه لیلی کیراک مینکا سینوق کرکسن

غافل لارکا دنیا کیراک عاقل لارغه عقبی کیراک
واعظ لارغه منبر کیراک مینکا سینوق کرکسن
عالم بارى او جماخ بولسه جمله حورلار قارشو کیلسه
الله مینکا روزی قیلسه مینکا سینوق کرکسن

اوجماخ كرم جولان قیلام نه حورلاز غه نظر قیلام
آنی - مونی مین نه قیلام مینکا سینوق کرکسن
خواجه احمد در منم آتم تونی کونی ینار اوتم
ایکی جهانده امیدیم مینکا سینوق کرکسن

(۱۱۰)
حکمت

سحر لارده قویوب بیغلاب دعا قیلسام
دوستلار خواجه مینی بندم دیکایموکین
یاش اوزینغه فانیم توکوب دعا قیلسام
دوستلار خواجه مینی بندم دیکایموکین

درکاهیغه باشیم قویوب ناله قیلسام
کوز یاشیم نی آقوزوبان ژاله قیلسام
بیابانلار کیزیب اوزوم واله قیلسام
دوستلار خواجه مینی بندم دیکایموکین

قایدا بارسام یادین ایتب بیغلاسام مین
خدمتیدا بیلیم محکم باغلاسام مین
حسرتیده یوراک بغزیم داغلاسام مین
دوستلار خواجه مینی بندم دیکایموکین

هرکون یوز مینک قولوم آچیب آمین دیسام
موسی صفت طور تاغیدا رازین ایتمسام
توقسان توقوز رازین اییتب جانیم بیرسام
دوستلار خواجه مینی بندم دیکایموکین

بایزیددیک بیتمش یولی اوزوم ساتسام
الله تیو دردی بیلان اولوب کیتسام
ریاضت ده اریب ازیب آچیب قاتسام
دوستلار خواجه مینی بندم دیکایموکین

الله اوچون فرزندلاریم یتیم قیلسام
ریاضتده سونکاک لاریم حلیم قیلسام
اهل - عیال، خانمانیم غنیم قیلسام
دوستلار خواجه مینی بندم دیکایموکین

الله دیکان بنده لارنی قولی بولسام
عاشق لارنی کویوب اوچکان کلی بولسام
پول اوستیده تفراق صفت یولی بولسام
دوستلار خواجه مینی بندم دیکایموکین

الله - الله جانیم الله، دلیم الله
سیندین اوزکا پناهیم یوق والله بالله
بیغلاب کیلیم درکاهیگا شیء الله
دوستلار خواجه مینی بندم دیکایموکین

یخشی لارنی صحبتتمده ذاکر بولسام
هر نه جفا تیکسه مینکا شاکر بولسام
ایوب صفت بلاسیغه صابر بولسام
دوستلار خواجه مینی بندم دیکایموکین

آستانکغه باشیم قویوب توبه قیلسام
غیبت قیلغان تیل لاریم نی یوز مینک تیلسام
کنه قیلغان بندلاریمنی پاره قیلسام
دوستلار خواجه مینی بندم دیکایموکین

توبه قیلیم، توبه قیلیم قبول قیلغیل
توبم قبول قیلماس بولسانک جانیم آغیل
یولده قالدیم، یولده قالدیم قولیم آغیل
دوستلار خواجه مینی بندم دیکایموکین

الله اوچون مردانه وار جانیم بیرسام
اهل عیال خانمانیمی تاشلاب کیتسام
جان نه بولغای ایمانیمدین بلکه اوتسام
دوستلار خواجه مینی بندم دیکایموکین

سحر لارده ایرته قویوب حقه یانسم
اولوغ کیچیک کنه لار دین توبه قیلمسام
زار ی قیلیب حضرتیکا بویون سونسم
دوستلار خواجه مینی بندم دیکایموکین

قهار ایکام سندین قورقوب اویغانسام مین
کناهییم غه اقرار قیلیب اینکراسام مین
سحر لارده یقام اوشلاب یالبارسام مین
دوستلار خواجه مینی بندم دیکایموکین

تاشقین کیلکان دریالارده یوز لاسام مین
آزیب قالغان بوته لاردک بوز لاسام مین
اولار وقتده مینک بیر آتینک سوز لاسام مین
دوستلار خواجه مینی بندم دیکایموکین

وا ویلنا ندامت دیب قورقوب قویسام
پیر مغان درکاهیینی تینمای اوپسام
یخشی لارنی خاکپای بولوب اولسام
دوستلار خواجه مینی بندم دیکایموکین

تانک آتقونچه بیغلاب تینمای قورقوب چقسام
سبحان در دین آیتیب دوام اینکراب چقسام
تفراق صفت عاجز بولوب خوارلیق تارتسام
دوستلار خواجه مینی بندم دیکایموکین

قول خواجه احمد جانینک بیرکیل مردانه وار
جاندین کیچیب یولغه کیر سنک کورکونک دیدار

مرادینکنی بیروور سینکا پروردکار
دوستلار خواجم مینی بندم دیکایموکین

(۱۱۱)
حکمت

محبت نی کوچه سینی کیزکان عارف
یخشی بیلور خم کانلارنی علامتین
ارادت دین قول لاریغه حربه آلیب
دفعین ایلار مضرت نی سلامتین

انداغ عاشق ایاقیغه باشین قویسه
بنا قویمای نفس هوانی کوزین اویسه
شوق شرابین ایچیپ تاکه روحی قانسه
هیچ آغزندین سالماس توبه ندامتین

یولین تابیب باطن کوزی آپیلکانلار
خار - خسدیک ایاغ آستی یانجیلکاناپار
برک کلدیگ سولوب توزوب ساجیلکانلار
عار آلماس اول خالایق ننگ ملامتین

صوفی کیراک قنیمزی نی قیلسه صافی
طاعت قیلسه مانندهء بشر حافی
آندین سونکره وعده سیغه بولار وافی
بیشک کورار هر کیم کشف کرامتین

رجال لا تلهیهم دیب ایدی خدا
اوشل مردان ماسوی دین بولور جدا
ذکرین اینیب هر نفسده اولسه روا
تاپار هر دم غوث الغیاث جلالتین

لاهورت آرا مرید اکر مقام توتسه
درویش لیکده قرق تورت مقام آندین اوتسه
شیخ مین تیو بنا قیوب اوتنی یوتسه
بی مشقت تابماس ایمان حلاوتین

دور ایاغی بیتیب کیلیدی ای بی خبر
ایچرور قویمای نیچه اکر قیلسنک حذر
وا حسرتا ایمانینکده کوبتور خطر
قوتولماس سین بیرمای آنی امانتین

قول خواجه احمد ظاهر اعمی یول داشتی
طالب لارنی صحبتی دین یراق قاچتی
قریب جوکوب حق بولیغه عقلی شاشتی
تانکلا بارسه کورماس کورنی فراغتین

(۱۱۲)
حکمت

بو عالمده حقدین قورقوب زار اینکراسام
آخرت ده روحوم آرام آلاموکین
ایرانلارنی باسقان ایزین کوزکا سورسام
پیر مغان مین یولغه سالارموکین

باشیم بیریب، بیلیم باغلاب، قیلسام اخلاص
نفس شیطان چنکالیدی بولسام خلاص
جان بیرارده مدد قیلسه خضر الیاس
غوث الغیاث ختم یس قیلارموکین

تاغ جول لار کناهیم دین قیلماس طاقت
هر کون یوز مینک جرم عصیان مینکا عادت
بر ایش برلان آخرت ده بارمو راحت
توبه قیلسام عادیلاریم قالارموکین

آستانه کا باشیم قویوب زاری قیلسام
غریب یتیم باشین سیلاب دعا آلسام
حقدین قورقوب دنیا ایشین آرقه سالسام
خواجه م منی حال دلیم سورارموکین

آدم صفی سنت لارین تیل کا آلسام
یاربانا ظلمنا دیب ناله قیلسام
بیابانده کوز یاشینی ژاله قیلسام
بیر و باریم مینی یولغه سالارموکین

سحرلارده زاری قیلیب بیغلاسام مین
جان بیرارده بیلیم محکم بغلاسام مین
شوقی برلان یورک بغریم داغلاسام مین
حق چراغی قیریم ایچره یانارموکین

باشیم تنیم تفریق قیلیب فنا بولسام
دیدار تیلاب حسرتیده ادا بولسام
اهل عیال خانمان دین جدا بولسام
دوستلار خواجه م مینکا رحمی کیلارموکین

شیطان لعین یولدین اوردی حالیم تباه
بیغلامایمو نفسیم مینی قیلیدی هوا
عالم خلقی باسیب اوتسه مینی اوا
کافر نفسیم عزازیل دین تانارموکین

غریب جانیم حق یولیده نذر ایلاسام
شاه حسین دیک کربلاده سوساب اولسام
حق شرابین ایچر مین دیب تشنه کیتسام
آنده بارسام سوسون لاریم قاناموکین

اصحاب لاردیک دین تلاشیب باشم بیرسام
شهربانو امام لاردیک بیغلاب یورسام

الله اوچن كافر لار كا اسير بولسام
رحمن ايكام سينكا مقبول بولار موكين

شرمنده مين شرمنده مين قولوم آلکیل
يولدين آزغان درمانده مين يولغه سالکیل
الله دييان فنا بولدوم رحم ايلاکين
عاصی لارغه فيض فتوح بيرار موكين

ای عاصی لار توبه قیلغیل حق اشتسون
نالہ نکیزدین بیر و کوك لار نالہ قیلسون
ملائك لار حقدین تیلاب اولوش بیرسون
اولوش آلغان قول نی غمی بولار موكين

عقلیم، حیران کوزوم کریان، خانه ویران
حق یولینی بیلاماس مین اوزوم نادان
ای طالب لار بی طاقت مین قایدا [قاندا] جانان
جانانیم دین هیچ کیم خبر بیلاموकिन

جانانه نی تاپای دیسنک سحر تورغیل
عاشق لار نینک مجلسی کا اوزونک اورغیل
حقی ایزلاب بیغلاب یوروب ماتم قورغیل
ماتم قورمای طریقت کا کرار موकिन

حق وصلی غه بیتای دیسنک زاری قیلکیل
ذکرین اینتیب ایرانلارغه یاری بیرکیل
جفا تارتیب ایرانلاردین اولوش آلکیل
اولوش آلمای دیدارینی کورار موकिन

قول خواجه احمد هر نه دیرسین بولهوس سین
حقدین قورقوب آخرت قه غم بیماس سین
باشینک برله تونلار قاتیب هو بیماس سن
بولهوس نی خواجه م قبول قیلار موकिन

(۱۱۳)
حکمت

سحر وقتده قوجوب بیغلاب ناله ایلا
نالشینک دین بیر و کولار نوا قیلسون
حقه سیغنیب کوز یاشینکنی ژاله ایلا
آندین سونکره حق دردینک کا دوا قیلسون

چین دردلیک نی الله سویوب بندم دیدی
اوج یوز آلتیمیش باقیب آنی غمین یدی
ملایک لار یاشین آلیب تحفه قیلدی
قان بیغلاغیل یاشینک آلیب کواه قیلسون

یوز مینک کناد صادر بولدی بیلامادینک
توبه قیلیب درکاهی کا کیلامادینک

خدمت قیلیب یخشی دعا آلامادینک
بازوق لاردین سینی نه دیب جدا قیلسون

بو عالمده رسوا بولوب قان یوتمسنک
شریعت ده طریقت ده پیر توتمسنک
حقیقت ده جان تندین پاک اوتمسنک
غفلت لاردین سنی نه دیب جدا قیلسون

ایرانلارنی قیلغان لارینی قیلامسنک
پیرسیز یوروب ورد اوراد بیلاماسنک
استعانت تیلاب دعا آلامسنک
خاص بزرک لار سینی نه دیب دعا قیلسون

دام تزویر قویوب خلقنی یولدین اوردونک
شیخ لیغ قیلیب ریا برله دوکان قوردونک
عشرت قیلیب شیطان برله دوران سوردونک
دیداریغه سینی نه دیب روا قیلسون

لطف کرم حق یاراتی سیزلار اوچون
جان و دلدہ خدمت قیلمای سیزلار زبون
الله اوچون بحث اینتارمین تبفون سخون
ناپاک لارکا نه دیب لطفین عطا قیلسون

کیچه یاتمای خواب غفلت حرام قیلسه
ذکر قلب و ذکر سرنی تمام قیلسه
مینک بیر آتین تسبیح اینتیب کلام قیلسه
بنده نه دیب درکاه کا خطا قیلسون

امر معروف نهی منکر بیلیب قیلسه
یانتسه قوبسه بیر خدای نی حاضر بیلسه
تا اولکونچه خواجه سیغه خدمت قیلسه
قوت بیروور آنی نه دیب دوتا قیلسون

بی نماز و بی طاعت کا بیرماس قوت
فعلی ضعیف اوزی معیوب بیرماس همت
رزقی ناقص اوزی ناجنس کورماس دولت
اول فاسق نی دلین نه دیب صفا قیلسون

حیف آدم اوز قدرینی اوزی بیلماس
من لیک قیلیب یخشی لارنی کوزکا ایلماس
هو صحبتین قورکان بیرکا قاجیب کیلماس
اول بی وفا عهده نه دیب وفا قیلسون

آدم اول دور فقیر بولوب یولده یانتسه
تفراق صفت عالم انی باسیب اوتسه
یوسف صفت برادری قول دیب ساتسه
قول نی قولی اول قول نه دیب هوا قیلسون

شوقی ذوقی محبت دین عیان قیلغیل
عاشق لارکا عشق اوتی دین بیان قیلغیل
خوارلیق زارلیق مشقت نی نشان قیلغیل
چین عاشق لار اوتدین نه دیب حذر قیلسون

الله دبیان اوتقه کیردی خلیل الله
اوشل اوتنی بستان قیلدی کورونک الله
بوینین قسیب بیغلاب ایدی شیئا الله
فقیر مسکین اونده نه دیب هوا قیلسون

حقه عاشق صادقاری یورور خلوت
تانکلا بارسه حق قاشیده کورار عزت
جنت کیریپ دیدار کورار عیش راحت
پنهان یورار خلقه نه دیب ریا قیلسون

قول خواجه احمد درد حالت پیدا قیلغیل
جان و دل نی حق یولیده شیدا قیلغیل
دردین تارتیب روز محشر غوغا قیلغیل
درد بولمسه مولیم کیمکا شفا قیلسون

(۱۱۴)
حکمت

بیر کون کیلدی ابو بکر سلمان بیلان
حق مصطفی رازین آجتی رحمن بیلان
بارجه بارور بو دنیا دین ارمان بیلان
ایلکین بولوب حقه و اصل بولماق اوجون

عزرائل بیر کون کیلدی فرمان بیلان
فاطمه سلام بیردی اکرام بیلان
حق مصطفی مشغول بولدی ایمان بیلان
اسیغ تن دین عزیز جان نی بیرماق اوجون

رسول ایدی صحابه لار بحیل بولونک
آخرت قه اولاندوق سیز انوق ببیلینک
روزه توتونک، نماز اوقونک، زکوة بیرینک
جهنمدین اوزنی آزاد قیلماق اوجون

دوشنبه کون حق مصطفی دنیا قویدی
حق تعالی فرمانی غه بو یون سوندی
ابن عباس سونی قویدی علی یودی
اوچماق ایجره حله تونین کیماق اوجون

الله دبیان صحابه لار تبراندیلار
پیغمبرنی جنازه سین کوتاردیلار
اول سدره المنتهی غه اشوردیلار
عرش اوستیغه تیکوروبان قویماق اوجون

آسمانده کی فرشته لار بیرکا ایندی
پیغمبرنی نوری برلان عالم تولدی
بابام تیو فاطمه کریان قالدی
باباسیدین یتیم بولوب قالماق اوجون

قول خواجه احمد کوهر ینکلیغ حکمت ایدی
ایرانلارکا خدمت قیلیب نظر تابدی
توقسان توقوز مینک حکمت ایتیب داستان قیلدی
داستان قیلیب بوستان ایچره یورماق اوجون

(۱۱۵)
حکمت

قُلْ هُوَ اللهُ، صُبْحَانَ اللهِ ورد ایلاسام
بیر و باریم دیدارینکنی کورار مین مو
باشدین آیاغ حسرتینکده درد ایلاسام
بیر و باریم دیدارینکنی کورار مین مو

ایلک بیرده چول لار گیزیب کیهه دیدیم
تاغ لار چیقیب طاعت قیلیب کوزوم اویدیم
دیدارینکنی کورالمادیم جاندین تویدیم
بیر و باریم دیدارینکنی کورار مین مو

ایلک ایکی باشده کیچتیم خانمان دین
خانمانیم نه کورونکای بلکه جان دین
باش دین کیچتیم، جان دین کیچتیم، هم ایمان دین
بیر و باریم دیدارینکنی کورار مین مو

ایلک اوجده وحدت می دین روزی قیلدی
یولدین آزان گمراه ایدیم یولغه سالدی
الله دیدیم لَبَّيْكَ دبیان قولوم آلدی
بیر و باریم دیدارینکنی کورار مین مو

ایلک تورته وجودلاریم نالان قیلدی
معرفت نی میدانیده جولان قیلدی
اسماغیل دیک عزیز جانین قربان قیلدی
بیر و باریم دیدارینکنی کورار مین مو

ایلک بیش ده دیدار اوجون کدا بولدوم
کویدوم، یاندوم کل دیک تقی فنا بولدوم
بِحَمْدِ اللهِ دیدار ایزلاب ادا بولدوم
بیر و باریم دیدارینکنی کورار مین مو

ایلک آلتی یاشقه بیته موکلوغ باشیم
توبه قیلدیم آقار موکین کوزده باشیم
ایرانلار دین بهره آلمای کونکلی تاشیم
بیر و باریم دیدارینکنی کورار مین مو

ایللیک بیتتی یاشده عمروم بیلدیک اوتی
ایا دوستلار عمل سیز مین باشیم قاتی
بِحَمْدِ الله پیر مغان قولوم توتی
بیر و باریم دیدارینکنی کورار مین مو

ایللیک سیکز یاشقه کیردیم مین بی خبر
قهار ایکان نفسمنی قیل زیر و زبر
همت بیر سنک شوم نفسمکا اورسام
بیر و باریم دیدارینکنی کورار مین مو

ایللیک توقوز یاشقه یتیم داد و فریاد
جان بیر ارده جانانیمی قلمادیم یاد
نه یوز برله سینکا اینای قیلکیل آزاد
بیر و باریم دیدارینکنی کورار مین مو

کوزوم یوموب تا آجقونچه یتی آلتیمیش
بیلیم باغلاب مین قیلما دیم بیر یخشی ایش
کیچه کوندوز بی غم یوردوم مین یاز و قیش
بیر و باریم دیدارینکنی کورار مین مو

آلتیمیش برده شرمنده مین کناهیم دین
ایا دوستلار کوب قورقه مین الهیم دین
جان دین کیچیپ پناه تیلای خدایم دین
بیر و باریم دیدارینکنی کورار مین مو

آلتیمیش ایکی یاشده الله پرتو سالدی
باشدین - آیاغ غفلت لاریم رها قیلدی
جانیم، دلیم، عقلم، هوشیم، الله دیدی
بیر و باریم دیدارینکنی کورار مین مو

آلتیمیش اوچده ندا کیلدی قول بیرکا کیر
هم جانینک مین، جانانینک مین جانینکنی بیر
هو شمشیرین قولغه آلیب نفسینکنی قیر
بیر و باریم دیدارینکنی کورار مین مو

قول خواجه احمد نفس نی تیفتیم نفس نی تیفتیم
آندین کین جانانیمنی ایزلاب تابنیم
اولماس بورون جان بیرماک نی دردین تارتیم
بیر و باریم دیدارینکنی کورار مین مو

(۱۱۶)
حکمت

نور خدا، دوست خدا، اول مصطفی
کیم لار اوچون کیلدی رسول بیلکدینکز مو
درود خدا، ورد خدا، حق مصطفی
کیم لار اوچون کیلدی رسول بیلکدینکز مو

کیم لار اوچون کریان قیلدی کوزلارینی
امت اوچون بریان قیلدی اوزلارینی
امت بولسانک آنکلا اوشبو سوزلارینی
کیم لار اوچون کیلدی رسول بیلکدینکز مو

بیغلای - بیغلای یوز کوزلاری ششتی کورینک
قیام توروب ایغلاری ششتی کورینک
امت اوچون قایغو محنت چیکتی کورینک
کیم لار اوچون کیلدی رسول بیلکدینکز مو

ایا دوستلار مونی بیلور امت قانی
اگر بیلسنک آندین ارتوق نعمت قانی
قیامت کون آندین اوزا شفقت قانی
کیم لار اوچون کیلدی رسول بیلکدینکز مو

امت بولوب رسول قدرین بیلدینکز مو
تن جان برله سنت لارین قیلدینکز مو
رسول اوچون زار اینکرابان اوتدینکز مو
کیم لار اوچون کیلدی رسول بیلکدینکز مو

هیئات هیئات سعادت دور اول مصطفی
هیئات هیئات عنیمت دور اول مصطفی
هیئات هیئات عنایت دور اول مصطفی
کیم لار اوچون کیلدی رسول بیلکدینکز مو

قول خواجه احمد سوزلار سوزونک تلیم قفا
امت لاریم قیلغیل وفا، قیلمه جفا
امتی کا مونداغ دیدی حق مصطفی
کیم لار اوچون کیلدی رسول بیلکدینکز مو

(۱۱۷)
حکمت

بیدار بولغیل ای مؤمن سحر وقتی ایچنده
قوتقار اوزونکنی اوتدین سحر وقتی ایچنده
سحرلاردا اول کل لار ثنا ایتور بلبل لار
کیم ایتور کیم بیر و بار سحر وقتی ایچنده

سحر وقتیدا کونک دین ملک کلور مؤمن غه
یازوق لاردین یانورغه سحر وقتی ایچنده
سحر وقتیدا کونک دین جنت قوغی احار لار
بیدار قلغه سنجالار لار سحر وقتی ایچنده

سحر وقتیدا قویغا اولومنی یاد قیلغای
قورقونچه دین کوککه اوچقای سحر وقتی ایچنده
سحر لذتی نی عاشق قول لار بیلورلار
حق نی حاضر کورار لار سحر وقتی ایچنده

سحر وقتی خوش ساعت هم جنت ایرور راحت
تنکرینکه قیل عبادت سحر وقتی ایچنده

(۱۱۸)
حکمت

کناهم باره باره حدین آشتی
قیامت کون مینی شرمنده قیلمه

باسیم یاستوقده و جانیمکیترده
تنیم باریب لحد ایچره یتارده
صراط التیغ کذارگاه دین اوتارده
قیامت کون مینی شرمنده قیلمه

یوزوم قراسنی آق ایلاکای سین
محمّندی مینکا یار ایلاکای سین
سورار وقتده اوزونک بندم دیکار سین
قیامت کون مینی شرمنده قیلمه

کناهم نینک حسابین یوق بلیب مین
سینی درکاهینکه یالغوز کیلیب مین
اوزونک رحم ایلاکیل بیچار قول مین
قیامت کون مینی شرمنده قیلمه

سینینک امرینک بلان ایش قیلما دیم مین
بو دنیا دین کیتاریم بیلما دیم مین
لحد ایچره یتاریم بیلما دیم مین
قیامت کون مینی شرمنده قیلمه

بو یاتغانلاردین عبرت آلمادیم مین
کوزوم یاشین توکوب یالبار مادیم مین
کتاب سوزین قولاقغه آلمادیم مین
قیامت کون مینی شرمنده قیلمه

یولوم نی باشقاره آلمای یولدا قالدیم
ایکام قوللو غینی مین آرقه سالدیم
کناهم نی بیغیب مین قولغه آلدیم
قیامت کون مینی شرمنده قیلمه

خداوندا عجب حیران ده بولدوم
کناهم نی کوروب شرمنده بولدوم
حسابین تاپمایین درمانده بولدوم
قیامت کون مینی شرمنده قیلمه

غریب لیقدا یوروب مین زار حیران
خواجه م سین مینکا بیر کیل نور ایمان
مینیک مشکل لاریم نی ایله آسان
قیامت کون مینی شرمنده قیلمه

غریبنک نی وصالینک کا یتورکیل
صراط آتلیق کذارگاه دین اوتورکیل
خواجه! سین جرم - عصیانم کچورکیل
قیامت کون مینی شرمنده قیلمه

(۱۱۹)
حکمت

دم بو دم دور اوزکا دم نی دم دیمه
دنیا دین بی غم اوتار سین غم دیمه
کویمه جان دلینک هم استخوان
کوز یاشینک آقان بیلله سین نم دیمه

خواه کولسه بیغلاسه عاشق ایلی
چهره سرخین کوروب بی غم دیمه
اصل نسلینک قطره آب مینی
خس نی کورسنگ سین اوزونک دین کم دیمه

آدمیده ذره معنی بولماسه
سین آنی آدم کوروب آدم دیمه
تویماسه سر معنی دین آدم ایماس
سین آنی صورت کوروب محرم دیمه

کر یورکده بولماسه یور داغ درد
زینهار قاجقیل آنی همدم دیمه
تیکسه بیلکان آبدار خنجری
جان بیورور جانانه غه مرهم دیمه

دوستلار دیوانه ایرماس هر کیشی
غر و جاه دین کیچماسه آدم دیمه
مثل دنیا یوزیده یورکان خسی
های - هوی دیکان بیلان محکم دیمه

احمدا توتقیل غنیمت هر نفس
یارسیز اوتکان بو دم نی دم دیمه

(۱۲۰)
حکمت

ایا شاهی دو عالم پادشاهی
ایرورسن بنده نی پشت پناهی
تیلاب دایم سینی اول ذات پاکینک
شیاطین شری دین بیرکیل پناهی

بو شیطان شری دین کیمکا قاجار مین
سینی آلدینکده دور سری کماهی
خداوندا سینکا مین یاندیم ایمدی

اوزونك سين بارجه كا رازق الهى

كراماً گاتيين آتليغ فرشته
ببایان قم لاریدین کوب کناهی
محمد کیم ایرور هادی عالم
اوشال کونده بولادور دادخواهی

اوقوب نامم نی کورسام هیچ عمل یوق
باشیم قویی سالیب بولغوم تباهی
که مین دیرمین: بو ایش نی قیلغانیم یرق
تمام اعضالاریم بولغای کواهی

اولوم نی دستیدین هیچکیم قوتولماس
قلندر بول باشینکا کی کلاهی
جهنم اوستیده تارتیغ صراطی
کوروب بنده اورار افسوس آهی

خواجه احمد یسوی! سین بیغلا دایم
اسیغ قیلماس سینکا تنکلاکی آهی

(۱۲۱)
حکمت

ناکهان توروریمده کونکوم ایچره
حق مولیم نی نظرکاهی توشتی بولغای
قرق بیلیق زنکار باسقان کونکوم ملکین
حق یادینی نوری برله آجتی بولغای

ذاکرلاری جمع بولوب توزولمیشده
ذکر سماع دیز توسونی قورولمیشده
برین عقبی دنیا سیدین اوردلیمیشده
کونکل قوشی حضرت تبا اوجتی بولغای

هیچ بیلماس مین نیچوک بولغای مین ایشیم
آنینک اوچون آقار دایم کوزده یاشیم
سحرلارده قویوب حقدین تیلامشیم
فرشته لار آمینی غه توشتی بولغای

مونکلوغ جانغه یقین تورور حق درکاهی
ندامتده یتارموکین برار اهی
قایسی کونکل بولسه حق نی نظرکاهی
حق نظری ایچکا تولوب ناشتی بولغای

حق ایشین حق لیق اوچون بیوردیلار
اوزلارینی خلق لار ارا یتوردیلار
محنت لارین نعمت ینکلینگ کوتاردیلار
بغری قانلیغ کوزی یاشلیغ تولدی بولغای

محب قول لار محبوی غه قابردیلار
دنیا قویوب دین ایشی غه اوکوردیلار
عاشق قول لار الله تیو تیراندیلار
شیطان نی زهری یاریلیب قاچتی بولغای

الله دیکیل ای قول احمد! اوزونک بیلکیل
اوزونک بیلیمیش علمینک برله عمل قیلکیل
اولوغ کیچیک یارانلار دین عذر قیلکیل
سین بیلماسده سیندین خطا کیچتی بولغای

(۱۲۲)
حکمت

ایا دوستلار یورک، بغریم بولدی کباب
حقیقت لیغ عاشق جاندین اوتی بولغای
عشق پرتوی کونکل ملکین قیلدی خراب
اول سبب دین عقل هوشوم کیتی بولغای

عشق سیز کیشی آدم ایرماس انکلاسنکیز
بی محبت شیطان قومی تینکلاسنکیز
عشق دین اوزکا سوزنی اکر سوزلاسنکیز
ایلکینز دین ایمان اسلام کیتی بولغای

میخانه غه کیرکان عاشق سرّی عیان
بغری بیشیب یاشی آقیب قیلور افغان
بیخود یورار قایدیه بارسه خانه ویران
بیشک بیلنک وحدت می دین تانی بولغای

عشق توشتی بو باشیمغه حیران بولدوم
خانماندین کیچیپ تقی سرسان بولدوم
ایکی عالم بر باد اوروب عریان بولدوم
جیقان آهیم نه فلک کا یتی بولغای

عاقل ایرسنک حقدین اوزکا سوزلار حرام
تا تریک سین پیر خدمتین قیلغیل مدام
الله دیسنک شیطان لعین سینکا غلام
الله دیماس دین لارینی سانی بولغای

عمری ضایع اوتکانلار عشق نی بیلماس
جاندین کیچکان دیوانه نی کوزکا ایلماس
هو صحبتین قورغان بیرکا قاجیب کیلماس
جانی کونکلنی تاشدین بتر قاتی بولغای

الله سویکان بنده دایم بیغلاب یورار
حقدین قورقوب رازین ایتیب سحر تورار
یحیی صفت تینمای بیغلاب ماتم قورار
بو دنیانی آرقه تاشلاب آنی بولغای

عاشق لارنى ايشى ايرور سوز و كداز
عاشق لارنى حاجت لارى روزه نماز
روز محشر كوز ياشى دور حقه نياز
عارف عاشق درد و الم تارتى بولغاي

عاشق لارنى آغزى خندان دلى لرزان
الله اوجون كوزده ياشى، بغرى بريان
جانى ذاكر، كونكلى شاكِر، فكرى جانان
انشاء الله قيل كوفروكى اوتى بولغاي

عاشق لارى خلق ايچنده كويوب بيغلار
ظاهر خنده باطن لارى يورك داغلار
اجل استاب اولماك اوچون بيلين باغلار
معشوقى غه عرض حالين ايتى بولغاي

عاشق لارى ملامت دين قاجماس بولور
نادانلاركا باطن سرين آچماس بولور
هر نامردكا درّ و گوهر ساچماس بولور
اوزى اوقوب خون زرداب يوتى بولغاي

پير مغان سويكان عاشق هواسى يوق
يوز مينك تورلوك طاعت قيلسه بناسى يوق
اي دوستلاريم عشق دردينى دواسى يوق
تونلار قوبوب پير ايتاكن توتى بولغاي

پير مغان نظر قيلسه بيركاي دوا
هاى - هوس، ما و من ليك بولغاي ادا
آندين سونكره شيطان لعين سيندين جدا
تار لحدده ايمان برلان ياتى بولغاي

قول خواجه احمد حق سوزينى سوزلار مدام
حق دين اوزكا سوزلار بارى ايرميش حرام
روزي قيلسه اورنونك بولغاي دارالسلام
مغفرت نى درياسيغه باتى بولغاي

(۱۲۳)
حكمت

شريعت ده مرشد بولغان غالب قول لار
شريعت دين آلاز منزل آلور بولغاي
نمازيغه شروع قيلكان مؤمن قول لار
اوجماخ اويين اميد توتوب تورور بولغاي

ملك الموت فرمان برله جانيم آلسه
اغا اينى بارچه بيغليب قويوب يانسه
بيتي قدم باسقاندين سونك قالور بولسه
منكر نكير كيريب سؤال سورار بولغاي

منكر نكير كيريب سؤال سورار بولسه
اول عمود اوتلوع برله اورار بولسه
باشيم كويوب جانيم، تنيم اوتقه يانسه
قيناب جانيم تار لحدده كويار بولغاي

تورت ووز قرق تورت پيغمبر مرمل نبى
قالمادى بو جهاندين اوتى بارى
كل نفس ذائقة الموت ايتى
قرآن ايچره آندين خبر بيورور بولغاي

شريعت دين طريقت دين بيان بولدى
حقيقت دين قرآن سوزى كلام بولدى
بو جهانغه محمدنى نورى تولدق
اول نور برلان ايكي جهان يارور برلغاي

خوش دولت دور ولايت ده پادشاه بولسه
عادل بولوب بير مؤمن نى قاضى قيلسه
اوشال قاضى بارچه خلقتى راضى قيلسه
راضى ليق دين اوجماخ اويين آلور بولغاي

مؤمن قول لار نماز اوقوب بولسه فارغ
اوشال قولنى رنكى بولغاي موناغ سارغ
اول خدمت حق قاشيده بولسه لايع
حور قيزلارى قرشو كيليب قوچار بولغاي

بعضى كيشى نماز قدرين قاجان بيلور
هر نمازده ايمان باشدين تازه بولور
صلوة ديبسه غافل باشين بوركاب اويور
غافل ليق دين عمرين بيل كا ساتار بولغاي

قول خواجه احمد قول مين ديسنك طاعت قيلغيل
قيامت نى كيلماكى نى ياقين بيلكيل
حقه ياووق بولاي ديسنك طاعت قيلغيل
طاعت قيلغان حقه ياووق بولور بولغاي

(۱۲۴)
حكمت

محبت نى شوقى برله يا راستاكيل
روزه نماز اوغانيم نى فرضى بولغاي
محشرگاه ده عدلى برله سورار بوله
عاشق لارنى بير خدای غه عرضى بولغاي

عرضى شولدور خدایى غه مينك داد ايتار
حاليم كور ديب ياشين ساچيب فریاد ايتار
نعره تارتیب محشرگاه نى آباد ايتار
عاشق لارنى بير خدای غه عرضى بولغاي

چين عاشق لار دايم تبريك اولكان ايماس
ارواح لارى بير آستيغه كيركان ايماس
زاهد عابد بو معنى نى بيلكان ايماس
چين عاشق لار خلاق نى خضرى بولغاي

يازوق لاردين قورقوب اوزى بيغلاب تورار
روز محشر نثار مين ديب قانلار يوتار
صراط آتليغ كذر كاهده ياشى قاتار
خواجه سيغه شكست ليغ عرضى بولغاي

ذره عشقى كيمكا توشسه نالان قيلور
كوز ياشين آقوزوبان عمان قيلور
هر نه تابسه حق يولیده احسان قيلور
بخيل لارنى عداوتى بغضى بولغاي

عاشق لارنى ياش اورنى غه قانى آقاي
ملايك لار هر طرفدين نورلار ياققاي
غافل بولسه حاضر بول ديب اوزى باققاي
چين عاشق لار بو دنيانى جغذى بولغاي

اهل دنيا آخرت دين پرواسى يوق
روحى تنها ايمان اسلام همراسى يوق
طريقت يول اداشقان هيچ پرواسى يوق
بنده مين دير تيلي برله اغزى بولغاي

كيچه الله، كوندوز الله، تينماي يورار
الله شمعى پروانه ديك اوزين اورار
ليلي مجنون فرهاد شرين دورين سورار
حق تعالى عاشق لارنى سوزق بولغاي

عاشق كويسه خاص معشوقى بركا كويكاي
مجازيلار كويمى تورور جاندين تويكاي
چين عاشق لار كويكان سرى پرنور بولكاي
اول سببدين معشوقى غه نازى بولغاي

اوتقه يانماس سالسه اوتدين عاشق كيشى
بير و كوكنى بوستان قيلغاي آققان ياشى
الله ديسه بيشك يارور ايچى تاشى
كويماق يانماق عاشق لاركا بازى بولغاي

جمله عاشق بيغليب باركاي دركاهى غه
ياشين ساجيب افغان قيليب باركاهى غه
بيتي دوزخ طاقت قيلماس بير آهى غه
رحمن ايكان عاشق لاركا قاضى بولغاي

عاشق لارنى بيتى كوك كا بيتار آهى
الله ديسه يكسان بولور هر كناهى
عاشق لارنى رحمن ايكام تكيه كاهى

عزيز باشى خلاق نى ايدى بولغاي

عاشق لارنى كوب كويدوركان حق ديدارى
آنينك اوچون تينماي بيغلاب قيلور زارى
وعده قيلغان عاشق لارى كورار آنى
حق جمالى كوز ياشيني مزدى بولغاي

عاشق لارى حقه باقيب نعره تارتار
ملايك لار تحفه قيليب حقه ايتار
شوق شرابين ايچكان عاشق شوقى آرتار
شور افغان خلاق نى توزى بولغاي

مى جان بخش ايچكان عاشق آنده سلطان
آنينك اوچون حق يولیده جاني قربان
تانكلا بارسه ديداريغه قيلور مهمان
زمستانده مى ايچورسه يازى بولغاي

پنهان يورور كيمنى كورسه عاشق قيلور
لطف ايلاسه كذاب لارنى صادق قيلور
حقدين قورقان دركاهى غه لايق قيلور
ظاهر اعمى باطن ايچره كوزى بولغاي

عاشق يانار خلقدين تانار الله راضى
عاشق ليق نى آرزو قيلغان شهيد غازى
حاجت ايرماس عاشق لاركا كوب و آزى
قطره ياشى حق موليم نى نذرى بولغاي

جنون ايچره باشين يار غان قانى جارى
ذكرين ايتسه الله اوزى بير و بارى
سحرلارده قان بيغلاماق كار وبارى
عاشق لارى هركون يوز مينك غازى بولغاي

قول خواجه احمد مالى يوقتور نذرى باشى
تانكلا بارسه خواجه سيغه تحفه ياشى
عجز و نياز شكسته ليغ قيلغان ايشى
اشك سرخى روى زردى عذرى بولغاي

(۱۲۵)

حكمت

سبحان ايديم فرمان قيلسه قدرت بيله
عاشق لارى غوغا قيليب يورور بولغاي
محشر كاهده افغان قيليب ياشين توكوب
ايلكا اوزين كمراه قيليب يورور بولغاي

عاشق لارنى حق قاشيده يوز نازى بار
نعره تارتسه ذره هر كز قالماس ينار
روزه نماز تسبيح لارى پروردكار

باطن لاری کویا قیلیب یورور بولغای
حقنی ایزلاب همراه لاری زاغ و زغن
حاجت ایرماس عاشق لارکا باغ چمن
رحلت قیلسه جوروک ایکنی آنکا کفن
خضر والیاس همراه قیلیب یورور بولغای

عاشق لارنی کوز یاشیدور باغ و بوستان
آنده سیرار علی الدوام هزار داستان
ظاهر لارین بوزوب یورار خانه ویران
حق قدرتین انشا قیلیب یورور بولغای

بیخود بولوب کویوب یورار مست و حیران
الله تیو کوزده یاشی بغری بریان
نعره اوروب فریاد ایئتیب قیلور افغان
الله یادین ثنا قیلیب یورور بولغای

قادر ایکام قدرت بیله صلح ایلاسه
جنت ایچره کیرار عاشق امر ایلاسه
نعره تارتیب فریاد ایئتیب ورد ایلاسه
می نوش ایئتیب سماع قیلیب یورور بولغای

کیچه - کوندوز بیغلا دایم بردم تینمای
تیلدین الله یادین ایئتیب هارب تالمای
کوزده یاشی آفماس هرکز بغری کویمای
یاشین آلیب کواه قیلیب یورور بولغای

محبت نی براقی نی مینیب یورکان
آندار عاشق طریقت ده جولان قیلکان
سر شرابین ایچیب ازل روحی قانغان
عشق بابنده ندا قیلیب یورور بولغای

دوزخ ایچره کیرسه عاشق پروا قیلماس
کوروب بیلیب مال ملکنی قولغا آلماس
حور و قصور غلمان لارنی کوزکا ایلماس
فریاد ایئتیب غوغا قیلیب یورور بولغای

قهار ایکام قدرت بیله ندا قیلسه
دیدار اوچون کویکانلاریم کیل کیل دیسه
کوز یاشینی آقوزوبان فریاد قیلسه
عقل هوشین دانا قیلیب یورور بولغای

رحمن ایکام رحمی برله ندا قیلکای
حزین ندا ایشتیب عاشق جانی کیرکای
صقاً صقاً بولوب عاشق باس کوتارکای
عسق اوزین یکتا قیلسه یورور بولغای

عاشق بولوب حکمت ایدی قول خواجه احمد

صدقی برلان ایشیتکانکا یوز مینک رحمت
ایمان عطا قیلغای تنکریم تاج دولت
عاشق دلین صفا قیلیب یورور بولغای

(۱۲۶)
حکمت

اول هو، آخر هو دیب بیخود بولکیل
حق جمالین کورساتمسه ضامن بولای
ظاهر هو، باطن هو دیب یولیغه کیرکیل
حق جمالین کورساتمسه ضامن بولای

لا إله إلا الله دیب زاری قیلکیل
حق ذکرینی هرکیم ایتسه یاری بیرکیل
بیر مغان خدمتینه یوکوروب یورکیل
حق جمالین کورساتمسه ضامن بولای

تیلده آلکیل لا إله إلا الله
ایچکا سالغیل هر نفسده بولکیل آگار
بیر مغان نظر قیلکای سنکا ناکاه
حق جمالین کورساتمسه ضامن بولای

ادهم صفت سوا بولوب دنیا تیبکیل
کیمنی کورسنک خضر بیلیب قولین اوپکیل
جمالنی کورای دیسنک سحر قوپ غیل
حق جمالین کورساتمسه ضامن بولای

الله دیکان بنده لارنی قولی بولکیل
تفراق صفت یول اوستیده یولی بولکیل
عاشق لارنی کویوب اوچکان کلی بولکیل
حق جمالین کورساتمسه ضامن بولای

ذاکر بولوب شاکر بولوب حقنی سویکیل
سحر وقتده قویوب نفسنک کوزین اوپکیل
بایز یددیک عاشق بولوب دنیا قویکیل
حق جمالین کورساتمسه ضامن بولای

سورسنک، تورسنک، یاتسنک، قویسنک، حقنی ایتسنک
ذاکر بولوب شاکر بولوب جانددین اوتسنک
والله بالله دنیا حرام تاشلاب آتسنک
حق جمالین کورساتمسه ضامن بولای

حق وصلی غه یتای دیسنک سحر بیغلا
الله تیو یورک بغرینک اوتقه داغلا
همت قورین جان بیلی کا محکم باغلا
حق جمالین کورساتمسه ضامن بولای

ادهم صفت بو دنیادین کونکل اوزکیل

حرص هوا تکبّر نی اوین بوزکیل
محبت نی دریا سیغّه جوموب یوزکیل
حق جمالین کورساتمسه ضامن بولای

کیچه - کوندوز آخرت نی غمین بیکیل
توت اویقونی حرام قیلیب طاعت قیلکیل
محبت نی شرقی برلان کوسونک یارکیل
حق جمالین کورساتمسه ضامن بولای

اهل هوا من - من لیکدین قاچیب یورکیل
اهلین تابسنک کوزده یاشنک ساچب یورکیل
محبت نی شرابی دین ایچیب یورکیل
حق جمالین کورساتمسه ضامن بولای

ایا دوستلار بو دنیا دین بیغلاب اوتینک
فانی تورور بو دنیا دین کیچیب کیتینک
محبت نینک جامین آلیب می نوش ایتینک
حق جمالین کورساتمسه ضامن بولای

کیچه الله، کوندوز الله تینمای ایتکیل
کیچه لاری بیدار بولوب قانلار یونکیل
بو دنیانی عرت لارین تاشلاب اوتکیل
حق جمالین کورساتمسه ضامن بولای

پیر مغان ایتاکی نی محکم توتقیل
معرفت نی بازار یدّه اوزونک ساتقیل
می نوش ایتیب سماع قیلیب ذکرین ایتقیل
حق جمالین کورساتمسه ضامن بولای

یا ربّنا ظلمنا دیب ناله قیلغیل
کوز یاشینکنی هر طرفه ژاله قیلغیل
حق یادینی ایتیب اوزونک واله قیلغیل
حق جمالین کورساتمسه ضامن بولای

درد حالت پیدا قیلیب یولغه کیرکیل
پروانه دیک شمع نی کوروب اوزونک اورکیل
قایدان بارسنک ذکرین ایتیب دوکان قورکیل
حق جمالین کورساتمسه ضامن بولای

محبت نی میدانیده باش اویناسنک
هو هو تیبو ذکرین ایتیب جان قیناسنک
دیدار تیلاب قان یاش توکوب زار اینکراسنک
حق جمالین کورساتمسه ضامن بولای

ایرانلارنی آستانه سین سقلاب یاتقیل
سحرلارده چار ضرب اوروب ایرته قویقیل
زاری قیلیب فنا بولوب جان دین اوتقیل
حق جمالین کورساتمسه ضامن بولای

تفرق صفت خوارلیق تارتقیل نفسنک اولسون
خلق ایچنده رسوا بولکیل عالم کولسون
چین کونکلده بیغلار کورکیل خدا بیلسون
حق جمالین کورساتمسه ضامن بولای

کوز یاشینکنی دریا قیلغیل رحمی کیلسون
غریب بولوب یولدا یاتقیل قولونک آلسون
پنهان یوروب طاعت قیلغیل تنکری بیلسون
حق جمالین کورساتمسه ضامن بولای

هجران تونی آهینک برلان اوتلار یاتقیل
کوز یاشینکنی برقی بیرلان چیقماق چاققیل
ایرانلارنی صحبتیده ایریب آقیل
حق جمالین کورساتمسه ضامن بولای

ای نا انصاف دنیا فانی، حقه یانغیل
بنده بولسنک حق ذکرینی تینمای آتغیل
پیر مغان خدمتیدا جفا تارتقیل
حق جمالین کورساتمسه ضامن بولای

الله تیو فنا بولکیل بغرینک کویسون
تونلار قویب طاعت قیلکیل تنکری سویسون
آندین سونکره خاص بزرک لار نظر قیلسون
حق جمالین کورساتمسه ضامن بولای

تون سحرلار بیدار بولوب سحر تورکیل
عاشق بولسنک اسماعیل دیک جان دین اوتکیل
قول آیاغینک محکم بو غوب امرین توتکیل
حق جمالین کورساتمسه ضامن بولای

ریاضت نی قنیغ تارتیب جانلار قینا
میدان ایچره باشنک بریب یاشینک اوینا
عیش دین کیچیب مال اورنیغه زقوم چینا
حق جمالین کورساتمسه ضامن بولای

فوهاد صفت محنت تارتیب تاغلار کسکیل
بایزید دیک تونلار قویب اوزونک آسکیل
جنید دیک جول کزیم خارلار باسکیل
حق جمالین کورساتمسه ضامن بولای

حق رحمتی اولوغ دریا بیر قطره بس
قطره سیدین بهره آغان قیلماس هوس
ما و من لیک سیندین کیتار مثل مکس
حق جمالین کورساتمسه ضامن بولای

حق رحمتی اولوغ دریا قابل بولغیل
طالب ایسنک حق ساریغه مایل بولغیل

زهد تقوى دايم قيليپ ناييل بولغيل
حق جمالين كورساتمسه ضامن بولاي

لالا ايتيب الا الله غه شيذا بولغيل
منصور صفت انالحوق ديب غوغا قيلغيل
كريان بولوب كوز ياشينكنى دريا قيلغيل
حق جمالين كورساتمسه ضامن بولاي

اي بي خبر غفلت بيلان اويقوده سين
دنيا تيلاب كيچه - كوندوز قايغوده سين
طاعت قيلماي سوزلار سوز لب بيهوده سين
حق جمالين كورساتمسه ضامن بولاي

تاشدين توشك - يستوق قيليپ طاعت قيلسنك
حق امريغه راضى بولوب بويون سونسك
اولار وقتنده ايمان آريغ قولغه آلسون
حق جمالين كورساتمسه ضامن بولاي

قول خواجه احمد نصيحت نى اوزونكا قيل
اي بي خبر خلقنى قويوب اوزونكنى بيل
تاغ دين آغير كناهينك بار اوزونكا كيل
حق جمالين كورساتمسه ضامن بولاي

(۱۲۷)
حكمت

تطوع روزه توتار خلقلار غه شيخ ليق ساتار
علمى يوق عاميدين بتار آخر زمان شيخ لارى
ببلى كا فوطه چالوب اوزنى كيشى سانور
ترصانده اوفتانور آخر زمان شيخ لارى

باشيغده دستار اورار علمى يوق نيكا يرار
اوقى يوق ياسين قورار آخر زمان شيخ لارى
الايين دين آل قيلور معمله نى مال قيلور
ايسسز عمرين بيل قيلور آخر زمان شيخ لارى

شيخ ليق اولوغ تورور حضرتكا ايلتكان اش تورور
آش بيرماس بغرى تاش تورور آخر زمان شيخ لارى
مسكين احمد قنده سين حق يولنده نيده سين
علمينك يوق نه سانده سين آخر زمان شيخ لارى

(۱۲۸)
حكمت

عاصى، جافى، قلونك كيلدى دركاهنك كا
قولوم توتوب يولغه مالكيل انت الهادى
ايرك ليك قادر بيغلاب كيلديم باركاهنك كا
قولوم توتوب يولغه سالكيل انت الهادى

تون كيچه لار تانك آتونچه ياتماق ايشيم
سحر توروب راز ايتماق مونكلو باشيم
ندامت ده آقار موكين كوزده ياشيم
قولوم توتوب يولغه سالكيل انت الهادى

يولسيز يولغه كيرديم دوستلار حاليم خراب
خلقدين سورسام هيچ كيم بيرماس منكا جواب
خالقيم سين يول كورساتكيل عاليجناب
قولوم توتوب يولغه سالكيل انت الهادى

خجالت ده قورقوب كيلديم كناهيمدين
ذاتى اولوغ پروردكار الهيم دين
ندا كيلدى نوميد قويماي درگاهيمدين
قولوم توتوب يولغه سالكيل انت الهادى

بيغلاب كيلديم حضر تينك كا ايا شاهيم
قبساق كيلديم قرانغولوق چيقيل ماهيم
پادشاهيم، سين بير و باريم، تكيه كافيم
قولوم توتوب يولغه سالكيل انت الهادى

باشدين اياغ بولدى كنه قايدده باراي
يول اداشكان ايتديك بولوب كيمدين سوراي
بو حال برلان ديداريكنى قايددين كوراي
قولوم توتوب يولغه سالكيل انت الهادى

مين بر كيتسام ايلييك اياق جمله كواه
رحمت ايتيب سين كيچماسنك حاليم تباہ
شرمنده مين، درمانده مين كوبتور كناه
قولوم توتوب يولغه سالكيل انت الهادى

كنه دردى بيمار قيلدى طببم سين
محبوبم سين، درمانيم سين، حبيبم سين
يولده قالددم حاليم سورار رفيقم سين
قولوم توتوب يولغه سالكيل انت الهادى

فاسق، فاجر رحمتينكدين نوميد ايماس
سيندين اوزكا هيچكيم مينى يولغه سالماس
لطف ايتمسنك مشكل لاريم آسان بولماس
قولوم توتوب يولغه سالكيل انت الهادى

هيچ كيشى يوق بيرده، كوكده سين سين قادر
شكم يوقتنور بو سوزوم ده اوزوينك ناظر
هم يكه سين، يكانه سين بيشك حاضر
قولوم توتوب يولغه سالكيل انت الهادى

مين يولونكده باش بيرماددم قادر خدا
باش نه بولغاي غريب جانيم يوز مينك فدا

درد هم اوزونك، درمان اوزونك لطفونك دوا
قولوم توتوب يولغە سالكيل انت الهادى

جان و ايمان غذاسيدور سنينك ذرقينك
جانيم بيريب ساتقون آلاى سيني عشقينك
روز محشر شفيع بولغاي سيني شوقينك
قولوم توتوب يولغە سالكيل انت الهادى

قُلْ هُوَ اللهُ، سُبْحَانَ اللهِ دين قمچى سى
روزه، نماز، تسبيح، تهليل حق ايلچى سى
پير مغان طالب لارى يول باشچى مى
قولوم توتوب يولغە سالكيل انت الهادى

انت الهادى، انت الحق نى ذكرين ايتسام
هادى بولسنىك ايدى يولدين راستقه قيتسام
هر ذكرينى تيل كا آليب نعره تارسام
قولوم توتوب يولغە سالكيل انت الهادى

انت الهادى انت الحق نى ذكرى قوى
پير مغان سوز لاريدىن آلسه فتوى
باطن لارى روشن بولوب بولور يخشى
قولوم توتوب يولغە سالكيل انت الهادى

قول خواجه احمد رحمتينكدين اميد توتاي
خواجم منى بندم ديسه شكرين ايتاي
بندم ديمى يوز او كورسه نيچوك ايتاي
قولوم توتوب يولغە سالكيل انت الهادى

(۱۲۹)

حكمت

خوش قدرتليغ پروردكار بير و باريم
قولوم توتوب يولغە سالكيل انت الهادى
ذاتى اولوغ رحمن ايكام هم جباريم
قولوم توتوب يولغە سالكيل انت الهادى

سحر وقتده بيغلاب توکسام قانلار كوزدين
كونكلم آچيب آگاه بولاي يخشى سوزدين
قدر تيغە محو بوليب كيتاي اوزدين
قولوم توتوب يولغە سالكيل انت الهادى

اجابت نى اندين تىلاب قيل مناجات
حاجتينيكنى روا قيلغاي قاضى حاجات
رحمت دريا تولوب تاشار بيتسه فرات
قولوم توتوب يولغە سالكيل انت الهادى

اي داد ايكام هيچ يتمادى سينكا داديم
بير و كوك نى نالان قىلدى بول فرياديم

روز محشر قيچقير غايمو كيل آزاديم
قولوم توتوب يولغە سالكيل انت الهادى

بنده بولسنىك ذكرين ايغيل قولونك آلسون
يولدين آرسنىك رهبر بولوب يولغە سالسون
سحرلارده زارى قيلغيل رحىم كلسون
قولوم توتوب يولغە سالكيل انت الهادى

انت الهادى، انت الحق نى ذكرى الله
حق ذكرينى ايغيل تينماى بولغونك آگاه
رحيم موليم نظر قيلسه اولور ناكاه
قولوم توتوب يولغە سالكيل انت الهادى

انت الهادى، انت الحق نى ذكرى دلده
بيلماس نادان ذكرين ايتيب ظاهر تيلده
مين - مين ديكان شيخ زمان آب و گيلده
قولوم توتوب يولغە سالكيل انت الهادى

انت الهادى، انت الحق نى ذكرى اولوغ
حق ذكرينى ورد ايلكان كونكى سنوخ
ورد ايلماى شيخ مين ديسه جايى تموغ
قولوم توتوب يولغە سالكيل انت الهادى

اي يرانلار نفس ايلكيدىن آرمانده مين
عصيان يوكى دوتا قىلدى درمانده مين
عاجز قولونك هر نه قيلسه فرمانده مين
قولوم توتوب يولغە سالكيل انت الهادى

قول خواجه احمد نفس دين اولوغ بلا بولماس
يول اوستيندا تفرق بولسام كافر اولماس
بير و كوك دين طعمه بيرسام هر كز تويماس
قولوم توتوب يولغە سالكيل انت الهادى

(۱۳۰)

حكمت

مركب لاغر، يوكوم آغير، اوزوم غمكين
حسرت بيلان عقل هوشيم كيتى تمكدين
اوتوب كاروان كوزدين غايب بولدى ساكن
بارور جايم بيلاماس مين قيان ايمدى

عبث اوتى ايسز عمروم رسواليقده
هيچ بولمادىم زمان ترس خداليقده
دابم يوردوم نفسيم اوجون كداليقده
هر نه قيلغان سودالاريم زيان ايمدى

بو حالت ده اول عزرائيل كيلسه ناكاه
اسيغ تندين جان نى آلسه بيركيل پناه

شیطان آلیب ایمانیمنی قیلسه رسرا
برادر لار آرا یولده من قالغان ایمدی

بو حالت ده سوز ایتور غه یوقتور فرمان
اوجوب قالغای وجود ایچره شمع ایمان
قزیل کل دیک اوشبو یوزونک بولور سامان
یقین بولغونک بیر آستیغه نهان ایمدی

زن - فرزند اغا اینینک بیغلاب تورکای
میراث دیبان مال - ملکونک بولوب آکای
ایلتیب سنی قرا بیرکا تیغیب کومکای
طعمه قیلکار قریش آتلیغ بیلان ایمدی

کیل ای خائف بو ایشلاردین خبر آلکیل
توبه قیلیب دنیا قویوب حقنی سویکیل
قول خواجه احمد بو دنیادین اوتوب یانکیل
شاید قیلغای نظر پیر مغان ایمدی

(۱۳۱)
حکمت

خوشلامایدور عالم لار سزنی ایغان تورکینی
عارف لاردین ایشتنسنگ آجار کونکل ملکی نی
آیت حدیث معنی سی تورکی بولسه موافق
معنی سی کا یتکانلار بیرکا قویار بورکی نی

قاضی، مفتی، ملالار شریعت درکاهنی
عارف، عاشق آلیب دور طریقت نی ارکی نی
عمل قیلغان عالم لار دینمیزی چراغی
براق مینار محشرده ایگری قویار بورکی نی

عمل قیلسه عالم لار دین و آیین یاروقی
کورسه بولور الارنی رنگ رویی کورکی نی
عمل قیلمای قال علمین اوقوی بیلمای قالغانلار
آرکه سیغه کوتارور قرق ایشک یوکی نی

خواجه من دیب لاف اورمه اوشبو دنیا بی پایان
بیلامین دیب ایتماسین کونکلداکی چرکی نی
رهنمادور خواجه احمد کلستان مغرفت
سوزلار سوزی حقیقت آجار کونکل ملکی نی

مسکین ضعیف خواجه احمد یتی پشتینک کا رحمت
فارسی تیل نی بیلیبان خوب ایتادور ترکینی

(۱۳۲)
حکمت

کونکلوم قوشی اوجار دایم قنات توقوب

ایکی کوزوم ندامتده قانلار توکوب
تن اولتروب ریاضتده تیزین چوکوب
یا الهی عفو قیلغیل کتاهیم نی

نادان لبقده قیلغان ایشیم بارچه خطا
توبه تقصیر ایلامادیم یقام توتا
کردنیمکا طوق ینکلیغ سالب فوطا
یا الهی عفو قیلغیل کتاهیم نی

دنیا سویوب دین سوداسین اوتکاریب مین
یازوق یوکین ایا دوستلار بتکاریب مین
درکاهنا معصیت لار کیلتوروب مین
یا الهی عفو قیلغیل کتاهیم نی

شوم دنیاغه کونکل باغلاب کاهل بولدوم
عشرت بیلان وا دریغا جاهل بولدوم
بو دنیانی اوتارینی ایمدی بیلدیم
یا الهی عفو قیلغیل کتاهیم نی

کونکل ملکین توتمش اوخشار ظلمت تونی
من لیک ایچره پیدا بولور ما و منی
پیر خدمتی یراق قیلور بیزدین آنی
یا الهی عفو قیلغیل کتاهیم نی

قول خواجه احمد کناهی کا قایل ایرور
هر کیم الله دیسه آنکا یاری بیرور
ایرانلارنی صحبتی کا مایل ایرور
یا الهی عفو قیلغیل کتاهیم نی

(۱۳۳)
حکمت

قدرت برلان فرمان قیلدی مولیم بیزغه
بیرده، کورده یانلیق مخلوق قالماس ایرمیش
قبض قیلدی عزرائیل نی عالم اوزرا
عزیز جانین آماقونچه قویماس ایرمیش

یاشیم مینی یاش بولور دیب آیتور ایردیم
هر نه خالص بولسا از دیب آیتور ایردیم
تورلوک - تورلوک دعا ایشلر قیلور ایردیم
ایمدی بیلدیم مین آیتکاندیک بولماس ایرمیش

دنیا مینی ملکوم دیکان سلطانلار غه
عالم مالین سانسیز بیغیب آغانلار غه
عیش و عشرت برله مشغول بولغانلار غه
اولم کیلسه بیری وفا قیلماس ایرمیش

مغرور بولمان، ای دوستلاریم! عشرت ایتیب

киچه - کوندوز یالغان آیتیب بیخود یاتیب
جان آغونچی کیلور ایرمیش بیر کون آیتیب
مونداغ یرده غافل یورسه بولماس ایرمیش

قول خواجه احمد اولارینی بیلا کورقیل
آخرتنی یراقنی قیلا کورقیل
بارورمن دیب یول باشیده تورا کورقیل
ملك الموت کیلسه فرصت قویماس ایریش

(۱۳۴)
حکمت

سبحان ایذیم اوزی دور اول مصطفی بیوردی
بابام آرسلان تیکوردی شیخم احمد یسوی
مصطفی نینک خرغه سین کیدی، ییدی لقمه سین
توتدی کعبه حلغه سین شیخم احمد یسوی

باقسه کعبه کورونکان باسسه بیرلار تورولکان
لدن علمی بیرلکان شیخم احمد یسوی
اصلی ایرور خاندان بیلماس آنی کوب نادان
بیلور آنی حق یزدان شیخم احمد یسوی

اسحاق بابا یریغی شیخ ابراهیم قولنی
مشایخ لار اولوغی شیخم احمد یسوی
یاسی سونینک آراسی یاتور کوهر پاره سی
مشایخ لار سراسی شیخم احمد یسوی

قرچیغنی قوشلاغان شونقار لاجین اوشلاغان
سانسز مرید باشلاغان شیخم احمد یسوی
شریعتی آراسته طریقتی پیوسته
حقیقتده شایسته شیخم احمد یسوی

شریعتنی سوزلاکان طریقتنی ایزلاکان
حقیقتنی بیلدورکان شیخم احمد یسوی
کون توغاندین باتارغه ترسه، جهود، تاتارغه
قوللوق قیلیب سانارغه شیخم احمد یسوی

اون سیکز مینک عالمده آتی مشهور کلامده
اورنی دار السلامده شیخم احمد یسوی
باب لار بابی خراسان سانسز تومان هندوستان
بابالار باشی [بابا] آرسلان شیخم احمد یسوی

آتام آتی از غوسی پیار بولوب توز غوسی
ایکی جهان کوزکوسی شیخم احمد یسوی
خضر برله صحبتلیک الیاس برله الفت لیک
حق قاشنده حرمت لیک شیخم احمد یسوی

ترکستانغه بارالانک خدمتنده بولالانک

اولوش بیرسه الالانک شیخم احمد یسوی
بابا ماچین اول سلطان مرید بولدی بیگمان
حکیم خواجه سلیمان شیخم احمد یسوی

مناجات بدرگاه قاضی الحاجات جل جلاله

مناجات ایلدی مسکین خواجه احمد
الهی قیل همه بنده نک نی رحمت
غریب احمد سوزی هرکز قوریماس
اگر بیر آستیغه کیرسه چوروماس

ینه منسوخ بولوب اول خوار بولماس
اوقوغان بنده لار بیمار بولماس
اوقوغانه قیلور مین آنده شفقت
قیامت کونیده قیلغوم شفاعت

خدایم قیلسه انعام مینکا جنت
اوقوغان نی قیلور مین مین شفاعت
تیلاکی هر نه بولسه تنکری بیرکای
محبت شوقی نی کوسیکا سالکای

جمالین کورساتیب پروردکاریم
اوزین یولیغه سالسون بیر و باریم
خدایم ایلاسون محشرده خرّم
قیامت کون اریغ ذاتی غه محرّم

دعاغه یاری بیرسه هر مسلمان
اولار وقتیده ایلتکای نور ایمان
مینى حکمت لاریم عالمغه تولغان
ایشیتمای هر کیم اولسه قیلغای ارمان

مینى حکمت لاریم دردلیککا درمان
کیشى بوی ایلتسمه اول یولده قالغان
مینى حکمت لاریم عالمده داستان
روحوم کیلسه قیلور صحبت نی بوستان

مینى حکمت لاریم کان حدیث دور
کیشى بوی ایلتسمه بیلکیل خبیث دور
مینى حکمت لاریم طالب نی رزقی
اگر چندیکه بولسه جرم و فسقی

مینى حکمت لاریم فرمان سبحان
اوقوب بیلسنک همه معنی قرآن
مینى حکمت لاریم عالمده سلطان
قیلور بیر لحظه ده چول نی کلاستان

مینى حکمت لاریم شوق محبت

Козини ياشيغه قىلغاي طهارت
نمازيغه رمول الله امامي
آني قومي ملانك لار تامامي
شكسته ليك بيله قىلغان نمازي
قبول بولغاي آني حقه نيازى
مىنى حكمت لاريم عاشق غه ايتىنك
دلى آيينه ديك صادق غه ايتىنك
همه كور و كر و باطنى كذاف
نمام اقليم نى گيزديم تابماديم صاف
مىنى حكمت لاريم صراف كا ايتىنك
خداى باكرم وهاب كا ايتىنك
عدالت پادشاه بر آتي صادق
قىلور بير لحظه ده وصلى غه لايق
مىنى حكمت لاريم نادادن ايشتماس
دلى، كونكلى قارا پنديم نى آلماس
خطى دين بيخبر الله غه منكر
ادب سيز بي ادب دنيا ده بي پير
خطى نى بتسه هر كيم نثر بتسون
ولى نثرى بتيب مقصودغه يتسون
دينى ايمانى يوق اسلامى ويران
قيامت تانكى آتسه بولده قالغان
پير كامل نى كورماى شيخ صنعان
خدا قيلماس قبول اوقوسه قرآن
اوزىنى شيخ آلور كولبارى حالى
يكرمه بيش كا بيتماى آنى سالى
نصيحت لار قىلور پير و جوان نى
اوزى فهم ايمايين يخشى يمان نى
آلارنى سوزلارى ضال مضل دور
شريعته اهلى بو ايل دين خجل دور
اينانسون ديب موني بير نيچه بي عقل
قىلور لار اوليالاردين موني نقل
قويوب دامين كذركاه لار غه بي پير
تيلي مكر و حيله قىلغانى تزوير
آنى مكرى ابرور شيطاندين اعلا
قوپار يوزى قرا محشرده تانكلا
الارنى كورمنكيز يوزىنى هر كيز
انينكديك لعنتى دين ايلانك پر هيز
زبانى حال ايله اعمى نى ايتيم
حقيقت سوز بيله جاهل نى سوكتيم

اكر عالم بولسه جانيم تصدق
دُرّ و كوهر سوزوم نى ايشيتيب اوق
دُرّ و كوهر سوزين عالمغه ساچسه
اوقوب اوقوسه كلام حقنى آچسه
اوشال عالم غه جان قربان قىلور مين
تمامى خانمان احسان قىلور مين
قانى عالم قانى عامل پاران لار
خدادين سوزلاسه سيز جان برينك لار
چين عالم يستوقين تاشدين ياراتى
نيمه اوقدى آن عالم غه ايتى
اوزىنى بيلدى ايرسه حقنى بيلدى
خدادين قورقتى و انصاف غه كيلدى
مىنى حكمت لاريم دانا يشيتسون
سوزوم داستان قىليب مقصدغه بيتسون
مىنى حكمت لاريم فعلى و قولى
دلى كونكليده بولسه ذكر مولى
مىنى حكمت لاريم بير پير كامل
قايب بنده خداغه بولسه مايل
مىنى حكمت لاريم خوبلار غه ايتىنك
دعا تكبير قىليب رحمت كا باتىنك
مىنى حكمت لاريم پير زبزدست
ايشيتكانلار بولور بيهوش ر سرمست
تيريك بولسه جهانده خوار بولماس
اوقوغان بنده لار بيمار بولماس
قيامنده آنكا هادى بولور مين
اكر دردليك بولسه دارو بولور مين
اكر يوز بيل عمر كورسه قوريماس
اكر بير آستىغه كيرسه چوروماس
خدا قىلغاي آنى دوزخدين آزاد
بهشت جاودانده ايلاكاي شاد
اكر حكمت اوقوسه ائها الناس
ايرور فرزند مينكا اول طالب خاص
ايشيتيب حكمتيم نى گوشه آلمان
عطا قىلغاي اولار وقتيده ايمان
يسوى حكمتين دانا ايشتسون
ايشيتكانلار همه مقصودغه يتسون
جواهر كانيدن بير نكته آلسون
ايشيتكان بارى حسرتده قالسون

Кيشى حكمت ايشيتسه جانى برلان
چيقار جانى آنى ايمانى برلان

قلاقه آماغاى بو سوزنى نادان
آنى آدم ديمه اول جنس حيوان
خدانى سوزيدىن چيقان بو حكمت
ايشيتكان كا ياغار باران رحمت

مىنى حكمت لاريم حقنى ثناسى
محبت اهلى نى دردين دواسى
مىنى حكمت لاريم قند و عسال دور
همه سوزلار ايچنده بى بدل دور

مىنى حكمت لاريم انعام الله

سحر وقتده ديسه استغفر الله
آنى شيطان لعين توتماس يولى نى
محمد مصطفى آغاى قولى نى

پيغمبر امتيم ديب مهري تاولار
عزازيل نى خدايم اوزن قاولار
مىنى حكمت لاريم دردسيزكا ايتمنك
بهاسيز گوهر يم نادانغه ساتمنك

يسوى حكمتين قدريغه ياتقيل
خم عشقدين مىي بر قطره تاتقين
خم عشقدين كيئى بير قطره تاتقاي
خدانى وصلى كا بر يولى ياتقاي

تمت الكتاب بعون الله الملك الوهاب

Nashrga tayyorlagan: **Tyulemissov Madi:** tmadi@topmail.kz